

550.78
8

戴錫珉先生著

中
庸
經
濟
論

北京趙邦清署



36
7

廖序

吾友瑞堂，志士也。少觀國勢之不振，外侮之侵凌，遂慨然有澄清之志，於是投筆從戎，思展所抱，雖荐陞少將，意欲如也。在革命軍北出章貢，一般投機分子，朝更旗幟，暮遂自鳴得意，吾友羞之。由是而深悔十年戎馬，無非同室操戈，乃毅然脫軍籍，下帷讀書，午夜雞聲，一燈熒然；既而知徒讀死書之無益，乃斥資產，負笈徒步遍遊十八省，察其風土人情，交其賢士大夫。歸以我國社會經濟爲中心，証以古今中外之學說，著「中和經濟論」一書，寫其心得，哀然成帙，將以問世。而向之交遊者，僉非笑之，君於是大憤，自信彌堅，自攻益苦，以爲世有知音者，必不我負。迨超歐遊歸來，君聞之竊喜，乃挾其稿十餘冊，囑超爲之印証，且述所經，深悔曩日之所爲，更欲將十年辛苦之是非，決於超之一言，超受而細讀一過，則言淺意賅，能揭出今日中外社會共同之心理；且愛國熱忱，時流露於字裏行間，迥非世之所謂作家者可望其肩頤，隨筆爲之潤色，兼參以己之所知，以發其精蘊。蓋

其立志之堅，宜乎其成就之大也。抑超嘗觀今之著作，泥古者，言必典謨，每不適合於現代情形。而信今者，語輒歐美，復與國情隔膜，互相詆毀，各走極端。不惟讀者莫衷一是，甚至晦澀難通。今君能躬歷內地，瞭然於社會經濟情況，而又以我國固有文化爲出發點，旁証西方學說，其思想之高深，用功之勤苦，固爲人所難及！而其改過之勇，尤足多者，超以志士目之，誠非過譽。今之士夫，多耽於聲色狗馬，談國事者，尤重主觀；對於解決現在吾國之危機，未有能作深切之探討者，以視吾友之力學，會當興起。至其書之真實，有目者類能識之。超僅就感想所及，爲綴數言，冠之篇首。

民國二十四年二月二十五日品卓廖行超寫於趣園

李序

民國二十三年秋，戴瑞堂兄，忽過訪京寓，出示其所著『中和經濟論』原稿，且告予曰：「吾與子不見幾七年，現於此長時期中，著論近十餘萬言，能針砭時病否，不敢必，然不知我者，恐將視余主張爲謔言，果爾，則冤哉枉也。子與現爲總角交，盡受此稿，幸加審覽，若子亦以爲不可者，現當焚之，不復災及棗梨矣，……」彼時，予審知瑞堂情緒之懇摯，乃不以不學而受其稿，竟半日之功以讀畢之，間有與鄙見出入處，並盡情述之以冀其改正，未幾，瑞堂南返，且從事刊行其大著矣，余於此時，適亦旋滇，瑞堂復示樣本，走祖告曰：「此書問世，子不可以無言，……」於是，又以數日之力，讀竟其詞，因以知瑞堂作是書之用心，不僅在舉世失業者之個人得生路，並希望人，族，國間，均可趨之大同途徑，其抱負之宏，着眼之遠，不可及也，瑞堂不棄，殷殷以予爲能發一言而增麗之者，特述其梗概如此，寶川李培天謹識。

自序

予不幸生於國際競爭之二十世紀。復不幸生於積弱不振之老大中華。呀呀學語。適蒙甲午之羞。束髮受書。復親庚子之辱。此後馬齒隨國恥同增。知識共煩惱並進。尤足痛者。日使芳澤。在國聯會宣言。謂中國非現代有組織之國家。僅地理上之一名詞耳。法國地理學家法勒克思。亦謂我國爲無政府之凝結。然耶。否耶。是可忍也。孰不可忍。回憶清末。予痛國勢之不振。投筆從戎。擬以滿腔熱血。一瀉國恥。詎意事與心違。屢操同室之戈。國脈斷喪。創痕滿身。捫心午夜。愧悔交集。解甲歸來。恨國步之遑遑。每愴然而泣下。爰於農事餘暇。搜讀海內愛國志士之救國文章頗多。覺總不常意。蓋崎重攘外者。則悖於安內。崎重安內者。反之。崎重政府者。則害及人民。崎重人民者。反之。或故指政府之疵。激起人民之怨尤。或故証人民之愚。助長政府之專橫。或立言雖經。終歸臨渴掘井。或診斷不寔。甚至寒症熱醫。或謀皮於虎。或止沸揚湯。或忽經濟之難關。或悖生生之大意。種種

偏見。不一而足。宜乎車良途梗。而禍世殃民也。予外觀世界大勢。內察社會情形。証之人生哲學。質諸否泰易理。對於救國方法。具有下列管見四條。

一、內亂爲外侮之因。外侮爲內亂之由。二者互相助長。尤宜內外兼顧。

二、中國現有之政府人民府庫。乃疲憊、貧愚、空虛、之政府人民府庫。祇宜因病立方。不可削足適履。

三、易云。天地之大德曰生。又云生生之謂道。祇宜勸人捨死求生。不可勸人捨生求死。

四、政府建於江邊。下關敵艦雲集。人民鵠形鳩面。早已賣子鬻妻。投鼠尤須忌器。補瘡不宜剜肉。

無論任何救國思想行爲。具有四項要素者。必然有效。否則幸而曇花一現。於世無補。甚而禍國殃民。貽害無窮。此余敢斷言者也。淺言之。未來之世界大戰。我乏海空兩軍之中國。又將何以應之。不能以不了了之。而塞責於劫運也。余今者救國於執戈也失望。救國於執筆也有心。啣石填海。願效精衛之痴。負土移山。

敢步愚公之愚。終日冥思結想。志在得一有效救國方法。而應付此空前浩劫。頭緒茫茫。躊躇久矣。迨頻年歐美失業工人示威遊行之事實層見疊出。復考查中國經濟狀況。方知列強所懼者。惟有失業人民。今日世界上飢寒交迫挺而走險者。亦惟失業人民。現在朱毛之爪牙。及未來大戰之戕殺者。全爲失業人民。中國爲全世界所不及者。厥惟失業人民。以我之長。對彼之短。以我之仁。濟彼之危。於是乎思想成焉。調查國人失業程度。曾兩次步遊十八行省。前歲稿成。共計三篇十九章十四萬餘言。客歲蒲月。曾將是書之引言、綱目、及屬於大前者四章。印就千冊。郵呈海內名流。懇其嚴加指正。詎意諸先達爲鼓勵後學計。不惟置疵不問。反而獎飾有加。甚且對全稿付梓之催函。至百餘封之多。僅遵命將全稿十分之八二次出版。望我中華慶國之士、及先進學者、起而正之、是爲至禱。

又是書之成。深感激廖品卓、李西屏、李子厚、彭宣甫、曹聖生、李子文、丁毅夫、諸先生之補助。尤感激品卓、西屏、子厚、三先生之鼎力玉成。亦足徵士志於道、舉目皆是仁人。人趨於利、相接端逢吝者。孔子謂君子憂道不憂貧。吾訴之

自序

四

經驗。總以爲憂道者、絕不眞貧。眞貧者、絕不憂道。望後之學者、勿因乍受經濟威逼、而變節墮志也。

民國二十五年立春前六日。賓川戴錫琨。瑞堂氏。序於昆明之貧樂堂。

綱目錄

引言

一、論著作品之價值……………一

二、論人生與道德經濟之關係……………三

三、論中和道德經濟……………五

中和經濟論

上篇 世界經濟論

第一章 論人生……………九

一、現在之生……………〇

甲、經濟之定義……………〇

乙、經濟之內包外延……………一

1. 物質之接濟……………一

2. 勞動之接濟……………一

3. 意志之接濟……………二

中和經濟論 目錄

中和經濟論 目錄

二

丙、三元經濟合論……………一三

二、身外之生……………一五

(附論性欲)

三、未來之生……………一六

(附論富欲)

四、精神之生……………一六

(附論貴、權、功、名、壽、五欲)

五、優美之生……………一八

(附論美欲)

六、結論……………一九

第二章 原理……………二一

一、理之定義……………二一

二、理之分類……………二二

三、理之批評……………二四

四、論現代人聚訟之理……………二六

甲、呆理	二六
乙、浮理	二七
丙、私理	二七
丁、偽理	二八
五、論人生之大道	二八
第三章 經濟史觀	三一
一、總論	三一
甲、論觀	三二
乙、論史	三三
二、第一段猿人時代之經濟	三五
三、第二段部落時代之經濟	三五
四、第三段帝王時代之經濟	三六
甲、總論	三七
乙、關於物價之進化	三八
1. 交易	三八
中和經濟論 目錄	三

中和經濟學 目錄

四

2. 國籍	三九
3. 法律	三九
4. 制度	四〇
5. 政治	四一
6. 武器	四一
7. 醫藥	四一
丙、關於意志之進化	四一
1. 文學	四一
2. 道德	四二
3. 教育	四二
4. 美術	四二
5. 博術	四三
6. 音樂	四三
7. 禮儀	四三
丁、關於勞動之進化	四四

1. 牧徽	四四
2. 武術	四四
戊、合論	四四
五、第四段宗教時代之經濟	四六
甲、佛教與印度之經濟	四七
1. 彌曼希望之印度經濟	四七
2. 印度感受佛教後之經濟	四九
乙、孔教與中國之經濟	五〇
1. 孔子希望之中國經濟	五一
2. 中國感受孔教後之經濟	五二
丙、耶教與歐洲之經濟	五四
1. 耶蘇希望之歐洲經濟	五四
2. 歐洲感受耶教後之經濟	五六
(附論程罕默德與阿拉伯之經濟)	
六、第五段商業時代之經濟	五八

中和經濟論 目錄

六

甲、歐洲經濟……………五九

1. 殖民時期……………六〇

2. 競消剩餘生產時期……………六一

3. 慘殺失業人民時期……………六三

乙、印度經濟……………六五

1. 容納飢民時期……………六六

2. 蒙古帝放棄政權時期……………六七

3. 不合作時期……………六七

丙、中國經濟……………六八

1. 政府人民交愛時期……………六八

2. 政府人民交惡時期……………六九

3. 政府人民合作時期……………七一

七、合論……………七二

第四章 觀史後之認識……………七一

一、論文化……………七二

甲、文化之定義·····	七三
乙、物需對於文化之促進·····	七三
丙、動需對於文化之促進·····	七四
丁、志需對於文化之促進·····	七四
二、論文明·····	七五
甲、文明之定義·····	七五
乙、物質文明·····	七五
丙、精神文明·····	七五
丁、人生文明·····	七六
戊、中歐印三區之文明結晶·····	七六
三、論五段進化中經濟道德之互相激發·····	七八
四、論五段進化中經濟失調之三成因·····	八〇
甲、自然失調·····	八〇
乙、偶然失調·····	八一
丙、人違失調·····	八一
中和經濟論 目錄·····	七

丁、合論·····	八一
五、論五段經濟變化之三態現象·····	八一
甲、第一態飢飽顯然·····	八二
乙、第二態飢飽衝突·····	八二
丙、第三態飢飽中和·····	八三
丁、結論·····	八四
六、宗教時代財貨之自然分配·····	八五
甲、宗教分配·····	八五
乙、神鬼分配·····	八六
丙、奢侈分配·····	八六
丁、遊戲分配·····	八六
戊、術數分配·····	八七
己、合論·····	八七
第五章 今日第五段第二態飢飽衝突中人類經濟之六不調和·····	八八
一、個人經濟之失調·····	八八

甲、資本家經濟之失調	九〇
乙、工人經濟之失調	九〇
丙、失業人經濟之失調	九一
丁、合論	九二
二、夫婦經濟之失調	九二
甲、婚姻之起源	九二
乙、論專制與貞操、多妻與多夫、權與責	九三
丙、論舊日夫婦經濟中之五原素	九四
丁、論今日夫婦經濟中之五原素	九七
戊、論戰爭與多妻制	九八
三、父子經濟之失調	九九
甲、養父母、壯子女、壯父母、幼子女、之交換道德	九九
乙、因父及祖、因兒及孫、之大家族	一〇〇
丙、弛孝後之怪現象	一〇一
四、社會經濟之失調	一〇二

甲、都市人利之原因……………	一〇二
乙、第五等生活之社會……………	一〇三
丙、第四等生活之社會……………	一〇四
丁、第三等生活之社會……………	一〇四
戊、第二等生活之社會……………	一〇五
己、第一等生活之社會……………	一〇六
庚、結論……………	一〇六
五、階級經濟之失調……………	一〇七
甲、舊日之階級……………	一〇七
乙、今日之階級……………	一〇八
丙、下級之謀生無路……………	一一一
六、國際經濟之失調……………	一一二
第六章 因六項經濟失調而造成之八項不良現象……………	一一四
一、疾病橫生人壽短促……………	一一四
(附論病、癩、癲、)	一一四

二、失偶男女充斥世界	一一〇
三、青年不孝衰老無依	一一一
四、無官不貪無地無匪	一一三
五、騙子橫打法律失效	一二五
六、飢民倡亂政府失固	一二七
七、赤禍彌漫慘無人道	一二八
八、挑動鄰邦慘殺國民	一二九
九、合論	一三〇
第七章 急趨直下之第三態飢飽中和現象	一三一
一、總論	一三一
二、論產與業	一三三
甲、論產之成立及定義與享受	一三三
乙、產之分類	一三七
丙、業之定義	一三八
丁、業之分類	一三八

戊、產業合論	一四〇
二、今日世界失業人數之估計	一四一
一、喪失	一四五
二、新增	一四六
甲、全失業	一四七
乙、半失業	一四七
丙、急性失業	一四八
丁、緩性失業	一四八
戊、合論	一四八
四、三千萬急性全失業人之五條歸路	一四九
甲、充當兵役死於戰場	一四九
乙、流為盜匪死於法律	一五一
丙、流為娼妓死於梅毒	一五一
丁、流為乞丐死於溝壑	一五二
戊、廉恥衝動死於自殺	一五三

己、合論……………	一五三
第八章 四千萬急性全失業人之臨死求生……………	一五四
一、僞生路之認識……………	一五五
甲、須具不仇怨政府之決心……………	一五五
乙、須具不批評政治之決心……………	一五六
丙、須具不殘害人相之決心……………	一五七
丁、合論……………	一五八
二、評今日之文明……………	一五八
三、失業人愈中之人生文明……………	一六〇
四、失業人業上求生……………	一六二
甲、科學與德國之威力……………	一六二
乙、黃金與美國之威力……………	一六三
丙、勞工與蘇俄之威力……………	一六三
丁、失業者與中國之威力……………	一六四
五、失業人經濟革命之動作時期……………	一六五

中 篇 中國經濟論

- 甲、未來大戰中戰士之一條生路……………一六六
乙、大戰中中華應付之唯一方法……………一六七
六、大戰中失業戰士求生之手段與手續……………一六八

第一章 通說

- 一、對中國之認識……………一
 甲、對中國資格之認識……………一
 乙、對中國能力之認識……………二
 丙、對中外五十年來形勢之認識……………三
 丁、對中外六十年來形勢之認識……………五
 戊、對中外今日形勢之認識……………五
二、列強顛仆中國之經過……………六
 甲、提攜拱衛衝破關稅壁壘……………七
 乙、提攜東軍迫成甲午之戰……………八
 丙、挑撥政府人民造成上下離心……………九

丁、私賣槍械造成內戰（原文誤爲三）	二二
三、中華今日無亡國之憂（原文誤爲四）	二二
四、合論	二二
第二章 論中國今日之經濟	一七
一、國人失業	一〇
二、生活增高	一〇
三、工費力賤	二二
四、食費金賤	二二
五、入不敷出	二五
甲、政府入不敷出	二五
乙、公員入不敷出	三〇
丙、人民入不敷出	三四
六、結論	三八
第三章 論中國之金融	四〇
一、金融之定義	四一

二、舊日之金融·····	四二
三、今日之金融·····	四三
四、世界對於中國之金融·····	四七
五、中國對於世界之金融·····	五一
六、合論·····	五二
第四章 中國今日失業人數之估計·····	五四
一、中國人在閉關時代之生業·····	五六
甲、產業·····	五七
乙、職業·····	五七
丙、生產業·····	五八
丁、雜業·····	五八
戊、合論·····	五八
二、世界交通後中國人之生業·····	五九
甲、產業位之喪失·····	六〇
乙、職業位之猛增·····	六一

丙、生產業位之喪失·····	六二
丁、雜業位之得失相抵·····	六六
戊、業位喪失之總數·····	六七
三、根據喪失業位而推論中國之失業人數·····	六七
甲、全失業·····	六七
乙、半失業·····	六七
丙、急性失業·····	六八
丁、緩性失業·····	六八
四、千二百萬急性全失業人之九條歸路·····	六九
第六章 四億七千萬人死於求生之窮理·····	七〇
一、如何制止白色侵畧·····	七二
甲、武器戰·····	七三
乙、經濟戰·····	七五
丙、道德戰·····	七六
丁、合論·····	七八

- 二、如何制止赤色侵略……………八一
- 三、如何鞏固政府……………八三
- 四、如何使武人守法……………八五
- 五、合論……………八七

下篇 呼之即出之世界大同

- 第一章 論人之趨利避害……………一
- 第二章 窮問造成大同之動力……………五
 - 一、機械譬喻……………五
 - 二、世界變化中原動之步步追問……………六
 - 甲、通說……………七
 - 乙、失業人司世界變化之機……………八
 - 丙、中國失業人爲世界失業人之發動機（以下俟下次出版發表）
 - 丁、中國五百萬武人爲全國失業人之發動機
 - 戊、中國無餉武人爲全國武人之發動機

己、中國一等受災武人爲無餉武人之發動機

庚、結論

第三章 中國一等受災武人之智慧

一、利身

甲、弭消政府之不容

乙、弭消與他軍之爭端

丙、弭消人民之仇怨

二、中國一等受災武人之物需覓取法

三、中國一等受災武人之救國法

四、中國一等受災武人之大同製造法

五、合論

第四章 中國一等受災武人之毅力

一、宣傳與宣佈

1. 中國失業者對列強哀懇詞之大意

2. 中國失業者經濟革命對世界之宣佈

3. 中國失業人經濟革命對國內之宣佈

二、中國失業人經濟革命宣佈後對世界之影響推測

甲、音波推測

乙、利害推測

1. 個人

2. 週己

3. 人已合測

三、中國經濟革命宣佈後對列強之兵戰問題

甲、評列強之海軍

乙、評列強之陸軍

丙、評列強之空軍 (以上俟下次出版發表)

第五章 中國人工革命後之世界推測

一、個人經濟之中和

二、夫婦經濟之中和

三、父子經濟之中和

四、社會經濟之中和	一六
五、國際經濟之中和	二〇
六、宗教之中和	二二
七、法律之中和	二六
八、數量之中和	二七
九、語言之中和	二九
十、思想信仰之中和	三〇
十一、結論	三一
第六章 人口論	三三

中和經濟論目錄終

引言

戴錫珉著
吳品方校

一、論著作作品之價值

著作作品之天壽。原聽命於價值。但價之大小。視乎人類需要之緩急。值之大小。視乎成之之難易。非人故爲抑揚所能有效者也。縱觀古今。卷帙多矣。除無價值者曇花一現與吾人無緣相見外。覺值高價低者有之。價高值低者亦有之。其所以然者。前因成之難而需安緩。後因成之易而需要急也。又同一書也。甲人視之爲有價有值。乙人視之爲有價無值者。有之。再一人之於一書也。今日視之爲有價有值。明日視之爲無價無值者。亦有之。其所以然者。甲乙今昔之環境變遷也。由此觀之。足見書有定值而無定價也明矣。但吾人於書、不必希望其有值。務必希望其有價。緣左思十年三都賦。僅供文人消遣。張機信手書良方。功能起死回生。又同爲重價也。一部分人視之有價。其價又小。全體人視之有價、其價又大。蓋齋何定律、不過良者得安。孔子明道，能使人皆受惠。此作者對於著作價值之管見也。今日

何日、五大洲五種人交往，世界經濟恐慌，人類殺與極濃之時也。際茲時會。吾人果欲著作。則著作必須應世界人之急需，而符合下列之八條要求。

一、飢者視之若食、二、寒者視之若衣、三、老者視之若孝子、四、幼者視之若慈母、五、弱者視之若護符、六、危者視之若救星、七、政府視之若警蹕、八、戰士視之若和約、

著作果能符合上列之八條要求。自能獲得無上之大價矣。但果欲符合。不惟著作難、即題目之選擇亦難。緣今日宇宙中應研究之問題固多。敢斷言、研究其他問題。任思想理論登峰造極。世上必有漠不相關之人。惟有研究經濟道德問題。方能人人與之發生關係。但已往經濟道德之專書多矣。如佛書之慈悲。耶書之汎愛。馬克思之共產。李斯特之集產。論道德則凡人皆愛。論經濟則無孔不入。何以未得世界人之同需。豈道德經濟兩問題、不能籠罩人類乎。非也。蓋前者、論道德則背經濟。飢者見之而嘔。後者、論經濟則背道德。富者聞之而怒。宜其人對之愛悉參半也。吾人著書、不欲求世界人之同需則已。果欲求之。當然取道德經濟為研究之對象。

。並且須採用耶佛之道德學。李馬之經濟學。將其打破而融和之。另著道德經濟二書。俾經濟中含有道德。道德中含有經濟。庶乎可以博無上之大價矣。

二、論人生與道德經濟之關係。

人、動物也。動物、生物也。生物貪生、動物善動、人具智識。吾人順本性、憑本能、自是憑勞動智慧而謀取生存。生者死之反。換言之、吾人是憑勞動智慧而避開死路。此芸芸衆生之心理也。人誰能永生、人誰樂速死。吾人除老衰之自然死、不能以勞動智慧挽回外。其他若有死機、則無不盡勞動智慧而圖挽回。此芸芸衆生之行爲也。寒足以殺人、飢足以戕生。其死機盡人皆知。不必深究。但身暖腹飽、吾人即算真正得到生存乎。未也。蓋人與人既可以相助相友。復可以相相相殺。武器若此之犀利。此人之又一死機也。二者相較。飢寒之殺人也性緩。武器之殺人也性速。故智慧之人。緩其當緩、速其當速。對飢寒之禦防。猶在其次。對怨者之戒嚴。列爲最先。禦飢禦寒。託之衣食。衣食總名之曰經濟。化仇爲友。託之倫理。倫理總名之曰道德。故人之生也。道德爲第一生命。乏道德必流血而死。死於流

血者。名之曰赤禍。經濟爲第二生命。乏經濟必飢寒而死。死於飢寒者。名之曰白禍。此道德經濟於人生之利害也。

同爲人類。必取捨相同。因此甲人之所欲也。亦爲乙人之所欲。取其所欲。即奪人之欲。利經濟而害道德。棄其所欲。即予人以欲。利道德而害經濟。足見道德與經濟衝突。二者頗難得兼。於是貪生之人。忽而志在道德。忽而志在經濟。一心不能二用。顧此自然失彼。結果仁而不富、飢寒交迫者有之。富而不仁、身陷白刃者有之。足見道德經濟。又有殺人之可能也。凍餓相加。方知道德之誤我。白刃入腔。方知經濟之殺人。晚矣。故有經驗之人。主張不棄道德。不受道德之累。需求經濟。不受經濟之殃。成爲言語上絕對道德。事實上絕對經濟。表裏不同。其運用之法妙矣。詎意作僞者善知人作僞。欺人者難不被人欺。吞餌中鈎。方知欺人之誤我。笑面刀來。方知作僞之惱人。晚矣。此僞道德真經濟。又爲進一步之殺人。也。試觀二十世紀之慘死者。死於兵禍者。十之七八。死於飢寒者。十之二三。死於僞道德者。十之七八。死於不道德者。十之二三。足見道德經濟之不易運用也。個人

如此。而多人湊合之團體亦然。蓋國家有國家之道德經濟。家庭有家庭之道德經濟。中和之、必國盛家昌。偏重之、必國破家亡、威廉之治德國也。趨重國家經濟、疎忽國家道德。於是釀成歐戰。殺人盈野。高宗治宋、反之。於是委蛇求全、國破家亡。和坤之治家也。趨重家庭經濟。疎忽家庭道德。於是奇禍臨頭。人死財散。孫叔敖治家、反之。於是子孫雖賢、飢寒爲憂。此道德經濟於人之利害也。

三、論中和道德經濟

道德經濟之利害。已如上述。但人誰不貪生。家誰不欲興。國誰不圖盛。威廉高宗、和坤、叔敖、四人。對赤白兩論、曷嘗不有懼心。懼而遭之之機。厥在應用道德經濟。蔓無分寸、失去中和耳。四人非愚者。何以蔓無分寸。又在乎道德經濟。本爲事實。道德經濟之如何措施。原爲古今人思想之焦點。愚以爲自古至今。凡人腦中之思想。日中之言語。身軀之行爲。筆端之文字。或直接。或間接。極端歸納。非趨於道德、即趨於經濟。社會上離開道德經濟、絕無第三端事理。但古今

人以恒河沙計。以恒河沙數人之結晶思想。不能造出道德經濟之中和準則。豈古人智遜今人乎。非也。蓋經濟有難易，道德有廣狹。道德之廣狹，每聽命於經濟之難易。本來各時各地有各時各地之經濟狀況。各時各地之智者能者，因當時該地之經濟狀況，而倡相當之道德。配合之，二者原屬中和。即如印度物需易致，墨學倡大慈大悲之道德。恩惠及於禽獸。阿位伯生計較難，穆罕默德倡除暴安良之道德。甚至犧牲黑人。道德經濟空間上不能訴合也如此。時間上不能訴合也亦然。今日萬國交通。經濟則全世界聯成一片。與經濟相輔而行之道德。亦應聯成一片。方能免赤白兩禍。詎意各區墨守舊日之局部道德。總想詭異世界。以背叛經濟之慈惠汎愛。當然引出背叛道德之集產共產。各走極端。交相爲害。人類謀生之難。未有甚於今日者也。然古人不知今日人類之經濟狀況。今人不宜墨守古人之道德成規。調和今日世界之道德經濟。吾儕感受赤白兩怖之今人。實有責焉。

道德經濟之應當中和。已如上述。但道德之言、古人說盡。致物之方、古人想盡。是則調和今日之道德經濟。原不必製造道德名詞、闢發致物之方。祇須吾人將

思想、行爲、言語、著作。化爲十分。均分之。以五分容納道德。以五分容納經濟。庶乎道德足以弭怨。而不造成飢寒。經濟足以弭貧。而不激起仇怨。此之謂中和也。故作者以五分道德。五分經濟。理想出一具體道德經濟比例尺。用是尺規繩思想。著書二篇。上篇以經濟爲經、道德爲緯。名之曰中和經濟論。下篇反之。名之曰中和道德論。五倫、八德、道德也。政治、社會、經濟也。世無雖開道德之經濟。更無雖開經濟之道德。偏重道德之主張。其言必浮。浮言離彌漫世界。無非欺人自欺。反之。其言必燥。燥言雖轟動世界。但必尅期自息。世人欲知今日世界上種種主張之將來。用此中和比例尺量之。其是非天壽、可知之矣。中庸天命章云。中也者。天下之大本也。和也者。天下之達道也。致中和。天地位焉。萬物育焉。望入世謀生者。三復斯言。

中和經濟論

中和經濟論

上篇 世界經濟論

第一章 論人生

人、生物中之動物也。生物貪生。動物善動。人具智識。吾人順本性、憑本能。當然是憑勞動智慧、而謀取生存。故古今世界之人。無論智、愚、長、幼。其性一之心理。屬於貪生懼死。惟一之行爲。屬於趨生避死。如告子所謂生之謂性是也。但扼人之環境。轉瞬即變。本身之需求。今昔不同。於是人之活潑心思。指揮其活潑身體。好惡則甲不同乙。行爲則昨不類今。故人之心理行爲。恍忽視之。似乎自己不知自己之未來。誠爲不可思議。若視其環境。測其所需。除瘋狂外。未必逃出現理。但如首陽兩志士。田橫五百人。投繯之痴人。衛國之勇士。儼然視死如歸。豈生之謂性一語。不能成立乎。非也。蓋同爲謀生也。原有現在、身外、未來、精神、之別。吾人目注現在。似乎諸人樂死惡生。若統視之。諸人之死。自有捨生就

義之必然性也。茲分論四生於後。

一、現在之生

所謂現在之生者。即不問已往未來專求今日之生存是也。但造成現在之生存者屬於經濟。茲述經濟之究竟於後，

甲、經濟之定義

今日世界交通。科學進步。經濟學之卷帙。汗牛充棟。經濟學之博士。濟濟多人。學理無孔不入。思想盡其智能。若經濟之定義相同。無須此章之成立矣。其所以敢成立一章者。緣經濟之定義。及內包外延。與諸碩士所精研者、迥然不同耳。淺言之。所謂亞丹斯密氏之經濟學。只可名之曰私人求富學。李斯特氏之經濟學。只可名之曰政府統制財貨學。馬克斯氏之經濟學。只可名之曰生產享受平準學。各國現採用之經濟學。只可名之曰政府彙歛學。均不足以當經濟二字之巨名。然上著原書之命名。亦未有華文經濟二字之偉大。譯者以損人利己之書。冠以天經地義之名。亦大謬矣。然則經濟之定義若何。茲述之於后

經者、必也 常也 濟者、接濟也。經濟者。吾人現在生活通常必須之接濟也。換言之、即所以造成吾人現在之生存者也。操斯術而治國者。亦可以呼之曰經濟民。

乙、經濟之內包外延。

欲知經濟之內包外延若何。須考究人生終極必須之條件有幾。作者同性歸納。覺人之生也。不能脫離三個條件。茲按其重輕、列舉於後。

一、物質之接濟。

人生第一條件爲物質接濟。此人所共知 復爲現在所謂經濟學之出發點 不贅。

二、勞動之接濟。

人固須物質接濟以爲生。但身外之物。安能自行投濟吾需乎。不能也 須吾人致之。方克有濟。於是天予吾人以活潑身軀。俾吾人憑勞動而覓取外物。粗沿習慣成爲不勞動不合生理。此動物之所以呼之爲動物也。更進一步。吾人身體之組成

。亦宜於勞動。多勞動之部位必然發達。反之必然退化。人除物需之接濟外。其壽命之長短。復聽命於勞動之接濟。多勞動者。必身健壽長。否者反之。故勞動於人。成爲生活上之獨立條件。呼之爲動需可也。

三、意志之接濟。

意志者。包含思想、記憶、人精神有所專注之謂也。人生須物質勞動以爲接濟。已如前述。但無意識之勞動。果能覓取需物乎。不能也。於是天子設以司計劃之神經。俾吾人一舉一動。既可以趨利避害。復可以致應需之物。粗沿習慣。大腦發達。意志於人。如洋海之波。直然制止無方。吾人除人定、或被催眠。及無夢之睡覺外。成爲無時無志。畢生專於一事者、曰大志。瞬刻意志之趨向者、曰小志。足見志之於人不能須臾離也。但意志出於本身。心猿意馬。任其奔馳。何接濟之足言。蓋所謂接濟者。導引意志趨於有益之目標也。任何人除物動兩需之接濟外。其壽命之長短。復聽命於意志之接濟。意志有良好目標以寄託者。必身安心怡而壽長。否則反之。全無目標寄託者。必作無意識之行爲、而自戕其身。故意志於人。直然爲

生活上之獨立條件。呼之爲志需可也。

丙、三元經濟合論。

根據上述。凡人必須物質、勞動、意志、三條件完備。方能生活。三項於人。是謂之三元經濟。其三元相合而生之狀況如下。



右爲三元經濟調和圖。無論何人、經濟若照上圖調和。必身安心怡而良日苦短。任缺其一。不惟身心不怡而度日如年。甚至必演成以下之結果。而自殃殃人。

物質勞動有濟。而意志無所寄託者。必尋戲以排遣、或作無意識之行爲。如善戲頑童、走馬王孫屬之。

物質意志有濟。而不得勞動者。必志在破壁飛出、或流於孱弱多病。如囹圄囚犯、屬之。

勞動意志有濟。而物質失濟者。必以勞動爲武力。意志爲計劃。向他人攫奪需物。如盜匪屬之。

上述三條。即吾人三元經濟失調後之現象也。簡言之。吾人物質有濟、勞動粗常、意志有託、是之謂生活。亦可謂之爲幸福。任缺其一、即爲經濟失調。或逼爲盜賊。或產生疾病。或演出不經行爲。必然災難重重。類推之。人與動物、皆然也。準此、吾人更知無論社會、國家、家庭。人皆三元經濟調和。必社會安定。國家興盛。家庭和樂。否則、均足以災及衆人。職是軍營學校。操場講堂之與衣食住同樣重要也。職是社會上球場學校、之與工廠同時進步也。再推論之。魚入缸、鳥入籠、獸入檻、勞動失濟。敢必其速死也。馬停挽、牛停耕、飽食終日。敢必其以鬥爲戲也。詎意今日歐洲唯物學者。只見人不可缺者爲物質。而未見人不可少者、猶有勞動意志。謂經濟學者。物質生產分配學也。視政府爲萬能。視人民若機械、以爲芸芸衆生。能飽其腹、煖其體、蔽其風雨、則甲乙不相犯矣。是未知人者、有欲望之動物也。設使衣食住由天降下。不須吾人生產。則人爭美衣食而寄託勞動意志。社

會不安、尤勝今日。故造物厚人、天不降粟而降雨。樹不結衣而結綿。地不生屋而生土。即留耕、織、築、三事。爲人勞動意志之寄託、俾人各安其業、不暇祖犯、而同歸壽域也。足見經濟學者。鉅學也。領域之廣、人事無不包容。若以財貨學冒名頂替。未有不禍世者也。

二身外之生

所謂身外之生者。即雌雄性交而生育是也。蓋我者、我父母之產物也。我子又我夫婦之產物也。動物體造化之旨、代代繁殖。以防絕滅。人類若各個視之。則呱呱墮地爲生。氣絕動止爲死。物勞志爲經濟。若統視之。則最初成爲動物爲生。今尙未死。性交又爲唯一經濟。孔子謂男女居室。人之大倫。又謂不孝有三、無後爲大。再謂天地之大德曰生。其對於絕滅之預防。可謂周矣。故動物體天地生生之意。得到現在之生而飽煖。必謀身外之生而性交。若阻撓之。雙方陰陽造極、自能衝開障礙而中和。中印之佛道兩教。重精神、輕物質、主張節性。似乎視性交爲災難之根源。歐西之社會學者。重性欲、輕生命。主張盡性。似乎視性交爲快樂之故鄉。

。以勸說爲是。造化不應分別男女、而故與人類。以後說爲是、造化不應分別男女。而挑引青年。愚小智而干造化。未免人胆勝天。故性交者、人生第二經濟。吾人身外之生存也。

三、未來之生

未來之生者。吾人財貨方面之富欲是也。蓋動物需之則求。餘之則棄。只計今日之生死。未計來日之生死。故其趨生避死也、只限於現在與身外兩項。行爲比較簡單。惟有吾人、因同類日多。需物覓取困難。大腦應難而特別豐富。能根據經驗而推之未來。因此求現在身外、二生之餘。兼謀未來之生。但未來勞動出於身體。意志出於精神。隨時均可自由調和。惟有身外之需物。必須未雨綢繆。因此而發生富欲。職是凡人謀得今日、今年、今代、之生。必謀來日、來年、來代、之生。總是謀劃不已。若勤人於飽煖之餘。制止富欲。其人慮到未來之身有病健。未來之年有豐荒。不可能也。故財富者。未來之生存也。

四、精神之生

精神之生者。即貴、權、功、名、壽。五項精神上之欲望是也。茲分述五項之定義於後。

貴 貴欲者。位置上人衆我寡。精神上人卑我尊、之希望也。

權 權欲者。我司社會變化機械之希望也。

功 功欲者。自我福利衆人之希望也。

名 名欲者。空間上未見我身而道我名。時間上我已死聲名流傳之希望也。

壽 壽欲者。物質上身體延年。精神上馨香萬世之希望也。


上列五項。即精神上之生活也。大發腦之人。在衣食充裕時。無不趨向五欲。

但五欲中、得到貴欲。必生權欲。得甲生乙、縱方向止於馨香萬世。橫方向止於惟我獨尊。佛氏之無我。壽欲也。所謂不生不滅之謂壽。終於無量壽佛。孔氏之行健。名欲也。所謂君子疾歿世。而名不稱焉。終於名垂竹帛。耶氏之汎愛。功欲也。所謂克己利人之謂功。終於同歸天堂。是見古今人類之行爲。即孔席不假煖。墨突不得黔。好若操莽。聽若耶佛。殘若張獻忠李自成。忍若白起威廉。仍歸於欲。均

屬精神上之不死。不過欲之趨向不同。而有善惡之別耳。若人於財貨堆積嬌妻美妾之環境中。勸其放棄五欲。其人惟恐與草木同朽，不可能也。故貴權功名壽者。精神上之生活也。

五、優美之生

前述五項生機。凡人無論大智大愚。大善大惡。其畢生行爲。誰非奔忙於四道中一道之上。但同爲物也。有精粗之分。吾人總是捨粗而取精。同一遂性也。有姸妍之分。吾人總是捨醜而取妍。簡言之、物、勞、志、性、富、貴、權、功、名、壽、上項。均有美與不美之正負現象。而正負中、又有頗多階級。吾人對於各階級。必是無乙甲亦可。有乙必思甲。無乙而慕甲之念頗淡。有乙而慕甲之念方濃。故謀帝王者、必是權相。謀議長者、必是議員。思食異饌者、必膏粱滿腹之富翁。思致絕色者、必寵妾盈庭之權貴。斷無卑職謀歸志、平民慕議長、飢民思異饌、曠夫思絕色之理。其所以然者、吾人意中尙有一種美欲故也。職是吾人一生行爲。雖云謀生、但謀生也。必趨於美。其生活狀況如下圖。



六、結論

根據前五節所述。吾人一生行爲。概爲謀生。而謀生也。又分四項。四項又演

化爲十項，十項中。物、勞、志、性、爲經濟。其他爲欲望。以謀生始。以得美終。然大慧可以割臂餉鷹。大愚可以剖腹藏珠。孔子童年。即戲設俎豆。張獻忠稚齡。即戲斬泥人。此智愚善惡之特出者。甲乙秩序稍亂外。其他常人。先甲後乙。無不秩序整然。然大智大愚大善大惡。偶而生之。常人則塞乎宇宙。是則常人之心理行爲。即可代表古今人之心理行爲也。吾人參透此理。知古今人甲不同乙之心理。丙不類丁之行爲。不過如此。則現在世界十六億人。某數人住在熱帶。而食物易致。某數人住在寒帶。而食物難求。某地人稀。而謀生易。某地人稠。而謀生難。某人得到何項生。急謀何項生。心中應具若何主觀。口中應發若何言論。身軀應作若何行爲。可預測也。假若根據此理。對世界人作如左之請求。

請熱帶人出世消極。請溫帶人人世守禮。請飢者司廚。請寒者司衣。

請困者習武。請寂寞者談天。請青年遂性。請衰老養靜。請富者求貴。

請貴者司權。請權者立功。請功者沽名。請名者求壽。各求其生。

各終於美。即刻施行勿誤。

右列要求。敢斷言被要求者、誰不惟命是從。此中和經濟論之言語、及希望也。若未明人生真義。妄以任何一項人爲主觀。而下共同遵守之命令。以爲我欲如此。諒來爾輩亦必如此。必演成以下之結果。

甲人讚成、乙人反對。 甲時讚成、乙時反對。 一人讚成、九人反對。

時讚成、九時反對。 口頭讚成、心上反對。 時光遷流。本人反對。

右列六項結果。成爲讚成者寡。反對者衆。此之謂自取侮辱也。而痴心者。見讚成有人。不云桀討帥天下以暴。而民從之。而云己之主張。屬於天經地義。見反對有人。不云其所令反其所好。而民不從。而云某人無端反對。此二十世紀五光十色之學況也。若輩之人生觀。呼之爲我生觀可也。古人云。窮理於事物始生之處。研幾於心意初動之時。學者宜三復之。

第二章 原理

一、理之定義


理者何。根據已知、推論未知、吾人謀生之方法也。宇宙中、無論何理。闡發

之、必能名傳千古。精研之、必能謀取衣食。否之、非理也。即如格林威治之天文理。初視之。似乎無關生計。試問英政府停其經費。諸博士尙能學而不厭乎。未必也。講堂上不能博取衣食。諸學士尙能誨人不倦乎。亦未必也。天文空而且立之理也如此。其他萬理亦然。足見謀生之外。無理之立場也。不過間接關係吾人之生活者。吾人不易知其關係耳。

二、理之分類

今日世界交通。中歐印三大文化區之理、不勝枚舉。但類而別之。可分爲道德與經濟兩綱。所謂道德之理者、即指示人增進消怨之理是也。如五倫、八德、以及一切道德名詞與觀念屬之。所謂經濟之理者、可分爲精神與物質二項。所謂精神之理者。即指示人精神之寄託是也。如孔氏之正心誠意、耶氏之祈禱、佛氏之唸佛入定。以及一切引人精神專注之學理屬之。所謂物質之理者。又可分爲造物之法、與致物之方二項。所謂造物之法者。即衣食住器之生產方法是也。如孔子之格物致知西歐之物理化學。以及一切需物生產之學理屬之。所謂致物之方者。即幾人用以覓

取財貨之學理是也。如醫者之醫理。卜者之卜理。書者之書理。畫者之畫理。以及一切私人用以見取財貨之學理屬之。此理之分析也。合道德與經濟二項。是為法律政治。合道德與精神二項。是為宗教。各理之和。是為人生之大道。大道者。似宗教、非宗教。似法律、非法律。似政治、非政治。不偏於物、不偏於心。以生生為前提之孔道也。諸理之關係列表於後。



萬事皆有理。凡理皆無窮。吾人以百歲光陰。有限智慧。不能盡知。亦不必盡知也。不明易理。可以問卜。不明電理。可以用電。是則易理、卜者知之。電理、電者知之可耳。更進一步。獸不知醫理。居然畢生康健。人不知生理、居然腹內生胎。古人云。民可使由之、不可使知之。足見大智大愚。方寸俱皆快樂。自苦者、庸人耳。雖然、間接關係人生之理。吾人固可不問。但直接關係人生之大道。吾人可不問乎。故此章之理。非專究何項局部之理。乃統論人生之大道也。

三、理之批評

理之定義、已如上述。但生之於理。應作目的與大路之譬。吾人順理而求生。如循途而趨某地。吾人悖理而求生。如落荒而兼程。路以平短爲是。理以便宜得生爲是。非人憑詭辯可以淆亂其是非者也。但路之於世。有一家人、即產生一條路。理之於人、有一張口、即能道一端理。不過同爲路也。有衆人共走之公路。一家獨走之私路。同爲理也。亦有衆人共生之公理。一人獨生之私理。路因議山議水議出。議宅之故。必生曲折。於曲折中行人每誤私路爲公路。去而復返者有之。理因就智

、就愚、就富、就貧、之故。依然曲折。於曲折中、求生者每誤私理爲公理。信仰變遷者亦有之。吾人臨歧迷途。不啻在世迷理。辨其是非。誠爲非易。茲列舉正負之理、數則於下。

一、孔子行健。老子無爲。二、楊朱爲我。墨翟利他。三、耶蘇汎愛。達氏競進。

右列三項正負之理。雙方俱無形衝突。於衝突中。似乎六者皆是。而求生者每徬徨歧途、怨指路無碑。以爲理屬相對。孰知頭頭是道。短平而達目的地者。僅有一道。無話無理、安全而得生活者。僅有一理。其所以是非難辨者。因未探其源而究其本也。譬如理爲求生之門。而求生也、與時空發生絕大關係。苟能以求生爲大前提。時空爲小前提。則結論中六者之是非明矣。茲批評如下。

、三代以前。食多人少。無爲可治。三代以後反之。健行方治。孔老生於東周。學說支配以後。足見孔是而老非矣。

二、動物天性。一定爲我。但人與人既可以互助。復可以相殺。人助人無事不

成。人殺人同歸於盡。因此愛我必須愛他。愛他即是絕對愛我。足見墨是而楊非矣。

三、生物以生物爲食物。固是生存競爭。人不彼此肉食。當然功利互助。足見耶是而達非矣。

根據上述三則批評。而推論於其他一切之理。足見理非相對者也。徬徨歧途者。豈非盲於心乎。

四、論現代人爭訟之理

今日世界交通。中歐印三大文化區之理。紛紛爭訟。各是其是。互索疵癥。是非淆亂者久矣。作者用概念歸納。應分爲以下四項。

甲、呆理

呆理者。與時勢相違之理是也。蓋古聖賢因時因勢而闡發某理。是爲人生之大道。時變境遷。後人應守其本而變其末。使與時空吻合。仍大道也。若拘於繩墨。一成不變。即爲呆理。其於社會之格格不入也。如嚴寒而予人以扇。伏暑而予人以

裘。敢斷其不惟無濟於事。甚而反響頻生。例如今日之世界。非常日之天下。今日之外國耶佛。非常日之夷狄楊墨。形勢之相懸若此。迂者仍膠柱鼓之。職是乃陷孔理於呆也。其他耶佛回三理。因遭時變。亦呈呆象。

乙、浮理

浮理者。或捨近圖遠。或捨本逐末。不能根本致人於生之理是也。如捨現在之生活不問。而高唱死後之歸結。捨致物之方不問。而高談精神之寄託。此佛理之所以浮也。不弭戰於未爭之先。而濟人於殺傷之後。聽戰士血染沙場。驅濟者疲於奔命。此杜倫赤十字理之所以浮也。不導其獨立生活而自脫奴籍。強之以令。威逼其不能生活、而反抗。看輕百萬軍人之生命。看重念萬黑奴之人格。此林肯釋奴令理之所以浮也。即此三端。可概一切。

丙、私理

私理者。一部分人得到美滿生活之理是也。理之形則大功無私。理之質則損人利己。爲一己之幸福需求。不計他人之禍福生死。結果範圍以內之人視之理也。否

則非之。彼此因理而爭。又演成理爲殺人之媒介。如今日世界各國、各黨、各家、各人、之對外政策。國際間之外交嚴重。上陣軍之怒不可遏。法庭上之爭訟不已。即各私其理也。

丁、僞理

僞理者。非造成吾人之生存。乃造成吾人之速死是也。或側重現在、不計將來。或側重經濟、不計道德。使人徒逞暫時之意氣。造成來日之危機。博得豐富之物質。激起仇怨之環伺。結果。幸福渺渺。災難重重。如二十世紀唯物式之學說。競爭式之政治。盜匪之打家劫寨。貪污土劣之剝削人民。即持此理。再如今日逞強諸政府。口道造人民之幸福。揚鞭驅人民於戰場。亦僞理也。

五、論人生之大道

上述呆、浮、私、僞、四理、即可以籠罩世界上所有之理。吾人際茲時會。無論信遵何理。生活均不能無險到老。任持一理。均不能得世界人之同聲讚可。足見世界未交通以前。中歐印三大文化區。各區按各區之風俗、習慣、生計、氣候。各

趨於生。各循其理。悖理者招禍。順理者獲福。無猶豫也。自世界交通以來。三區之理。因風俗習慣生計氣候之各異。均不能籠罩世界。新出之理。如馬克思李斯特斯密亞當等。非私即僞。故五百年來。舊禮失效。新理未生。吾人欲謀由幼至老之無險生活。早已失去坦途。近年厭亂非攻之士。一則曰大同。再則曰大同。但大同之機何在。大同之理何來。誠當注意也。

大道者。人生刻不能悖之理也。古人云。道也者。不可須臾離也。可離非道也。其於人生關係之密切也如此。但根據可離非道之義。須具下述之四條資格。

一、活而不呆。理有一定之本。而無一定之末。本也者。生生之意也。末也者。生生之法也。本之若何。古人窮之久矣。末之若何。須後人因時制宜而活用之。雖不可悖古人之大本。亦不宜墨守古人之成規。如今日世界十六億人之風俗、習慣、氣候、生計、各不相同。須適合其各不相同之風俗習慣氣候生計。再如今日十六億人之災禍不同。須普濟其各不相同之災禍。其活潑也須如此。

二、實而不浮。導人於生也。只宜自邇而遠。不宜捨近圖遠。濟人之災禍也。只宜遏之於受災之先。不可濟之於受災之後。於道德之提倡也。只宜使有道德者受經濟上之補助。不宜使有道德者受經濟上之壓迫。對世界之大同也。呼之即出。對國際之競爭也。揮之即去。其確實也須如此。

三、公而不私。禮云、大道之行也。天下爲公。：：：：故人不獨親其親。不獨子其子。使老有所終。壯有所用。幼有所長。矜、寡、孤、獨、廢、疾、皆有所養。貨惡其棄於地也。不必藏於己。力惡其不出於身也。不必爲己。：：：：是謂大同。此閉關時代之大同也。今日世界交通。形勢瀾大。更進一步。不獨尊本國之政府。不獨順本國之風俗習慣。不宜假權威而爲理之後援。不宜假濟世而攬奪國家政柄。其公也須如此。

四、真而不僞。理之後方、確無飢寒流血之慘禍跟隨。其真也類如此。能具上述四條資格。可以名之曰大道也。其道維何。即以孔氏之學說。採其本而棄其末。馬克思之學說。採其法而棄其本。合一爐而冶之。是之謂中和經濟論。

第三章 經濟史觀

一、總論

據已知而推論未知、吾人謀生之方法爲理。吾人趨生避死之企圖爲力。理力之和。演成人事變化。古今之人事變化。應分二項。一爲已往。二爲未來。欲知前者、可以求之史乘。欲知後者。惟有訴之理智。但欲知未來之人事若何變化。須先考察已往之歷史如何變化。蓋人事變化無論已往未來。出於一根延線也。吾人在意氣用事時。雖於延線上小有出入。然貪生懼死之大前提不變。延線方向絕不偏倚也。若古人非瘋非狂。今人神經無病。則看清已往之歷史。必知未來之變化。誠有把握也。但已往中歐印三史。陳之於世。供衆人之攻讀。果尙讀史者應知未來。否者反之。然爲理也。何以已往之歷史、讀者頗多。未來之預言驗者無幾。豈已往與未來、失去延伸現象乎。非也。蓋推測未來匪難。看清已往實難故也。

觀史。非易事也。試看古今世界有許多觀史。而觀後之對史認識。即有許多不同。各紆己見。是非頗難裁判。足徵對史認識之不易也。愚意以爲預言之是否

命中。固系乎已往之歷史是否看清。但欲証已往之歷史是否看清。又系乎未來之預言是否命中。然照此雙方以空証空。固是全無根據。設使以先已往爲根。推測後已往爲証。如法再以今日以前之已往爲根。而推測今後之變化、作爲預言。似可以取信於人矣。此中和經濟論之所以出發於經濟史觀也。但果欲看清歷史。即觀史二字。亦須有相當之討論。茲分論之。

甲、論觀

史之抽象有整零。而觀史之目光亦有巨細。茲因史之整零。而分目光爲三種於後

一、望遠鏡目光。此種目光。明於遠大、而盲於近細。大體用之。細部忌用。歐人達爾文觀史。病於通用。蓋生物以生物爲食物。固爲生存競爭。人不彼此肉食。當然互相爲助。彼以生物與生物、推論到人與人。

二、顯微鏡目光。此種目光。明於近細、而盲於遠大。細部用之。大部忌用。中國史學家、病於通用。如東周何以產生孔子。西周何以產生周公。堯舜何以掛

讓。禹湯何以征誅。每忽因果。且除正史外。又加野史、稗史、軼事。局部非常細密。

三、普通目光。此種目光。遠近巨細、均感不足。宜用以觀史之一般。非精於史學者、每通用之。

乙、論史

史如人也。內有神而外有形。形之若何。吾人觸目便知。神之若何。未易窺測也。但形聽命於神。神能支配形。因形固可測神。因神更可測形。人如此也。而多人湊合之歷史亦然。茲分述神形之究竟於後：

一、史之神。所謂史之神者。即歷史變化之機是也。歐洲之歷史哲學。頗尊重之。而馬克思唯物史觀。原重史神。惜其偏重物質。

三、史之形。所謂史之形者。即歷史之表面狀態是也。中國之二十四史、九通、頗尊重之。司馬光治通鑑。儼然不斷之電影長片。朱子綱目。意在一字褒貶。不失爲警世之文。

根據右述。吾人觀史若祇用一種目光。專重史之外祖。自然不知史之真實。爲根據之已往差之毫末。未來之預測、當然失之千里。此古今預言之所以百無一中也。若吾人三種目光分別使用。神與形互相陪襯。則看清已往之歷史。必知未來之變化。此著者敢斷言者也。此中和經濟論之所以胚於經濟史觀也。

人之貪生。有現在、身外、未來、精神、四項之別。已如前述。然未來與精神屬於欲、爲人類之私行爲。吾人可以謀。可以不謀。與歷史變化之關係自小。現在與身外。屬於經濟。爲動物之公有行爲。吾人不容不謀。與歷史變化之關係頗大。但兩項經濟中。性交又屬其次。因古今男女大致粗等。陰陽必趨於和。於歷史變化之關係又小。惟有第一三元經濟之調和與否。乃歷史變化之基也。但吾人自原始生物起。至呼之爲人止。是爲動物史。權尊達氏之論。自名爲人起。至今日止。是爲人類行爲史。即此章經濟史觀所討論者也。但此一段中。史形記載、卷帙汗牛充棟。已無作者置詞之餘地。關於史神之追問。言論尙少。有之、亦屬似是而非。茲以三元經濟爲基。參照中歐印三史之形。將已往人之行爲。分爲五段敘述於後。

二、第一段猿人時代之經濟


此段爲家族合羣謀生時期。斯時人數少而鳥獸魚數多。人以捕鬥鳥獸魚、爲勞動。以計算鳥獸魚、爲意志。以鳥獸魚之身軀、爲物濟。三元經濟。絕對調和。人與獸相差無幾。除被他動物捕食外。無病無災。大腦尙小。思想簡單。其經濟狀況如下圖。



三、第二段部隊時代之經濟

既有甲羣。必有乙羣丙羣與之對衡。人數漸多。襯出鳥獸魚漸少。人需物濟。自然發生缺乏。食物有美惡。人體有強弱。人羣有大小。損人利己、動物天性。演成甲人甲羣之經濟調和。乙人乙羣之經濟失調。是爲飽餓不均。於是羣與羣自然以勞動爲武力。以奪取物濟爲意志。各自調和三元經濟。而互相殘殺。斯時人因大腦

漸大。腦中已發生精神現象。於是乃有神鬼之觀念產生。久之人類不厭其苦。乃有才智特出之羣長。率領羣衆。借鬼神以爲號召。集合若干小羣而爲大羣。降服若干小羣長而自爲大羣長。斯大羣。今人呼之曰部落。斯羣長、今人呼之曰酋長。部落中人與人物需經濟之衝突。自有酋長口決是非而中和之。默以聲音之高低長短爲心意之表現。是爲言語之始。鳥獸魚漸少。變野獸爲家畜。於是由漁獵生活、一變而爲牧畜生活。此由家族生活之小羣經濟。進步到部落生活之大羣經濟。酋長之權威。與人民之鬼神信仰相提並進。人體仍然無病。此時因變獵爲牧。勞動漸減。一日畜牧所得之勞動。不足以抵經濟上之應需。自然產生以下之經濟現象。



四、第三段帝王時代之經濟

甲、總論

人數漸多。部落因之漸大。既有甲部落。必有乙內部落與之對衡。本部落之酋長威權。祇能調和本部落之經濟。而不能制止他部落之侵略。部落與部落間之物需經濟、自然發生衝突。於是各部落之酋長。帥領人民。各以本部落之物需經濟調和為意志。勞動為武力。各自調和三元經濟。而互相殘殺。因戰鬥而需用武器。因武器而需用金屬。結果彼此災難重重。經濟尤為失調。久之。人民不厭其苦。乃有才識特出之酋長。以本部落之武力。征服若干部落而為大部落。降服若干酋長、而自為大酋長。以調和若干部落間之經濟。大酋長每借神鬼而為權威之後援。自命為天差神使、天子帝孫。於是人民共尊此大酋長是為帝王。此時人數日增。知識日進。牛羊需多。水草無常。在流水之傍者。築屋而居。墾田而耕。以沃土為子孫窟宅。以地為界者。是為國家。在荒瘠之地。遷地而牧者。是為大部落。人數既多。帝王大會長與人民間言語不易到達。乃以記號而代言語。是為文字。人民爭訟不已。帝王一人不易決其是非。錄帝王之語言、而為是非之準則。是為法律。施行法律。而

又輔以政治。施行政治。而又佐以官吏。官由舊日之羣長會長沿任。是爲世襲封建。斯時人之知識又爲進步。因此人之三元經濟。自然有以下之進化。

乙、關於物需之進化

1. 交易

漁獵時代。人之生活簡單。獵得一獸。食肉寢皮、器骨飾羽。三元經濟爲天然調和。自牧畜種植以來。人之知識猛進。物需因之亦進入複雜。同爲暖體之物也。上有幅而下有履。同爲飽腹之物也。主有飯而佐有菜。一人之能力有限。所需之物漸廣。長於造此者、必短於造彼。長於爲農者、必短於爲工。由小羣之簡單生活。進爲大羣之複雜生活。因此人之生產消費。空間上發生有餘不足之不平。補此缺憾。乃自然發生交易。交易者。以甲人之長、補乙人之短、之謂也。最初因人少羣小。僅有近隣交易。進入部落後。方發生市廛交易。進入國家後。方發生市鎮交易。但交易愈複雜。愈不能如意交易。故又發生交易之第三者。運甲地之所餘、應乙地之所需。於中取利、而有商。買其所欲賣、賣其所欲買。於中取利、而有賈。此後

空間上物質經濟、方克如意調和。

2. 國儲

季有春夏。年有豐荒。人有壯老。因此時間上發生物質不足。與剩餘之不平。欲使需時有濟。餘時無棄。乃又發生國儲。在漁獵時代。以獵得之餘。濟停獵之需。而有窖藏之臘之國儲。種植以來。以收時之餘、濟耕時之需。而有私家國儲。以豐年之餘。濟荒年之需。而有社會之國儲。以全國之豐餘。濟一地之荒需。而有國家之國儲。以壯年之勤儉。濟晚年之坐享。而有產業之國儲。於是時間上物質經濟、方克真正調和。

3. 法律

損人利己。動物天性。彰是掩非。人之恒情。人人各執一詞。勢必鬥爭。欲弭二人之爭。勢必張其曲直。部落時代。甲乙二人之爭執。自有會長口決是非平之。國家成立以來。人衆事繁。又有文字爲助。乃順人情而造法律。意在使人與人間。人情不能維持時、則繩之以律。不犯律者是而揚之。犯者非而抑之。即有爭執。亦使

各得其下。

4. 制度

國大人衆。帝王一人之能力。不能管轄全民。自然設官分治。官有等級。復有來歷。不因員冗而殃民。不因員缺而曠事。乃有官制。官沿舊日之羣長酋長。乃有封建制。既有等級。復有表現。乃有服制。既有甲國、復有乙國、丙國。兩國經濟衝突時。不能不訴之武力。社會上既有仁者弱者之守法。必有戾者強者之違法。政府爲制強敵、固法律。乃有武力。既不能法部落時代之凡民皆兵。又不能棄種植而民不役兵。乃有兵制。交易時。甲人之所餘。雖爲乙人之所需。而乙人之所餘、又爲丙人之所需。甲乙丙三人、非交易不足以中和需餘。助成三人交易裕如。自然產生交易介紹之第三位、乃有幣制。既云交易。必求中和。果爾面積有大小。體質有輕重。數量有多寡。審物之長短多寡輕重、而有度量衡制。帝王官吏兵役。因公不能生產。不能不由民供其物需。於是徵民力以應官。而有井田制。徵民物以應官。而有貢賦制。散官帑以予官吏兵役。而有俸制。

5. 政治

遵照法制。以調和政府人民間之經濟者。而有政治。

6. 武器

人乏堅利之爪牙。有武力而無武器。果爾制服一強而戾者。必須若干弱人。於是乃有弓矢刀矛之產生。

7. 醫藥

在猿人時代。人民漁獵而生。非有相當之勞動。不能得相當之物濟。三元經濟、天然調和。人原無病。自進入種植以來。人以有限之勞動。能得相當之物需。雖以其他之勞動彌補。而社會上始終有治人被治、勞心勞力、之兩項人。勞力被治者。三元經濟、仍趨於和。勞心治人者、勞動自然欠缺。勞動失濟、自然產生疾病。因療病、自然產生醫藥。

丙、關於意志之進化

1. 文學

吾人大腦發達。其思想每如洋海之波。不易靜止。故人於謀生之餘。每作不軌之思想行爲。納之於軌。於是因語言文字而發生文學。因提倡文學、而獎勵文士。

2. 道德

吾人思想既然不易停止。當然應使思想、傾向、於一定之目標。損人利己、動物天性。一人損人利己。必使多人經濟失調。人皆損人利己。必然殺戮繼之。於是思想之進行。自然趨向道德。一方面消弭爭端而助成社會之治。一方面作人意志之寄託。鞏固道德。自然以神道設教。謂唯神萬能。可以鑒察人類。賞善罰惡。人心中有道德之習慣與觀念。是爲惻隱之心。

3. 教育

兒童意志無定。言語之於意志。先入者爲主。欲期其成人後有惻隱之心。必須於幼小時先入以道德之言。俾其希聖希賢。於是乃發生教育。其目的在造成孔孟老莊。而不在造成子建太冲也。

4. 美術

見異思遷。乃動物天性。或作或輟。必一事無成。使人意志前途發生興趣、遇事不樂於中輟者。自然產生美術。所謂美術者。萬種藝術中、而發生美感是也。如女子製履、因愛美而綉花。文人作文、因愛而修詞。質言之有若草創塞責。成後反受寂寞。曷若美成其事。使意志寄託有的。

5. 博術

吾人若飽食閒居。必有爭勝之心。惟恐人爭勝於不善而禍人災己。乃使人專心壹志於正軌之上。自然產生博術。是術多矣。不能枚舉。但奕術乃其一端。

6. 音樂

人當怒時。聞煞揚之音而氣自平。人在憂時。聞宏壯之音而胸襟開豁。因息人之怨、消人之憂。自然發生音樂。

7. 禮儀

人與人相接、必須表其始終。又須互相謙敬。再必須鄭重事。合三者而有之。自然產生禮儀。

丁、關於勞動之進化

1. 佃獵


吾人一年應需之物濟。僅須一百八十日之勞動。即可生產。所謂春耕夏耘秋收冬藏是也。是則勞動少而身體逸。身體過逸。必疾病橫生。中和之、乃自然保存佃獵。春日農暇實行春蒐。冬日農暇實行冬狩。其用意與漁獵時代不同。在動需而不在于物需也。

2. 武術

吾人於一百八十日內。可以生產出一年之需物。但一日之工作。亦無須超出八時。並且此八時工程。未必全為勞動。因此吾人一日應需之勞動、仍不足也。補此缺憾。自然產生武術。非希望人之好勇鬥勝也。

戊、合論

上述。即帝王時代之經濟進化也。其調和狀況列圖於下。



上述人類經濟三段之自然進化。中歐印三大文化先進區。二千年前。不相交通。任地帶風俗習慣言語文字不同。其進化之過程、則不約而同。其所以然者。因人皆貪生。不如此不足以得到生存也。此後人數日多。知識益進。凡事利居於前。弊伏於後。既有帝王官吏。自然發生賞欲。既有囤儲。自然發生富欲。既有尊卑。自

然發生驕妬。於是佃獵則帝王借以消遣。不恤民力。武術則戾者習以制人。藐視律章。交易則各逞私心、各圖便宜。法律則視同具文。狡者逍遙。政治則束縛人民。音樂則鄙衛淫聲。帝王可奪而取之。官吏可素餐尸位。人民爲政府之僕役。政府爲人民之癰疽。上驕下妬。國內鼎沸。並且既有甲國、必有乙國。甲國帝王之權威。不能有效於乙國。於是內而富貴爭。外而疆土爭。社會經濟、尤爲失調。人類不厭其苦。因而聖人生焉。

五、第四段宗教時代之經濟

聖人居於常人之內。不堪環境之威逼。又見人皆貪生。急謀經濟之調和。各因損人利己而相侵。結果無人不經濟失調、生命受險。再見人皆有欲。甚至人慾無節。既不能制止人之多欲。又不能盡如人意。與其任人求物質上之富貴欲。而互相殘殺。曷若導人以精神上之功名欲。而互相功利。與其懲人以物質上之痛苦、而笞杖徒流。曷若懲人以精神上之痛苦、而鄙棄厭惡。與其任人求物質上之快活。而錦衣美食。曷若導人以精神上之快活。而博施濟衆。因此特重精神而倡愛人之說。後人

見其說爲求生之正途。光大之、是爲宗教。此後中國印度歐洲三大文化區。無論人種國家如何複雜。各自產生宗教。又因三區之氣候、風俗、習慣、不同。人口增進之急徐不同。各地應需之道德不同。而產生之宗教亦迥然不同。但宗教學之巨。內包宇宙、本體、道德、經濟、社會、政治、之六大問題。不過此章所專論者。經濟耳。茲以宗教誕生之先後。按印歐中三區分論於後。

甲、佛教與印度之經濟

瞿曇誕生之前。本有婆羅門教。不過瞿曇於心象上開發極多。乃特創佛教。緣印度地居執帶。土地膏腴。自然之植物極多。不耕未必飢。不織未必寒。生物之發育較速。人生之壽歲較短。十二歲可以生殖。六十歲即爲大壽。半百光陰。白駒過隙。飽暖之餘。頗感寂寞。並且瞿曇將誕生之時。諸小國星列棋布。各志士鬥角鉤心。內而人口增進。隱憂不已。外而波斯強橫。顯患紛來。人之求取快樂、難矣。此瞿曇未生以前之印度亂象也。

1. 瞿曇希望之印度經濟

中國周昭王十八年。誕生瞿曇於印度加毗羅城青宮之內。佛見土地之廣狹仍舊。人口之增進不已。物質之應需易致。意志之寄託寡的。與其任人遂性。求繁殖上甲代乙代之生、而互租戕殺。曷若導人制性。求精神上不生不滅之生、而互租慈愛。與其任人寄託意志於鈎心鬥角。而互爭勝負。曷若導人寄託意志於明心見性。而同歸極樂。於是大成出世之說。謂出家者爲比丘。必獨身。在家者爲居士。能配偶。富者佈施。貧者領惠。自度者爲小乘。普度者爲大乘。謂精神爲真我、軀壳爲我之居。富貴功名。爲轉瞬之泡影。禍福窮通。乃前生之定業。人扼我爲償前生之惡果。我扼人爲種來世之惡因。以三世因果。演出六道輪迴。以戒定慧。掃盡貪嗔痴。修道則無人無我、非空非色。進境則聲聞圓覺菩薩如來。十二部經。窮萬化之理。三千世界。謂宇宙無極。淺言之、一粒必珍、是多寶佛。一命必救、是長壽佛。一字必惜、是大慧佛。無畏無礙無愁、是謂大雄。以目眼窺之。無語不玄。以心神會之。無字不珠。其導人爲善。節制多育。寄託意志。覓取快樂之方。誠工於開發。至明至慧。大慈大悲、舍瞿曇其誰當之。其對於社會經濟之希望列表如下。

意志……初而集念、終而絕念。

佛氏希望之經濟

物需


……憐恤有我相之動需。富者佈施。

……退食無我相之植物。貧者領惠。

動需……苦行。

2. 印度感受佛教後之經濟

自罽曇涅槃後。印度大陸之國家。雖云分合無常。朝代屢更。但君望民良而宗佛。民性消寂而宗佛。上下宗之。竟列僧侶爲最上乘人。有時政教分途。有時政教一致。社會上一母三子。必有一子爲僧。生殖極速之地區。而無人滿之虞者、佛之賜也。因此印度自罽曇涅槃之後。至東印度公司以前。二千餘年中。經濟無大變更。國內之殺戮極少。有二百年之久。不知兵燹爲何物。此印度宗教期中之經濟也。其狀況列表如下。



乙、孔教與中國之經濟

儒教乃孔子教愚化賢之教化。與宗教之性質不同。蓋教化之性質。合精神、物質、道德、經濟。窮其理而歸納於人生。宗教則專攻精神道德。而歸納於來世出世。出世者。生西方上天堂也。

儒教非創於孔子。如唐虞禪讓、大禹崇功、文王倡仁、周公制禮、已有禮教之胎胚。不過集大成者、孔子也。當春秋以前。君多暴君。臣多篡臣。王綱不振。諸侯放恣。父子、夫婦、兄弟、朋友之間。每有互相戕殺之事。而東夷、西戎、南蠻、北狄、等族。向中原得步進尺。互相謀生之世界。一變而為互相殘殺之戰場。人

之謀生也難矣。此孔子未生以前之中國亂象也。

1. 孔子希望之中經濟

周靈王二十一年。孔子生於魯之曲阜。孔子不耐環境之威逼。乃高唱尊王化夷仁恕之說。主張君宗堯舜。臣宗龍比皐夔。夫婦宗文王太姒。父子宗文王周公。兄弟宗夷齊。爲人君、止於仁。爲人臣、止於敬。爲人子、止於孝。爲人父、止於慈。與國人交、止於信。對夷狄蠻貊、化之。治國則足食足兵。民信之矣。平天下則用夏變夷。四方歸之。道德則遠近適當。階級則尊卑顯明。又恐人之不若是也。乃導人以名欲。謂君子疾沒世。而名不稱焉。又恐名之不能傳也。又手著春秋、以成人之名。是則褒之而流芳。非則貶之而遺臭。欲遂名欲。先自功欲入手。功者、造福衆人之謂也。若輕功名而重富貴。富貴必不能久。若輕富貴而重功名。富貴自隨功名而至。桀禹是其例也。又因富貴造極之帝王。覬覦者衆。一人奪得帝位。國人非失幸福。不可因一人之得失。而災及人衆。乃主張帝王繼承以子。又不能限制帝王僅生一子。又主張立嗣從長從嫡。惟恐帝王有所恃而無恐也。又以桀紂之愚果以

警惕之。又恐妄人自命湯武也。又以天命二字以絕其痴念。又恐人民喪失爲君之希望、而不勇於爲善也。又以舜禹之善果以鼓勵之。其半由天命半由人之措辭。可謂巧矣。簡言之、孔氏整頓思想。歸納於宗仁。再歸納於生生。希望衆生同歸壽域。蓋社會上必有治人被治兩級。人類中必有君子小人兩項。君子治人、小人被治、雖云理想。但希望不能不如此也。足見孔氏目光之遠、心思之細。防止災禍之周到。足稱亘古一人。觀春秋時之環境。中國大陸之氣候與生計。因病立方、因方愈病。萬世師表、舍孔子其誰當之。其希望之經濟。列表於後。

意志

五倫 八德 正心 誠意 格物 致知 齊家

治國 平天下 立功 守禮

孔氏希望之經濟

物需

用之者舒


勸儒

爲之者急

2. 中國感受孔教後之經濟

中國自秦漢以來。放棄孔氏之教化者。僅焚書坑儒之祖龍一代而已。但二世已
凶。其他自漢初起。至清末止。二十餘朝之帝王。無不以反孔取天下。宗孔守之。
如漢高馬上以儒冠爲溺器。卸甲以太牢祀孔子。是其例也。二千年中。無論君臣、
父子、夫婦、兄弟、朋友、及人與人。無不以尊孔而激發對方之道德。結果互相尊
孔、而孔道大昌。政教一致中。帝王儼然教主。國家社會之興衰治亂。視孔道之消
長爲轉移。民國以來。一般淺見之士。一則曰非儒。再則曰倒孔。及至政府對我不
仁。方鎮對我不忠。人民對我不敬。學者對我反抗。以及感覺到不孝、不慈、不仁
、不義、不節、不信、之痛苦。而又默然尊孔。足見道也者、不可須臾離也。中國
大陸。雖云民族複雜。但歷代尊孔子用夏變夷之旨。同化中成爲絕大漢族。又孔謂
男女居室。人之大倫。再謂不孝有三、無後爲大。因而人口比較發達。又因地愈南
而沃土愈多。人滿之聲、寂然無聞。雖內之朝代迭更。外之戰爭屢起。自春秋時起
。至洪楊亂時止。二千年中、社會之經濟狀況。無變更也。人民之痛苦。較印度又
差勝一籌。此中國宗教期中之經濟也。其狀況列表如下。

經濟



丙、耶教與歐洲之經濟

耶穌誕生以前。本有猶太老教。如罌曇以前，有婆羅門老教然。當紀元前二百年內。亞力山大、稱霸而蹂躪小亞細亞。馬其頓三攻迦太基。凱撒龐培爭權用武。又值匈奴竄入歐洲。白黃兩種。斯拉夫凱末爾、條頓、拉丁、四族。互不相下。而角鬥於地中海沿岸。此耶穌未誕生以前之歐洲亂象也。

1. 耶穌希望之歐洲經濟

中國漢平帝始元元年。耶穌誕生於猶京耶路撒冷之伯利恆。而猶太又介於波斯、希利亞、希臘、羅馬、埃及之間。為四戰之焦點。所感痛苦又自不同。耶兒互助

謀生之世界。一變而爲互相殘殺之戰場。究其心無非欲望衝動而已。人誰無欲。物質上又不能盡如人意。與其任人求物質上之富貴欲。而爭殺不已。曷若導人以精神上之功欲。而互相汎愛。則人各得其生矣。於是成立重功汎愛之說。功者、普濟人類之謂也。汎愛者愛無畛域之謂也。因斯時兩種、四族、勢均力敵。當然應時勢之需、而倡平等自由。意在使種與種、族與族、國與國、人與人、互爲功利、汎愛。又主張事親盡孝。對子盡慈。對人盡信。不可貪婪。不可浮惡。惟恐人之不若是也。又設想三位一尊之神。爲道德之後援。謂無始之始爲心。心者、在宇宙爲上帝。在人爲靈魂。謂萬物爲上帝製造。惟上帝萬能。人之富貴窮通。上帝司之。人能體上帝之意旨。實行功利汎愛。在世必然騰達。死後必升天堂。對社會不責人之爲惡不已。而責己之勸善不周。任人聽者藐藐、已總言者諄諄。對人獎善、赦惡、克己、利人、之心。如保赤子。對人化惡爲善之方。想入非非。萬世教主、舍耶穌其誰當之。其對社會經濟之希望列表如下。

耶穌希望之經濟

意志……：禮神祈禱


物需……：克己利人不及動物

動需……：勤濟苦勸

2. 歐洲感受耶教後之經濟

自耶穌死十字架後。值歐洲四種、四族、二十餘國、筋疲力倦人民不堪痛苦之時。於是種與種、族與族、國與國、人與人、上與下、無不以尊耶而激發對方之道德。結果耶說竟尊為二十餘國之公教。於政教分途之政治下。梵蒂岡教皇、儼然為歐洲之人間上帝。各國元首。居然受冊封於教皇。稱霸之英雄。每以護教為口實。加罪於人。每以毀教為大逆。惟是歐羅巴種族國家太過複雜。加以日爾曼人之偏強。匈亞利人之凶悍。英吉利人之狡詐。法蘭西人之輕薄。東方則回教橫梗。北方則土地寒瘠。于是人衆食寡、早成恐怖。任耶教以調和之。依然演成一生存競爭現象。職是自紀元起、至哥倫布止。千四百年中。社會經濟現象可算全無變更。人之痛

苦、較中國更進一籌。方之印度。不啻天堂地獄。此歐洲宗教期中之經濟也。其狀況如下。



附論穆罕默德與亞拉伯之經濟。

亞拉伯地當赤道。身熱頭痛。黃沙無垠。地瘠民貧。在帝王時代。居民向外謀生。原憑武力。詎意佛教產生於東。慈悲之聲西向。耶教產生於西。汎愛之聲東來。兩教侵入。儼然促成該地人之謀生無計。中國陳宣帝太建三年。誕生回祖穆罕默德於麥加京城。所感痛苦與升耶佛又自不同。穆見人生不可少者。固爲道德。

而尤不可少者。厥惟經濟。又見獸有猛馴之分。人有善惡之別。道德經濟不可偏廢。善惡猛馴不可視爲一律。乃高唱除暴安良之說。主張左手持經而勸善。右手杖劍而誅惡。三攻麥加城、奪得政柄。而首創回教。謂上有天國。下有地獄。善者歸入天國而樂。惡者歸入地獄而苦。謂殺性不爲殘忍。殺而不誦以經方爲殘忍。誦經之意助其靈魂往生天國也。不殺人、不爲道德。殺殺人者方爲道德。於是乎亞拉伯人於慈悲汎愛之聲浪中。可以生存矣。講道德而不廢經濟。謀經濟而不廢道德。穆祖之智慧。誠亘古一人也。宜乎其東方占領佛地。遠越扶桑。西方逐耶教於地中海以西。而蔓延於巴爾幹。但無顯然之宗教區。故不另立一綱。

以上印度、中國、歐洲、三大文化最早區域。自第一段起。至第三段至。彼此齊頭進化。自第四段起。因地帶之寒暑不同。種族之純雜不同。而進化之狀況亦迥然不同。其所以一千五百年中。不約而同產生此三大宗教者。乃環境氣候使之然也。

六、第五段商業時代之經濟

上述宗教時代之經濟。中歐印三教區。彼此原屬漠不相關。此第五段經濟範圍之擴大。則進入於世界矣。職是調和印中歐三區經濟之佛孔耶三教。成爲器小盛巨。當然失效。於失效中、世界經濟當然進入失調。而人類因之互相殘殺。因歐洲爲世界經濟變遷之發動者。然後波及於印度中國。茲按次序述之於後。

甲、歐洲經濟

歐羅巴在十四世紀時。兩種四族二十餘國互相爭雄。人口增多。波羅的海西北兩岸。地土磽瘠。二十餘國。此疆彼界。已呈人滿之虞。滿而必溢。自有哥倫布發現美洲。麥哲命環探世界。此後人衆食寡之歐人。當然以寄食四洲爲唯一生路。斯時人寡食多之四洲人。若能憐歐人之饑饉。予以一廩而爲氓。則世界人共樂太和。而無今日之戰爭矣。詎意少見多怪、人之恒情。乃黃櫻紅黑四色人。見碧眼紅髮者、以鬼怪目之。不約而同。實行戕殺。顯然造成白人之客中危險。客子訴之政府。政府援助人民。自然政府以武力隨人民之後。西國間端。各國効之。於是乎主客之爭起矣。世界經濟。從茲失調。茲按不調和之現象。分爲三期述之。

1. 殖民時期

自哥倫布起。至工業革命止。爲殖民時期。此期歐洲因人滿爲患。各國政府競用武力護民出外就耕。於是歐人之足跡。遍於美非澳三洲。而食物無餘之亞洲。非所注意也。再因美非澳三洲。尙在部落時代。頗乏文明道德。因此旅居之歐人。非憑武力不能立足。當然棄道德而高唱競爭。人之於物。所需者爲衣食住。調和兩人之需餘者。爲金銀。哥倫布鼓棹西航。原得西政府之援助。因而新大陸地面。大半爲馬德里之政治勢力。美墨之金銀各礦。大半爲西人所擷獲。一時馬德里政府。有富甲全球之稱。至十七世紀之初葉。意人含那、著成一書。名爲無礦國採取金銀之法。意謂國富須廣儲金銀。欲得金銀。不止採礦一法。能以本國之貨物輸出。亦可換取他國之金銀。此重商主義之萌芽也。當日之所謂貨者。即生活品也。堪笑舍氏意中之金銀。似可代五穀而烹食。詎意重商一說。反博得歐人之同意。降至中葉。又有亞當斯密之原富著作出世。謂經濟之定義爲富。富即是富有財產。財產者。生活有用之物也。定義如此。當然持重生產。生產之三大原素爲土地勞力資本。而以

租備息結合之。任人作大規模之生產。有統系之經營。而輸納於政府。觀此。直然以經濟學爲富人之經營學也。詎意歐洲政府。競相採爲食貨志之圭臬。一般學者。竟尊此論爲經濟學之正宗。從茲歐洲諸政府。對地廣人稀之美非澳三洲。則淡然視之。對車馳穀擊之中印兩國。則積極侵略。由殖民政策。一變而爲謀取金銀政策。此殖民時期之經濟狀況也。在此期中。北人不忘寒。南人不忘暑。歐人之思想。不脫生存競爭、優勝劣敗、之習慣。如達爾文之物種由來。馬克思之資本論。是具表現也。

2. 競消剩餘生產時期

自工業革命之日起。至歐戰敗盟之日止。爲競消剩餘生產時期。因亞丹氏經濟學之要求。以最少之勞力、得最大之効率。亦可謂之爲經濟。(省節也。)於是引起一般智士。競求省力之法。瓦特之汽力發明。共慶大功告成。法蘭第之電磁出世。益爲手舞足蹈。在舊日吾人憑體力可以工作。作工即可得物需之享受。物需動需志需三元、天然調和。自機汽代力以來。一人監視機械。可當百人工作。且無疲勞之

虞、而日夜不停。利害相懸，自屬天壤。此後歐人不欲生產則已。如欲生產、當然自製機械着手。因此貧富重心、由金銀移過機械。自工業革命以還。歐洲不論何國。以少數人之生產。即可供全國人之消費。果能平均分配。則文明先進之英德法、足稱極樂國家。詎意生產方法突飛猛進。分配方法白卷繳呈。於是社會人民。逼成三等。一爲資本。二爲勞工。三爲失業。緣手工業生產時代。個人之生產量雖少。但人人可以生產。享受物需之豐約、訴之勤惰。分配出於自然。自機械生產以來。生產量雖多。所需人工太少。一般舊日之手工生產者。有手不能謀生。有身能知飢寒。當然挺而走險、演成了失業恐怖。結果物質文明、與失業恐怖。恰成正比。此以本國之機械。造成本國人之失業也。

國之本在民。民之本在業。國內失業有人。當然政府設法消弭。但消弭之方。應釜底抽薪、而取締奪人生業之機械。誠一勞永逸也。詎意各政府不此之圖。反而竭力提倡。意謂全國人均能指揮機械生產。則人皆有業矣。豈料機械增多。社會經濟又產生難題有二。一爲原料不敷。機械飢饉。於是各國競向他洲求料。數百年並

未宰割之非洲。此時割而分之。二爲生產剩餘。所謂生產剩餘者。即國人之生產超過國人之消費是也。有貨難消。則生產停滯。生產停滯。則工人失業。工人失業。又重演舊日恐怖。因此各國不約而同。競向人衆地廣之亞洲求消。此中國之所以關稅失權。印度緬甸安南之所以亡國也。於是重產輕業之共產主義。因風縱火。世界儼然鼎沸。此以甲國之機械、造成乙國人之失業也。

3. 慘殺失業工人時期

二十世紀以來。即爲慘殺失業工人時期。英佔緬甸。法佔安南。美佔呂宋。復奪中國關稅權。俾剩餘生產推銷有路。俾歐洲經濟調和。各政府以鄰爲壑之計。妙矣。詎意印人簡樸。華人不上五億。成爲亞洲之消費力有限。歐洲之生產力無窮。甚至機械之奪工能力。與日俱進。今日一人指揮機械。能奪百人之業。明日則倍之。結果失業恐怖、仍然返回國內。國內失業人充斥。當然政府危險。欲取銷機械、而恢復失業者之手工舊業。又不捨二十世紀之文明。爲保全政府計。對失業業者乃出於戕殺一法。於是各國政府、同病相憐。將無關痛癢之國際問題。張大其詞。謂爲

全國人之奇恥大辱。造槍砲、徵人民、選戰場、挑釁端。將現有之大批失業人。消滅於戰場。例如頭次歐戰。奧太子斐迪南之生死。與塞奧兩國政府、固有得失。與塞奧人民、及其他政府何關。但此時各國失業人充斥國內。德爲科學樞府、尤然。欲借國際戰而消滅之。蓄意已久。於是德皇聞奧太子死耗。以爲千載一時之機。而首先攻法。在肉眼視之。以爲威廉英雄蓋世。法德仇不戴天。須知兵凶戰危、人所共知。若無必戰苦衷。誰樂務虛榮而受實禍。爭閥氣而災人民。今日何日。爲二十世紀之三十五年。而歐戰已十八年矣。此十八年中。列強之機械尤爲進步。逼出之失業人較前尤多。西班牙失業業者。已逐其下亞爾分瓊。其他法總統杜美。奧總揆陶爾非斯。南王亞力山大。均殞於手槍炸彈之下。一般兔死狐悲之政府。早已實彈選的。戒於威廉之人皆詛咒。正從事戎首之推舉。然水滿必溢。失業人函必戰。預料必有推無可推之日。恐此數千萬失業業者。難逃預言家一九三六年之大劫也。哀哉。

上述三期。爲歐洲商業時代之經濟變化也。社會人分爲有業無業兩級。而兩級人之經濟、各不相同。表列於後。



乙、印度經濟

印人自爲出世之說薰染以來。方寸中五蘊皆空。當如來涅槃末幾時。波人侵其西方之般遮布。而般民和南以待。使殘戾之波人。含愧而歸。足徵印人之慈悲心腸、曠達日光也。佛曆二千五百六十二年。葡人始航至印度之科亞。受印人之容納。

於是歐洲各國人接踵而來。此後印度經濟雖不因歐洲影響而變化，但亦可分爲下列之三時期。

1. 容納飢民時期

自佛曆二千五百六十二年。至蒙古帝退位之日止。爲容納飢民時期。本來消極無我之印人。受割臂餉鷹之祖訓。以己之餘、濟人之需。收容歐洲飢民、原出至誠。詎意自葡人至科。得印人之容納後。英法葡荷之飢民。竟源源而來。充斥於半島之東西兩岸。英法葡荷之政府。不以佛徒之慈悲爲可欽。反以佛徒之易與爲可欺。逞其虎狼之心。於孟加拉海岸、競相成立東印度公司。從事有統系之侵略。然達觀之佛徒、泰然置之。佛曆二千七百零二年、至二千七百五十二年間。英法葡荷四國軍、因爭利相殺於孟加拉海沿岸。而慈悲之佛徒。反憫而調之。二千八百二十三年。英將克來武破蒙古軍、據加爾各達。而倫敦宣傳謂大破印軍矣。質言之。印人輕視貴富權利。英人拓之道旁。自以爲優勝劣敗。謀劃有方。此期中無論各國東印公司如何爭衡。而消極之印人。經濟無變更也。

2. 蒙古帝放棄政權時期

印人之輕視富貴。屬於天性。至爲官爲帝。視爲作孽。在四百年前。全印政柄。已爲蒙古帝貼木兒子孫取得。於是蒙古帝帥領其蒙古臣民。以印度爲樂園。印人未與較也。英國自生產剩餘之後。維多利亞、希望將偕大印度。作爲原料廠、銷貨場。恐印人弗受。蒙人作梗。乘諸王公大臣互相傾軋之機。乃幽廢蒙帝而奪取政柄。誤者以爲英政府屈服印度。詎意喪失政權之巴拜爾朝、非印人也。英政府統治印度。得偕大之銷貨場。三億具銷貨機。滿望三島之生產。可免剩餘。無如佛徒政權可以遺棄。奢侈之法戒難開。至此方知印人輕物質、而重精神。除採取原料外。工業文化、兩無進展。

3. 不合作時期

英政府視印度爲寶庫。路人皆知。自歐戰以還。倫敦府庫空虛。實之、不能不取之印人、既欲取之印人。不能不橫征暴斂。詎意印人甘地。率領三億印民。一不暴動。二不索取政權。以不合作之柔道抗之。洽中倫敦要害。倫敦對凶殘不仁之日

耳曼人。可以屈服。對慈悲無我之印人。屈服無方。足見武力之不能勝道德也。曠是商業時代。世界十六億人之經濟狀況。惟三億印人最爲調和。非英政府之治印有方。乃印人之保業有法。印人之慈悲心腸、曠達目光、真令人五體投地。百年來謂印人儼得一般歐儲。操持國政。看守門戶。則可。謂印人爲亡國、則不可也。

丙、中國經濟

中國自世界交通以來。經濟受歐洲之影響。變遷頗大。但變遷中、以及守舊之情感爲概念。應分爲三期如下。

1. 政府人民交愛時期

自華夏交通以來。至洪秀全叛亂之日止。爲政府人民交愛時期。蓋此期中、國人沿數千年之風俗習慣。以爲中國天下之中樞。此外僅蠻戎夷狄耳。中國大陸。爲文明之結晶。其他四夷、無文明之足言。遵孔子用夏變夷之訓。惟我獨尊。鄙西洋之衣冠文物。驕態逼人。英夷葡夷之稱。見諸國書。其他尊孔子爲萬世師表。視君王爲臨時聖人。民咸尊君。君能愛民。有一民必有一業。勤者富、惰者貧。上下合

和。誠極辱國也。

2. 政府人民交惡時期

自洪秀全叛亂之日起。至蔣主席提倡新生活之前日止。為政府人民交惡時期。是期人民之心理行爲。一反於前。蓋有正必有負也。其正負矛盾之言語頗多。茲擇其顯然者、列表比較如下。

名	目	上	期	下	期
孔	子	萬世師表	弱國	罪人	
元	首	臨時聖人	絕對服從	人民公僕	信口雌黃
政	府	以保全政府為英雄		以破壞政府為英雄	
文	化	用夏變夷	舍中法	西	
教	育	重德輕智	重智輕德		

右表前後之所以如是相背馳者。緣有哥倫布遠航重洋。即有鴉片來華。有鴉片：：：。即有林則徐之戰。有林：：：。即有五口通商。有五：：：。即有關稅之失權。有關：：：。即有失業人之充斥國內。有失：：：。即有貪官污吏土豪劣紳共黨暴兵土匪漢奸之危害國家。有貪：：：。即有外國之欺侮。有外：：：。即有國防經費之壓迫。有國防：：：。於是乎政府視人民爲蠢惡愚痴。人民視政府若豺狼虎豹。結果於列強則毫毛無傷。四萬萬人則焦頭爛額。職是而上下交惡矣。種種不良現象。出於層層因果。而一般近視者。或歸咎於科學未發達。或歸咎於教育未普及。或歸咎於道德墮落。嗚呼。科學教育道德。豈寒可以衣。饑可以食乎。何失業者得之、而化愚爲賢也。

3. 政府人民合作時期

自蔣主席提倡新生活之日起。爲政府人民合作時期。蓋此期千災百難之政府人民。感覺到偏左偏右之失常。過與不及之同非。又鑒於人民非鞏固政府不足以言幸福。政府非福利人民、不足以言鞏固。互相諒解、合作。而造成失業人民之復業。

國因民寧而福及世界。質言之、有第一期之正。方逼出第二期之反。有第一二期之正反。方逼出第三期之和。成爲正反和公式之辯証法。

五、合論

上述五段。即上下二萬年。環球七萬里。之人類經濟變遷史也。亦即根據中歐印三史形、而測出之史神也。

第四章 觀史後之認識

根據上述五段人類之經濟變化。復根據吾人絕對貪生之心理。於觀史後有以下之認識。

一、論文化

上章經濟史觀所述。自有人類起。至今日止。演進中之一切人類行爲。概爲各求其生、各求經濟之調和。而一切文化、均爲促進人之生活。是之謂經濟史觀。但是物需方面、自食肉寢毛穴居野處起。至今日之五碗四盤、單夾皮棉、亭台樓閣、止。勞動方面。自入山田獵起。至今日之田徑賽止。意志方面。自結繩歌唱起。至

今日之學說縱橫止。元首方面。自族長專制起。至今日之總統主席止。交通方面。自涉水浮筏起。至今日之輪船飛機止。此不住之進化。雖以吾人之求生心理爲原動力。但又由吾人物需動需意志三方分頭促進之。茲分述之於後。

甲、文化之定義

文者、思想也。出於大腦。化者、變化也。顯現於物象。文化者。用大腦之思想、四肢之勞力、將宇宙中之自然物。改造成利於人生之變化是也。譬如土生於地、屬於自然。築之爲牆。即屬文化。樹生於山。屬於自然。製之爲器。即屬文化。牆器之屬於文化也如此。其他人造物之屬於文化也亦然。此文化之定義也。

乙、物需對於文化之催促

人以衆生爲食物。人之於衆生、生存競爭也。人不甲乙肉食。人之於人 絕對互助。但人類生存一日。必有一日之繁殖。食食物之人數增加。必形成被食之物減少。食物雖云生長無竭。但吾人之經驗有限。愚者困於一地、拘於一理。自然演成人衆食寡、而高唱生存競爭。智者另闢新理、另闢新地。自然催動物質、演成無

限進化、而高唱人類互助。此由漁獵、而種植。由種植而化學。之所以無窮演進也。

丙、動需對於文化之催促

人類生存一日。必有一日之經驗。又必須一日之勞動。同作事也。今日以十分勞動、方可作成某事。明日以八分勞動、即可作成某事。成爲經驗益多。而作事之勞動益減。人動物也。勞動漸減。必違生理。於是愚者勞動漸減、而退強爲弱。智者發明事以外之勞動。而保護健康。此由跳舞而武術。由武術而球彈。之所以無窮演進也。

丁、意志對於文化之催促

吾人有一分思想。必發生一分記憶。有一分記憶。必發生一分習慣。於是今日以十分思想、方可作成某事。明日加以記憶、僅以八分思想、即可作成某事。經驗益多、而作事之思想益省。人之思潮、如洋海之波。靜止頗難。於是作事之餘。愚者意志無所寄託。而感受寂寞。智者寄託意志、而闡發無窮之理。此由言語文字而

文學詩歌。由文學詩歌而小說新聞、之所以無窮演進也。

二、論文明

甲、文明之定義

文明者、思想也。明者、明白也。文明者、用思想而明白某事某理之究竟是也。蓋吾人對於宇宙萬有變化。先知其必然。然後知其所以然。前者訴之經驗而易。屬於文化。後者訴之思想較難。屬於文明。凡人所在之區。無處不有文化。未必隨處皆有文明。足見文明為文化之進一步也。古人謂行之匪艱、知之維艱。旨哉斯言。

乙、物質文明

所謂物質文明者。憑思想而明白宇宙中物象變化之所以然是也。淺言之、憑思想而造成人生物需之美滿接濟。消弭白災。而得經濟方面之快愉是也。

丙、精神文明

所謂精神文明者。憑思想而明白本身心象變化之所以然是也。淺言之、憑思想而造成人與人互相交愛、弭消赤災。而得道德方面之快愉是也。

丁、人生文明

所謂人生文明者。憑思想而造成人生物需之美滿接濟。人與人增恩消怨。人類同登壽域是也。

戊、中歐印三區之文明結晶

中歐印三大文化區。各區有各區之悠久歷史。各區有各區之文化文明。但各區因種族純雜、氣候寒暑、生活難易、國家多寡、各不相同。於是文明之趨向。亦迥然不同。茲分述於後。

歐洲地跨溫寒兩帶。種族複雜。政治向未統一。各國鼓勵多育。人口比較發達。競爭之觀念較濃。三千年中。雖代有英才。開發物質精神人生之理。然人衆食少。物需比較切要。人之思想。當然特重物需。三項文明齊頭並進。而物質文明之成績。比較良好。精神文明。則遜於印度。人生文明。則遜於中國。但歐洲文明。固萃萃於物質。而物質文明。又萃萃於科學。科學之文明。又結晶於理化學。足見歐洲聚可成山之書籍。極端歸納。足以照耀千古者。僅理化學一書而已。

印度地居熱帶。土地膏腴。生殖較速。人性消極。獨身成爲風習。人滿之聲寂然。政治忽分忽合。競爭觀念頗淡。三千年中。雖代有英才闡發物質、精神、人生、之理。然衣食易謀。消極成性。人之思想。當然特重精神。三項文明齊頭並進。而精神文明之成績。比較良好。物質文明則遜於歐洲。人生文明則遜於中國。但印度文明雖薈萃於精神。而精神文明。又薈萃於佛經。佛經三藏結晶於十二部。十二部又結晶於華嚴。足見印度聚可成山之書籍。足以照耀千古者。僅華嚴一書而已。

中國之氣候土地生活。介於歐印之間。而政治之統一。種族之單純。遠在歐印之上。三千年中。雖代有英才闡發物質、精神、人生、之理。因生活較難於印。較易於歐。物質精神兩方俱重。三項文明齊頭並進。而人生文明之成績。比較良好。物質文明、則遜於歐。精神文明、則遜於印。但中國之文明。雖薈萃於人生。而人生文明。又薈萃於孔學。孔學十三經。又結晶於禮記之大學中庸。足見中國聚可成山之書籍。足以照耀千古者。僅禮記一書而已。

上述中歐印三區之文明結晶。理化一書。可以代表歐洲文明。華嚴一書。可以

代表印度文明。禮記一書。可以代表中國文明。中國之格物致知。遜於歐洲之科學。正心誠意。遜於印度之佛學。但歐印生生之法。又遜於中國修齊治平之周詳。並且中歐中印相懸無幾。可以交換文明。中國大陸、自有科佛兩學侵入。歐印相懸太遠。不易交換文明。佛學於歐、科學於印、必格格不入。非出於意氣。乃環境習慣使之然也。

三、五段進化中、經濟道德之互相激盪。

根據經濟史觀所述。吾人自猿人至今、之五段進化。初而羣與羣爭。酋長倡道德而中利之。繼而部落與部落爭。帝王倡道德而中利之。再而國家與國家爭。聖人倡道德而中利之。今日爲宗教與宗教爭。當然中和亦有人有道。此五段中、人與人有一分殺戮。必逼出一道道德名詞。甚而殺聲彌高。道德聲彌濃。社會上成爲殺聲與道德聲互相激盪。其所以道聲隆隆中、而不能根本弭消殺戮者。因經濟失調、白色爲懼是也。其所以殺聲隆隆中、而能使衆戰士回頭是岸者。因人皆貪生、赤色爲懼是也。故吾人經過之萬年歷史。既可以名之曰人類相殺史。更可以名之曰道德宣傳

史。試觀今日歐洲之教堂較多，而殺戮亦較重。非奧則反之。足以証也。果爾吾人觀史。因地帶而知人類繁殖之遲速。因遲速而知人類謀生之難易。因難易而知人類謀生行動之遠近。因遠近而知人類相殺之勇怯。因勇怯而知人類厭亂心理之緩急。因緩急而知弭亂學說出世之早遲。因果秩序毫不爽也。今日何日。乃華曆二十四年。耶曆一千九百二十五年。佛曆二千九百六十四年。世界人數、已繁殖至十七億之衆。人類覓食行動。已達數萬里之遙。世界六十餘國。各盡政策而損人利己。世界各宗教。各具主觀而高唱我眞爾僞。世界各黨。各具權欲而高唱我是爾非。國與國之國欲衝突。教與教之教義衝突。黨與黨之黨綱衝突。人與人相殺至五百年之久。人類苦於災禍不已。已而厭亂之念。在十七年前。歐洲大戰。已殺人千萬。預言家一九三六年之世界大戰。預計可以殺三千萬人。逆料在此大戰威逼中。必逼出一種弭戰之道德學說出世。惟是五百年前。歐洲感人衆食寡之痛苦。因此衝出教區、而向世界調和經濟。此五百年中。飢者勇、飽者怯。自是歐人獨霸一時。現在人之痛苦。又聚集於中華。恐此九死一生之中華人。必有一番驚人行爲也。世無打不破之

限線。更無不貪生之人。請世人拭目以待。

四、五段進化中、經濟失調之三成因。

上節所述。古今來所有人殺人之事實。概屬爭奪。概以經濟爲原動力。所謂禮讓者。經濟調和後之文劇也。經濟調和之社會。雖英雄不能故造殺聲。爭戰者。經濟失調後武劇也。經濟失調之社會。雖聖人不能制止爭奪。惟是古今人殺人之事實。固出於經濟失調。但經濟何以失調。又出於下述三成因。

甲、自然失調

自然失調者。即人口漸增、食物漸減、所逼出之經濟失調是也。如家族之人口增、而進入部落。部落之人口增、而進入國家。以及國家進入宗教、宗教進入世界。隨時因人口增多。而產生之經濟失調是也。無論孔倡仁恕。耶倡汎愛。佛倡慈悲。果報、鬼神之警戒、威赫。隨時均有不能以理喻之同樣團體、與我經濟衝突。而使宗教失效。神鬼失靈。如中國之於蒙古。歐洲之於中亞細亞。印度之於波斯。之戰爭屬之。

乙、偶然失調

偶然失調者。即天災、所釀成之經濟失調是也。如水災、旱災、所造成之內亂屬之。中國明末之亂。是其例也。

丙、人造失調

人造失調者。即權貴逼成之經濟失調是也。緣社會經濟在調和中。乃有好事權貴。苛派人民非生產無勞資之工作。使人民經濟失調而走險作亂。如修長城。造成秦末之亂。開運河。造成隋末之亂。壘金字塔。造成金字塔朝之亂。是其顯者也。

丁、結論

上述古今經濟失調之三成因。亦即古今人殺人之三項原動力也。蓋先有經濟失調。然後逼出災民。有災民然後產生英雄。有英雄、然後殺聲四起。朝代屢更。因一部人經濟失調。而造成社會大亂、因社會大亂。而又逼成多數人經濟失調。風助火勢。火助風威。演成古今一部人類慘殺史。此古今人類慘殺之因果也。

五、五段經濟變化中、之三態現象。

古今經濟失調之原因。已如上述。但無論家族、部落、國家、宗教區。一旦失調。必演成下列之三態現象。

甲、第一態飢飽顯然


此態現象。即甲乙之飢貧飽富顯然是也。本來先有食物。然後產生食食物之生物。除天災外。斷無有人而無食物之理。不過政治有仁暴。人民有智愚。團體有強弱。天災有範圍。或政府飽富而人民飢貧。或甲人、甲家、甲部落、甲國、甲教區、飽富。而乙人、乙家、乙部落、乙國、乙教區、飢貧。此經濟變化中之第一態現象也。與電之正負顯然。地之高低顯然。同。

乙、第二態飢飽衝突

人皆飢貧。則飢貧不足爲禍。人皆飽富。則飽富不足爲福。有貧者。適足以啟富者之驕意。有富者。適足以啟貧者之嫉心。於是平貧富驕嫉。雙方自然衝突。如電之正負交流。地之高墟於低同。此古今來人類經濟必有正負顯然。而又必有正負衝突也。

丙、第三態正負中和

飢飽貧富衝突。則飢貧者感白禍。飽富者感赤禍。雙方均趨於險。人之心理、絕對貪生。當然富者不能剖腹藏珠。貧者不能紛爭無已。於是飢飽衝突、當然終止於飢飽中和。所謂中和者。飢飽顯然。則同歸於半飽。貧富顯然。同歸於不富不貧。如電之終歸於中和。地之終歸於平坦同。其五段衝突中和之現象如下圖。



丁、結論

上述五段進化。第一態。甲部人多食少。乙部人少食多。是爲飢飽顯然。於是局部經濟崩潰。第二態。人多食少者。以向外調和經濟爲動力。食多人少者。以保持原有經濟爲定力。動定衝突。演成人類互相殘殺。第三態。人類相殺。終趨於友。調和幾家族經濟。屬於酋長。調和幾部落經濟。屬於帝王。調和幾國家經濟。屬於宗教。調和幾教區經濟。預料屬於大道。大道者。人類同生之理也。據此推論。今日歐洲人侵入四洲。世界上主客衝突。乃必然之事也。歐洲五百年前。人衆食寡。四洲反之。此第一態之饑飽顯然也。哥倫布發現美洲。麥哲命環探世界。此第二態現象之發軔也。今日世界上之人殺人現象。即主客相爭之第二態現象也。欲知第三態現象何時出現。須問第二態現象之衝突程度如何。若此時歐人之氣焰未減。仍想雄霸世界。四洲人之餘怒未息。仍想逐客子回歐。此後自有一番殺戮。若歐人從此灰盡征服四洲之心。四洲人從此斷絕逐客子回歐之念。則第三態現象。指日可現。惟是歐人散布四洲。美非奧三洲。尙在部落時代。無文明之足言。歐人趨之如入無人之境。惟亞洲之中印兩區。文明足與相埒。預料中和宗教區之經濟。必爲華印

人士。現在印人甘地。以唐陀教爲基。高唱不合作主義。頗覺災難滅殺。是則千災百難之痛苦。僅匯集於中華四萬萬人。按危者勇、安者怯、之公例推之。調和世界經濟之大道。必產生於中華大陸。

六、宗教時代、財貨之自然分配。

文明日益進步。而生產之法日巧。昨日一人生產。可供二人消費。今日一人生產。必能供三人消費。其所以然者。經驗富而勞力減也。直至宗教時代以牛代耕。以馬代運。以水推磨。其耗人力也益寡。因此一人之耕也。可供六人之食。一人之織也。可供六人之衣。人生需衣食住器四物。而耕織築造四業。僅足安插四人。餘二人、非物需之不濟。乃致之之無方。於是社會財貨。成爲易於生產。難於分配。智慧之古人。一方面感覺人生枯燥。一方面感覺分配乏術。乃創以下之分配方法。

甲、宗教分配

聖人感人生枯燥。分配乏術。既創道德玄理。又創宗教而分配之。其分配之方使社會上幾人爲教士。而有財可取。幾人爲信徒。而有財可輸。社會經濟、自然

調和。

乙、神鬼分配

神鬼之真偽。姑且不論。但神鬼對於社會財貨之分配、其功偉矣。故智慧之古人。故倡神學神話。以收分配之效。其分配之法。使富者媚神鬼而輸財。貧者敬鬼神而謀生。一媚一敬。貧富經濟自然調和。

丙、奢華分配

日食萬錢。無下著處。七寶溺器。價值連城。以私德論。非矣。但設使何曾輩食瓢飲。孟昶入側而溺。則何府蜀宮之財。必無輸出之餘地。足見奢華不為社會之病。財方為社會之病。墨子主張土階三尺。桐棺三寸。孔子非之。非非其不應儉樸。乃非其不能分配也。故天生吾人。使富者必奢。貧者因其奢而謀生。於是貧富經濟。自然調和。

丁、遊戲分配

富人飽暖之餘。志在娛樂。貧人饑寒之下。志在謀生。使富者樂輸。貧人得濟。

。乃有戲劇之產生。若社會人、均謂勤有功、戲無益。則優伶淪爲餓餒矣。

戊、術數分配

富人惡病。愚者魯迷。使富者輸財。貧人得濟。愚人迷路。智者指途。此醫卜星相之所以產生也。

己、結論

上述五項。即宗教時代之分配法也。此外分配之法尙多。不及枚舉矣。試思宗教時代。以牛力耕。馬力輓。水力磨。一人之生產。不過供六人之需。即有此想入非非之分配方法。今日科學時代。以電汽瓦斯力而代人力。以一人指揮機械。可代百人生產。當然分配問題。尤爲重要。詎意一般學者。未創出新式之分配方法。舊法中。如宗教術數鬼神等。謂爲迷信。是惟恐天下不亂也。馬克思主張、各盡所能而生產。各取所需而分配。人果純良如此。則剖斗折衡、而民可望不爭矣。言語之掩耳盜鈴。竟有如是之甚也。悲夫。

第五章 今日第五段第二態飢寒衝突中人類經濟之六不調和

上章所述。人類之一部歷史。分爲五段。甲段進入乙段。概由三態現象演化而成。上四段屬於過去。最末一段。正演化中。但演化中、飢餓顯然、屬於過去。飢餓衝突。正推遲中。飢飽中和、屬於未來。欲知飢飽何日中和。（即世界何日大同）須先考察第二態現象飢餓衝突之程度若何。欲知飢飽衝突之程度若何。更須考察今日人類經濟失調之程度若何。作者已考得今日人類之六項經濟失調現象如下。

一、個人經濟之失調

生物貪生。人必圖樂。生之促成、屬於經濟調和。樂之促成、屬於意志順遂。故動物因意志而寄託勞動。因勞動而覓得物需。因覓物需而又寄託意志。經濟爲天然調和。方寸爲自然快樂。因此飛空之鳥、泳水之魚、窟山之獸、穴土之蛇。除被他動物戕殺外。無所謂衰老病疾。其經濟之調和現象如下。



吾人自種植以來。一日之物需、不須一日之意志勞動。即可生產。於是乃發明武術以填補勞動。發明文字以寄託意志。此人工調和法、與天然調和法比較。三元已算失調矣。此後物濟上發生食量減少。意志上發生悲觀厭世。勞動上發生衰弱不武。結果疾病橫生、人壽短促。此由部落時代起、至宗教時代止。個人經濟之失調也。其失調狀況如下。



右為宗教時代之個人經濟狀況也。但古人非多食不能勞動。非勞動不能生產。非意志不能作事。經濟雖小有失調。尚可保持相當之健康壽歲。畢生不患病者、屢見不鮮。秦漢期頤之壽。則比比皆是。自機械生產以來。中歐兩大文化區之人。逼成資木工人失業三項。而三項人之經濟失調狀況。互不相同。茲分述於後。

甲、資本家經濟之失調

人須物質勞動意志三者同濟而生。而資本家僅得物質意志兩項接濟。緣富人富有財貨。物需之享受美滿。愈富而愈善經營。意志之寄託有的。關於勞動。如造物有造物機。農作有農作機。走路有走路機。上樓有上樓機。監視機械有工人。日常雜務、有僕役。直然無勞動之可能。偶感動需用金錢買獲勞動。(如打彈、蹴球、)但為濟有限。是以富人寡勞動之身軀。往往疾病橫生。其經濟狀況如下。



乙、工人經濟之失調

舊日手工生產之工人。三元經濟原屬調和。今日機械生產之工人。則否也。緣物質意志固有相當之接濟。勞動被奪於機械。須於工畢購之。(買彈打購球蹴)但限

於時間。縮於金錢。有幾人真得接濟。試觀工人寄生工廠。大半面黃肌瘦。短少年齡。足見工廠者、變祖之監獄也。其經濟狀況如下。



丙、失業者經濟之失調

失業者憑勞動意志而不能覓取物需。論理失業者之經濟中。應當貧乏物濟。但現在世界之失業人。除自殺乞丐外。未見飢寒交迫也。其所以失業而得物質接濟之故。因既不能以勞動意志而生產。當然以勞動意志而攫奪。即世界上暴兵、盜匪、之生活是也。此項生活。雖則物需動需得相當之接濟。但精神上受道德法律之刺激。不死於赤者、究於幾人。其經濟狀況如下。

失業者之失調經濟



、結論

上述資本工人失業者三項人之經濟。各人均少。元而蒙災。余以為文明愈進步。愈能使健康人壽道德三者並進。二十世紀歐人創造之文明。何獨不然也。

二、夫婦經濟之失調

甲、婚姻之起源

宇宙之動物夥矣。吾人亦其一也。其他動物。無所謂夫婦。牝牡交合。同樣能生殖與快樂。惟有吾人。既云夫婦。而又繁之以婚姻。論者總以為人為動物之上籜。不如此不足以表示優秀。是則吾人故為瑣煩。而驕倨于其他動物。未免拙矣。足見婚姻之起源。另有因焉。緣吾人自動物進化為人以來。因智識太高。欲望無節。

動止失宜。禍福預知。於是達相當之年、必老。老而必衰。衰而多病。病久方死。既有生死現象。而又加之以老衰病健現象。吾人在老衰病三現象中。本身之能力。不能維持本身之幸福。不能不託之於他人。但託之於肉體無關之人。久之必生厭惡。因此方發生老衰病互相維護之夫婦。惟是動物中、如鴛鴦、比目魚、等。不惟發生互助。甚至可以殉情。吾人男女居室。老來之幸福。可維持矣。婚姻又何必手續乎。緣人以外之動物。思想簡單。心理始終如一。惟吾有知識之人類。愛惡無常。見異思遷。而且面目上有西子嫵母之分。年齡上有朱顏皓首之別。夫婦之結果。往往遜於其他動物。古人感覺痛苦。方有婚姻、方有手續。意在使二人成爲夫婦。衆人皆知。以後夫婦間稍有齟齬。亦不致遽言離異。因此婚姻手續愈繁雜之鄉。離異亦非易事。夫婦之結果。亦比較良好。故婚姻者。維持夫婦之長久。夫婦者。維持晚年之幸福。此婚姻之起源也。

乙、論專制與貞操、多妻與多夫、權與責。

世界之大。各地之風俗習慣不同。而夫婦間之關係。亦各不相同。有男性專制

。女性專制。多妻制。多夫制。等等。在常人見之。以為男性專制。則男子得自由。女子被羈絆。女性專制者反之。多妻制。則男子盡性。女子抑鬱。多夫制者反之。其實非也。蓋夫婦除性交以外。尚有一生活問題。敢斷言。世界上無論何種婚姻制度。難逃下列三條之規繩。

一、甲性專制、必演成乙性貞操。二人生活歸專制者負責。貞操者坐享之。

二、兩不專制。必演成兩不貞操。生活各自負責。男寡少艾。女孀面首。夫婦與狎客妓女同。

三、互相專制。必演成兩性貞操。生活聯二為一。雙方性命相依。

根據上述三條。專制與負責。貞操與坐享。兩皆對比。無論如何。均無便宜可占。至於性交能力。原屬先天秉賦。細水長流。急水短流。同歸於盡而後死。此五大洲種種夫婦制度之所以成爲習慣也

丙、論舊日夫婦經濟中之五原素

夫婦與婚姻之起源。已如前述。但五大洲無謂任何婚姻制度。必具下列之五項

原素。方得謂之爲美滿夫婦。

一、手續 少年夫婦。喜怒無常。結合匪易。離散必難。故古人特與此繁難手續。以慎重其事。如中國主張父母之命、媒妁之言、六親相聚。報聘納采。即故爲慎重。而促成其白頭到老也。

二、性欲 性之爲欲。足徵造化之巧。緣動物進化。必賴繁殖。動物繁殖。必自陰陽交媾。造化惟恐動物怠於交媾。而自陷絕滅。乃造成交媾爲動物之樂趣。因此動物體造化之意。矧期自能性交。孔子體生生之意。謂男女居室、人之大倫。又恐吾人捨本逐末。戀性欲而忽生生。又以不孝有三、無後爲大、之語戒之。吾人情性欲而聯夫婦之感情。故夫婦性交呼之爲敦倫。蓋性交者。男女之關係也。敦倫者。敦篤夫婦之感情也。名詞既異、而重心不同。

三、感情 感情者。金錢性欲以外之情誼是也。與愛字定義不同。所謂愛者。係專指單方面言。人對物亦可以言愛。感情者。係指雙方相感而言。惟有兩人方足以當之。夫婦之和睦。係平感情。感情之濃淡。係平貞操。試觀濫交之犬馬。與狎

客娼妓。則無所謂感情。專交之鴻雁、與義夫貞婦。則性命相依。並且男女相騙。無不以專交爲口實。足徵貞操爲感情之母也。

四、互助 人爲動物之優秀。所需既繁。所營日廣。若各個獨營所需。必精疲力倦而不達要求。故人不能不相互爲助。但與他人互助。齟齬頻生。終乏好果。惟有夫婦。最易達互助之要求。如男子體強、性動。作粗而笨之工。女子體弱、性靜。作細而輕之事。彼此截長補短。幸福乃生。但乏感情之夫婦。不能互助也。

五、希望 希望者。即夫婦老衰病時。兩人之幸福付託是也。一爲付託子女。一爲互相維護。

上列夫婦之五原素。任缺一項。吾人即難獲百年偕老之幸福。敢斷言。今日地分五洲。人分五種。任其風俗習慣語言文字地帶之不同。而夫婦間之五項要求。必不約而同。其五項之次序如下。

夫婦——婚姻——手續



丁、論今日夫婦經濟中之五原素

近日唯物社會學者。只覺青年性欲難抑。未計老年失偶堪憐。甲人高唱戀愛屬於神聖。乙人高唱自由屬於文明。性欲難抑之青年。如老馬脫羈。於是五項、演成下列之結果。

一、手續 結婚手續。與離婚手續對出。只能耗散家資。繁累人羣。不能作夫婦同偕到老之保障。最近美國發覺年僅四十之女子。結離婚已達百次之多。百萬家資之男子。因離婚結婚而蕩產。紐約一市。每年離婚之案、達十萬以上。巴黎一市

。逾年不敢婚娶之男子。達五萬之多。

二、性欲 重性欲而輕生殖。助性藥與免孕劑齊下。致使天賦於人二十歲至六十歲之夫婦聯歡具。於三十年以前。即新裝追盡。不惜老來未辦反目。

三、感情 兩性感情。在言語文字上互相欺騙。事實上互防如敵。各懷貳心。
四、互助 共同生產、共同消費。中式之互助。變為甲人生產、乙人消費。
正式之互助。甚至一方面窮奢極欲。一方面鞠躬盡瘁。情長者、委蛇求全。情短者、動輒求離。

五、希望 希望青年時盡性而交。老年時並未計及。色衰金盡、演成情仇情累。
上列五項。即今日五大洲夫婦經濟失調之現象也。一方面為年齡上失調。一方面為兩性間失調。天地不仁。以萬物為芻狗。作俑者其無後乎。

戊、論戰爭與多妻制

大地生人。大約男女相。仁者愛人。每悲怨女曠夫。伊古以來。部落國家宗教區之互相殘殺。本為事實。但戰魔為禍。死男子也夥。死女子也約。果爾天生男

女祖等。因兵燹之故。成爲女多於男。餘女獨身之不能。爲娼之不經。此中國多妻制之所以萌芽也。近年歐洲因歐戰而寡婦充斥。社會習慣、又反對多妻。不知當軸者何以善之。

三、父子經濟之失調

甲、衰父母、壯子女。壯父母、幼子女、之交換道德

人類之有父母子女關係。與先述之夫婦關係同。爲維持畢生之幸福也。緣吾人屆祖當年紀必老。老則必衰。衰而多病。病久方死。當老衰病時。本身之能力。不能維持本身之生活。則託之於夫婦。但暮年夫婦、同時衰老病。豈非失去幸福乎。古人補此缺憾。乃以家族填補。俾晚年託庇於子女。此壯子女對於衰父母之道也。又動物知識較低。天予以幼幼之心。終能保持到底。如禽之於雛。獸之於犢。姑無論長大後於本已利害。必盡心護育。惟吾人則每存趨利避害之心。若育子女於本身無益。不惟嫌煩不樂於育。而且避險不樂於孕。古人感人弱於獸之苦。乃故與家族。俾父母撫兒女以小。兒女養父母以老。父母欲求晚年之幸福。必須多育兒女。

兒女欲報撫育之功。將來養奉父母。此兒女對於父母之道德也。亦即衰父母、壯兒女。此父母、幼兒女。之交換道德也。對消之亦即我之壯年。撫育我之幼年。孝養我之衰年。年齡上交換道德也。故孔子云。老吾老。以及人之老。幼吾幼。以及人之幼。足見老幼幸福最易喪失。而老老幼幼亦爲道德之尤。惟是父母之育兒女。近於放債性質。誠心出於必然。兒女之孝養父母。近於償債性質。誠心出於或然。因此社會上常有多情父母。薄情兒女。人到晚年。幸福仍然飄浮。古人有鑒於此。于濶大道德中。孝德特立一綱。於是國家之持平法律。亦彌補人生幸福之漏。不究其不慈、只究其不孝。宗教感之。法律繩之。吾人畢生。方算得到幸福。此五大洲十六億人、無論文明野蠻。不約而同之自然進化也。

乙、因父及祖、因兒及孫、之大家族

吾人平均十六歲即能生育。人生六十即稱平壽。如此家庭間不僅父母子女關係也。所謂父吾父、以及父之父。子吾子、以及子之子。於是上而高曾祖父。下而子孫曾玄。九族乃成。但一雙父母所生有男、有女。有幼、有長。如暹羅同胞男女可

以成婚。幾弟兄姊妹、共養一雙父母。家族固是單純。但血族相交。子孫劣而不秀。中國人有鑒於此。主張同姓不婚。表示系統。人須名上戴姓。但不同姓之兩夫婦。公養不同姓之兩雙父母。能力當然不逮。而此兩雙父母所育兒女。又不止夫婦二人。負責人多必推委。是則父母多育兒女。反失晚年幸福。中國人見物需之生產。以男子出力爲最。方主張男族制。與男關係者、爲親。與女關係者爲戚。夫婦對男家父母、爲父母。孝養出於責任。對女家父母、爲岳父母。孝養出於義務。又一雙父母。生男不止一人。惟恐其甲推乙委。爲責無旁貸計。又與出長嫡制。此中國大家族之來歷也。質言之、或親或戚、或長或次、或嫡或庶、或九族、或五服、或三父、或八母、有繼介之關係者。均有名分權責。而精深嚴粟之宗法。于焉產出。遂爲世界特有之文明。凡此皆爲促成吾人晚年之幸福也。

丙、弛孝後之怪現象

近日短視之社會學者。只覺衰父母爲壯兒女之累。未覺壯父母撫幼兒女之艱辛。只知青年有爲。未計壯者能衰。將孝德改爲義務。父母之遺產、非一定授予兒女。

。儼然將道德重心。由家庭移到社會國家。國家之持平法律。亦迥然不同。謂父母撫兒女以小也責任。兒女養父母以老也義務。視青年爲國家之驕子。視老年爲社會之贅疣。於是社會上逼出以下之怪現象。

青年夫婦、避孕墮胎。老年夫婦、謀生乏術。富子輕視貧克。貧子圖謀父產。

以上四語。即弛孝後之怪現象也。以兩人視之、爲父子間經濟失調。以一人視之、爲本身年齡上經濟失調。嘆人誰不老。老而失幸福。人生二十世紀。遠遜於飛禽走獸也。

四、社會經濟之失調

甲、都會人羈之原因

人於物需。無論衣食住器、均產生於地面。而人各憑四肢五官一腦。社會上之謀生事業頗多。敢斷言無論瞽盲愚聾。無有不能謀生之理。自西方工業革命以來。能使最孱弱之男子。不能生活而自殺。究其因、由於社會經濟失調、有以致之。但

社會經濟、何以失調。又由於人類疎密失於中利。有以致之。察現在世界國家之執政人員。不以政治之趨於清明爲榮。而以境內有一大商場爲榮。如美國人數僅一萬一千萬。紐約一市。人口達七百五十萬。美人自誇不已。比國人口不上七百萬。而安多厄爾比一市。人口達二百萬。比人心猶不足。其他倫敦、漢堡、馬塞。人口皆逾三百萬。猶未滿該地人之繁華欲。查一般人士。無政府之強迫。何以不約而同相聚都市。甘受生活增高之壓迫。蓋因機械出世。一般地主、競購農作機代耕。一家地主。得機一架。可以耕田數頃。一般佃農傭農。在鄉失業、生活無路。只好求生於工業。因此不約而同匯集都市。於是國家愈有大商場。而國內之社會經濟益爲失調。茲因人民聚合之多少。將全世界之社會經濟。分爲五等。茲自第五等起。分述於後。

乙、第五等生活之社會

此等生活之社會。如中國之甘肅。巴西非澳之中部。屬之。社會上機械造成之貨物頗鮮。人生耕而食。織而衣。日出而作。日沒而息。上市賣其所餘、即刻買其

所需。搬運則蓄力人力。此種生活。不惟與歐洲文明關係淺鮮，甚至與金錢少生關係。疾病頗鮮。社會上無閒人。無盜匪。人於經濟上之憂愁較少。貧富相差頗微。物需動需意志、三元。為天然之調和。吾人權以此為生活單位。

丙、第四等生活之社會

此等生活之社會。如中國非澳之偏僻城府。屬之。人羣之集團。約五萬上下。社會受物質文明之病尚淺。但已陷入機械生產之範圍。市上已有洋紗、洋布、石油、之類。吾人除單位生活外。入口之家。（父母妻已弟妹兒女）賣棉買紗。或賣穀買米。每年輸與機械商買錢約八十元。天晚不眠。買石油燈、石油、需錢約三十元。每人每二年病一次。全家每年醫藥費二十元。房租加價、約二十元。買柴錢約三十六元。每年生活費約共高出一百八十六元。社會上每五千人平均一名醫生。每五百人平均一名盜匪。人之心。不時有經濟仇怨上之憂愁。

丁、第三等生活之社會。

此等生活之社會。即水面輪船可以通行。陸路汽車可以通行。世界上之三等商

場屬之。人之集團。約三十萬左右。市上鐵路、馬路、電燈、自來水、均備。每年人口之家。改石油燈爲電燈。加錢約二十元。(因電自然以晝爲夜)地皮加貴。房租加價百元。有力不能汲水。加水錢十元。有妻。不能縫衣、做鞋。加縫衣購鞋錢約三十元。每人每年加病一次。加藥錢約二十元。每年共計又增加生活費約百八十元。社會上每千人平均一名醫生。每五百人平均一名警察。每百人平均一名盜匪。每日平均有一人自殺。十日中有五人。發生經濟上之憂愁。

戊、第二等生活之社會

此等生活之社會。世界上之二十次商場屬之。人之集團。約在二百萬左右。市上馬路、鐵路、自來水、火車、電車、飛機場、無線電台之設備完善。每年八口之家。加房租錢約百元。車費約三十元。專制衛生費、約三十元。除糞費約十元。平均每月每人加服藥一次。需錢約十元。每年共又增加生活費約一百八十元。社會上平均每五百人一名醫生。每三百人一名警察。每五十人一名盜匪。每日死於盜匪者一人。死於自殺者三人。十日中有八口。十入中有八人。心中有赤白兩愁。

己、第一等生活之社會

此等生活之社會。世界上之十大商場屬之。人之集毘。約在二百五十萬以上。社會上凡歐人之文明。應有盡有。每年八口之家。再加房租約百元。加行路保險費約五十元。(行路省車費終被車輾)加衛生費約二十元。(每年種痘四季清潔檢查)共計又增加生活費約一百七十元。社會上每百人平均一名醫生。(富者有常年醫藥保險)一名警察。(富者有常年律師保險)每二十人平均一名盜匪。(富者有常年警察保險)每日平均死於自殺者五人。死於盜匪者三人。十人中有九人。十月中、有九日。心中有赤白兩怖。

庚、結論

上述八口之家。自四等生活起。至第一等生活止。除單位生活之真正衣食住外。共計增高生活費至七百一十六元之數。以華人而言。若由僻鄉遷省會。省會遷漢粵津。漢粵津遷滬港。港滬遷紐約倫敦。則逐段增高。若此數中減少一元。除自殺外。惟有流為盜匪乞丐。甚且兒女尙未教育。親朋尙未交往。困極之餘、尙未敢赴

遊戲場、打球場、作意志勞動之購買。耗去金錢至七百元之多。僅博得憂憂、愁愁、暫時免死。一旦失業。儼然宣佈死刑。何以窮鄉僻壤人口如此之稀。生涯如此之易。憂愁如此之少。通都大邑、何以反之。此社會經濟之失調也。

五、階級經濟之失調

甲、舊日之階級

社會中人。皆平等也。論理本無階級之可言。緣同爲人也。有賢不肖之分。賢者爲人尊仰。不肖者爲人鄙棄。敬鄙不同。於是發生賢不肖階級。同爲人也。有智愚之分。智者無理不明。愚者無事不暗。明暗不同。於是發生智愚階級。同爲人也。有治人被治之分。治人者、寡而貴。被治者、多而賤。貴賤不同。於是發生官民階級。同生產也。有勤惰之分。同消費也。有儉奢之分。勤惰儉奢不同。於是發生貧富階級。其階級約別如甲表。

在舊日無論中歐印、有才有德者爲官。無才無德者爲民。仁者雖勤儉亦貧。狡者雖惰奢亦富。所謂爲仁絕不富。爲富絕不仁。因此社會上持重智愚官民賢不肖階

級。而輕貧富階級。其階狀況如乙表。

甲 表

區別	上級	下級
道德	賢者	不肖
智識	智者	愚者
政治	官	民
資財	富	貧

乙 表

賢	官	上級
智	民	下
富	不肖	級
貧	愚	

乙、今日之階級

自盧梭民約論轟動世界之後。世界上之中產者、得選票售賣權。大富翁得元首購買權。於是官民貧富階級並而為一。富翁方可為官。為官又可致富。其階級狀況如丙表。

丙 表

	富	上級
官	賢	下
	智	級
	不肖	
	愚	
	民	

自代議制實行之後。官民之下。又產生第三階級。自工業革命後。貧富之下。亦產生第三階級。茲分述於後。

官民方面。最上為官階級。即富階級是也。蓋大富翁憑金錢之能力。元首可以任興而充。其他官員。更可以任興收買。如美國煤油鋼鐵汽車三大王。鄙統總而不充。職是二十年來之元首。誰逃出三富翁之羽翼。其次為平民階級。即中產階級是也。緣既云民選。首推代議制。美國最近無秩序之普選。(羅斯福總統之被選、得選無數十萬、購票費較代議制倍之。)不過偶然耳。既云代議。初選被選者。必是中產階級。該中產階級。得充議員。既可以賣選票而得富。復可以購選票而升官。

結果、名利雙收。最下爲賤民階級。即有選權之名、而無選權之實、之貧民是也。其階級狀況如下表。

	有	權	無	權
	上級	中級	下級	
表	官員	民(議員)	賤	民

右表所列三級。凡民主國家。官占人數千分之一。民占人數十分之九十九。餘皆賤民也。

貧富方面。最上爲富有階級。即工廠主人資本家是也。資本家憑機械之能力。將世界上之生產物。握在手內。處勞工之無期徒刑於工廠。處失業者之死刑於廠外。並將消費不計之有用物。惠及四獸。年來發現一次以保險金。爲數達六十萬元之巨。演一雪景影片。耗麥粉至百噸之多。爲維持咖啡麥粉價格。將咖啡麥粉沉之於

海。(惟恐麥粉漏歸需者)其次爲貧階級。即監視機械之勞工是也。斯項人賣身資本家。被其囚入工廠。雖未凍餒。然生活極端悲慘。前視資本家固是人間天上。後視失業者、又差勝一籌。最下爲失業階級。即被機械奪去生計之失業者是也。此階級除當兵爲匪外、別無求生之法。其階級之狀況如戊表。

戊		有		業		無		業	
上級		中級		下級		富		貧	
凍餒		凍餒		凍餒		凍餒		凍餒	

右表所列三級。凡物質文明之國家。富者占十分之一。貧者占十分之四。其餘皆生計無着之失業者也。

丙、下級之謀生無路

前述富貴兩方均產生貧民以下之第三級。勞工雖云富貴無望。但無枵腹之憂。

足以苟延殘喘。其他上級。股東可以購選票而充總統。總統可以聚斂而充股東。（美法總統。表面雖薪俸有限。然一旦位居首席。聚斂之法多矣。）議員可以買賣選票而升官發財。休官更可爲民。富貴官民四者。溝通爲一。一般富者。或充官員。或充議員。或充黨員。（無一國不是幾黨對衡）或充股東。可謂頭頭是路。或徵政費。或領院費。或籌黨費。（美國共和民主兩黨、每黨之公積金約在五億。）或開消路。可謂有道生財。一般賤民。既已失業。尙担任府費、院費、黨費、賄選費。謀生之不能。而且帶鎖披枷。此階級經濟之失調也。

六、國際經濟之失調

人民公組政府。是求社會經濟之調和。政府之於人民。亦責在調和其經濟。其調和之方有二。一爲內調和。即造成全國人皆有物需之享受。皆有勞動意志之寄託。人與人不相侵犯是也。二爲外調和。即助成隣國之經濟調和是也。若重內忽外。則我國治而他國亂。亂象必波及於我國。因此善治國者。一方面造成本國之經濟調和。一方面造成隣國之經濟調和。彼此調和。吾人方克真正相安。否則內而人與人

。外面國與國。彼此侵略。經濟反成進一步之失調。互相殘殺之下。人貪生而得死也。五百年來。歐洲諸國。惑於達爾文之論。重視物需、與競爭。輕視動需與意志道德。主張以體育寄託勞動。以智育寄託意志。並用機械生產需物。生產之剩餘。不惜禍及鄰邦。他國反其道而行之。又演成國際競爭。果能真亂他國也。則本國治而他國亂。亂象又波及於本國。結果害人仍歸害己。如最貪得之倫敦政府。東方計劃某政策。西方又計劃某政策。質言之。四方均有政策。不惟想統一歐洲。甚至想囊括世界。結果三島逼出失業數百萬。而示威遊行。激起黑人非洲之豪語。激起印度之不合作反抗。甚至激起愛爾蘭、坎拿大、新西蘭、之自治獨立怒潮。古人云。天下本無事。庸人自擾之。以若所為。求若所欲。敢斷定後必有災。並且除倫敦外。其他政府皆然。質言之。歐洲五百年來。非損人利己之言。不出諸口。非損人利己之事。不介於心。然非歐人之不肖。乃環境習慣使之然也。如最失敗之中華。倫敦之三哀思政策。柏林之三比政策。聖比得（白俄）莫斯科之遠東政策。東京之大陸政策。紐約之三哀思太平洋政策。均以上海為終點。中國盡量受之。剩餘生產

如怒潮之湧入國門。中國笑而納之。此國際經濟之失調也。但中國人數有四萬萬七千萬之衆。有五千年之文明歷史。絕非易與者。退步而言。世界同歸極樂。獨中華民不聊生。而中華四萬萬人、亦可破壞此極樂世界也。須知惟人萬能。中華人衆矣。望各侵略政府。慎之。

第六章 因六項經濟失調而造成之八項不良現象

十六億人感受前章所述之六項經濟失調。於是各自損人利己。而各求調和。當然造成下述之八項不良現象。

一、疾病橫生人壽短促

在最近三十年中。人體內發現之奇病多矣。舊病中、如梅毒、胃病、肺病、精神病、等。大有普及之勢。世界諸醫士、發明治病之藥亦多矣。誰非初出則起死回生。久之則如水投石。然何以禽獸寡病。五百年前與今日之青海蒙古。亦未聞此奇病。端在萬藥匯集之市場上。防病如防賊之社會中。具聞時疫流行。只見病夫滿目。豈奇事乎。

附論病醫藥

一、論病 病者、即人體陰陽失調是也。其致病之因有三。分述於後。

甲、食物關係 吾人需食物以爲生。而食物本身、原帶陰陽兩性。自熟食以來。食物經火。太半進入陽性。調之以鹽。食物又轉回陰性。再加酸甜苦辣四味。陰陽尤變化無常。誠是吾人嗜烟火、食五味。斷無不病之理。如家畜食烟火、絕五味、則寡病。野獸二者皆絕。則無病。亦足證也。但古今人皆食烟火、嗜五味、應當健者乏人。其所以不然之故。勞動關係也。

乙、勞動關係 人、動物也。須不時勞動。方合生理。勞動相當。腹自然饑。口自然渴。饑渴之極。食飲俱甘。甘之絕對無病。否則身體欠缺勞動。食物必然不需。不需而強與之。不惟視美味如糟糠。等甘露若牛溲。甚且消化力弱、必然生病。所以富貴人少勞多病。貧賤者反之。亦因果使然也。但果如上言。世上寡勞動者。以跛癱爲甚。何以未見多病。蓋勞動之外。又有精神關係也。

丙、精神關係 精神於病。關係有二。一爲畏懼心。緣吾人之生。全持精神。精神萎靡。萬物粗欺。精神蓬勃。可撼萬物。二人相鬥。拚死者。服人。懼死者。被服。二人對抗催眠。心實者。催眠人。心虛者。被催眠。乃必然之勢也。如以貧富二人。同臥濕地。富者心中不怡。必受潮濕。貧者否之。久而無恙。此何故。病先精神而後身體也。二爲意志受拂逆。如動物欲東則東。欲西則西。意志自由。萬無病理。若拂其意。心中不怡。百病由是而生。職是魚入缸。鳥入籠。獸入檻。人人獄。必易病而早死也。又如養豕。牧諸野外。絕對無病。拘留檻中。最易生病。一檻多豕。尅日豕瘟。此隨時可以試驗者也。畜也如此。人亦何莫不然。職是人稠之區。最易生病。即意志上動微受拂也。

根據上述三條致病之因。病之於人。富則有富病。貴則有貴病。貧則有貧病。大市場則有都市病。牢獄則有牢獄瘟。妓館則有花柳病。時疫流行。專死衣食有着之人。梅毒傳染。傳染於性交之後。亦必然之因果也。

二、論醫 醫者。化病人爲健者之謂也。社會上除衰老病之外。本無不治

之症。不過病分兩項。一爲特病。如富病、貴病、貧病、都市病、等屬之。治之之方。富病須貧之。貴病須賤之。貧病須富之。都市病須解散都市。此根本治療、可望尅期奏效。若捨本治末、而投之以藥石。則病根仍在。病態則變化無窮。成爲醫愈甲病。則生乙病。結果醫不勝病。此二十世紀有人嘆醫學尙未發達也。二爲常病。即常人所患之病是也。此病治之之方有三。茲分述於後。

甲、精神治療 此種治療。即治病人之精神是也。蓋人之得病。精神先之。若能先治精神。身體必隨之而愈。其治法、即使病者精神上受安慰是也。如求財、問卜、乩方、催眠、算命、符水、咒水、名醫之聲譽。包醫之包單。醫院之堂皇。廣告之鋪張。等等。若病者能於領悟。斷無無效之理。有時丸泥可以充竅丹。香灰可以充妙藥。如魚刺刺喉。惟符水生效最速。因刺有唾液化之。符水治其心耳。瘡病尤然。

乙、勞動治療 凡身體能於勞動之病。以勞動治之。其效尤神。近日之電療機、即變粗之勞動治療也。其他如傷風、跑出大汗即愈。足浮（俗謂潮濕）

步行千里即愈。胃病、勞動至腹不耐饑爲愈。尤有一症。非勞動治之不爲功。即大癩瘋是也。蓋癩瘋之爲病。由於心臟之壓力減少。壓力何以減少。由於心壁之膠質減少。心臟減低壓力。心壁將血液壓不到最前方。當然動脈於中途關新路變爲靜脈。成爲循環器縮小範圍。於是血未經處。自然癩木不仁。皮肉潰爛。毛髮骨節脫落。而少痛楚。患者多屬於熱地之寡勞動人。世人不探病源。每以藥石治之。什九無效。須知藥石只能治本身之陰陽失調。此非陰陽失調也。效自何生。欲治此病。須使心壁之彈力恢復。欲其恢復。須使心壁之膠質恢復。欲其恢復。須使心臟不時勞動。果爾、患者背負三十斤、千日行三萬里。必告全愈。請患者試之。予按方而活人數矣。

丙、藥石治療 人身有病。即陰陽不中和也。但不中和、又有偏陰偏陽之分。而陰陽之偏。又有少陽、太陽、陽明、少陰、太陰、厥陰、之分別。而且表裏不同。沉重者。外表一律生熱。其陰陽表裏之狀態。古人以六十四卦形之。誠爲妙也。審實病之陰陽表裏。用藥之陰陽內外性而中和之。是之謂藥石治

療。但知藥非難。審寔病之陰陽表裏實難。至於病菌一項。只可作病之證明。殺菌絕非治病。蓋人身一小宇宙也。任何菌類皆產生於體內。不過生於健者體內。皆宣佈死刑。一旦患病。精神頹敗。當然得生機而繁殖。只可說因病而生菌。不能說因菌而生病。譬如地球冷後而生物。不能謂生物能冷地球。是一例也。專務殺菌者。未免捨本醫末。

三、論藥 所謂藥石者，用外物之陰陽性、而調和本身之陰陽是也。身外之物。無物不可為藥。只在乎知用與否。本草者。古人公佈之經藥也。單方者。私人御用之私藥也。信士、毒劑也。雪窖中食之可以禦寒。鹿茸、補劑也。寒涼中食之立即誤事。足見不藥之死。較藥誤之死尤緩也。人之腸胃。有習慣與非習慣之分。於是藥之於人。有有效無效之別。少服藥者效顯。多服藥者效微。職是鴉片之所以成爲癮也。無病服藥。即是創造疾病。

據右述。病醫藥之結果。常病可以愈以藥石。惟特病則否。今日世界人所患之強半屬於特病。而世界人之聲浪。一則曰擴張商場。再則曰節省人力。人類漸

次聚爲一團。社會上出勞動汗者漸寡。安得不疾病橫生。人壽短促。

二、失偶男女充斥世界

貞操爲愛情之母、已如前述。自由戀愛、與打破貞操、又爲今日之極高聲浪。夫婦之結果。當然惡矣。但今日世界上豈真無白頭之情侶乎。非也。蓋今日世界十六億人。可橫分爲智愚兩項。智人之於夫婦。目光極遠。見解亦深。自由戀愛之聲浪愈高。而夫婦間益爲檢束。打破貞操之空氣彌濃。而夫婦間益以貞操自勵。怒潮之來。即是促成情侶之性命相依。愚人之於夫婦則否。聞自由戀愛之聲浪傳來。故爲朝秦暮楚以表示開通。聞打破貞操之聲浪傳來。故尋面首而冒充先覺。朝爲情侶。相見恨晚。暮爲情仇。悔不當初。此智愚兩項夫婦之結果也。又因機械奪業關係。世界十六億人。又可縱分爲有業失業二項。有業者固有生計。而失業者謀生乏術。夫婦之情。固出於貞操。而貞操又聽命於生計。有生計則妻子好合。無生計則子散妻離。此有業失業夫婦之結果也。智者有業。權爲半數。是則今日世界上之良好夫婦。橫分縱分。謹得四分之一矣。如下式。




由右式看來。今日世界上只見夫婦協調。事實上享夫婦之幸福。呼之爲良偶者。僅四分之一耳。世界十大商場年逾三十之男女。不受夫婦之累者。亦鮮矣。夫婦爲五倫之首。吾人在夫婦間即喪失幸福。人生今日、誠爲不幸。

三、青年不孝衰老無依

今日世界上法律獨立之國家。約六十以上。其法條大半弛孝。輕家庭重國家社會。又爲歐洲湧來之怒潮。順潮流又爲歐人鬧發之處世良方。法律縱之。潮流逼之。

。父子關係。當然微矣。然則國家社會果能維持吾人衰年之幸福乎。（工廠中有養老金、社會國家則無也、）不能也。但今日世界上豈真無孝子與有幸福之老人乎。又非也。蓋今日世界上之人子。可橫分爲智愚兩項。智者之於父子。目光極遠。見解極深。在青年有爲時。已料到衰老無爲。欲希望老年依靠兒女。只好於青年故爲模範、而孝敬父母。所以任彼打破大家庭之聲浪高入雲霄。而世界上之孝子仍然不少。愚者之於父母。則否。只覺僂僂父母爲兒女之累。未計我轉瞬又須累及兒女。於是視父母儼然贅疣。因此不孝父母者、未常不多。又因今日機械奪關係。世界上之人子。又可分爲有業無業兩項。業者、生計也。有生計則父慈子孝。無生計則父慈子鴟。智者有業、權爲半數。是則今日世界上能事親之孝子。有幸福之老人。橫分縱分。詳分得四分之一耳。如下式



由右式看來。今日世界上只見有子之老人。有親之壯者。事實上得兒女之奉養、晚年之幸福者。僅四分之一耳。試思吾人有青年必有老年。青年時孑然無礙。政府勸之。一則曰青年、再則曰英才。儼然為國家之驕子。老邁時、欲生無術。政府罰之。一則曰老朽。再則曰廢物。儼然為世界之瘰癧。可壯不可老。二十世紀年逾四十之人、尙有生趣乎。

四、無官不貪無市無匪

貪官與盜匪。可稱二十世紀之特產。關於貪官一項，敢斷言二十世紀之官。無

有不貪者。（煤油大王爲官、可望其不貪、但彼又薄總統而不任、）反言之。非貪而無厭者。亦絕不任今日之官。不過國家不破壞。法律有效。在法律隙中貪。貪法較巧。如英、法、日、美、意、五大強國之貪官是也。若國家破壞。法律失效。衝破法律之貪。貪法較拙。如中墨西匈奧之貪官是也。試思物質文明、突飛猛進。今日之美屋美衣美食、即來日之劣舍劣服劣餐。今日之奢侈品、即來日之生活品。今日之奇病、即來日之常病。不惟生活漸高。即總統主席議長議員之選票。亦須以錢購之。在此拜金環境中。希望官吏清廉。如希望商賈自樂折本。當然無望。至於盜匪一項。凡人衣食有裕、莫不貪生懼死。生計無着。莫不行險徼倖。與生計關係頗深。與道德南轅北轍也。至於土匪之散布。世界今日、可稱空前周密。如世界第一商場之紐約。三百日奪獲匪鎗至八千件之多。世界第一都會之倫敦。有匪自畫綁票於皇宮門前。兩地如此。其他可想而知。試思奪業機械與日俱進。今日一人指揮機械。僅奪百人之業。明日一人指揮機械。能奪二百人之業。今日某人猶勤於生產。明日斯人已垂手失業。今日某人猶循理守法。明日斯人已挺而走險。足見今日之貪

官盜匪。自有貪盜之必然性也。朝有貪官。野有盜匪。官能吮血吸髓。匪能殺人越貨。一漸一猛。一上一下。戕殺吾人。人生二十世紀。其求生也難矣。

五、騙子橫行、法律失效。

現在世界上之騙子。可稱無奇不有。無地不有。茲舉其彰明較著者述之於後。

一、遍貼商標者。爲商業上之騙子。試思商標既須金錢。裝璜又須金錢。股東又須賺錢。貨之成色、可想。簡言之、世無有心折本之生意。市上多見有意折本之商標。

二、信實資本者。即居心失信之騙子。世無不倒之銀行。更無不破產之商號。其倒閉破產之早遲。系乎存款之多寡。全小信志在失大信。故爲堂皇。誰非外強中乾。

三、在政體政治上尋疵覓瑕者。即是騙官階騙政權之騙子。蓋國家之強弱治亂。不在乎政體甲乙。政治丙丁。水源木本。厥在人民生業之有無。若人民失業。朝有貪官。野有盜匪。任何政體政治。祇顯其短。若人民俱皆得業。朝有良宰。野有

良民。任何政體政治。祇顯其長。此定理也。一般騙子、置國人之生業於不問。專在政體政治上專尋疵論瑕。小則騙取官階。大則騙取國柄。其居心也險矣。

四、甘言密語者。即實際上之騙子。以眼觀世。祇見損人利己之事實。以耳聽世、盡聞損己利人之言語。

五、故爲深遠者。即學理上之騙子。任何學理。絕不爲何國文字所包辦。竟有人謂欲明某理。須先習某國文字。似乎視某國文爲某理之鎖鑰。世無不可以簡言說清之學理。竟有人謂欲明某理。須先知某理（如欲知電理、先習數理、）似乎視甲理爲乙理之謎面。其故爲深遠之居心。無非恐人盡知、故設難關耳。

六、勸人破壞社會國家者。即生命上之騙子。彼此皆貪生。竟有人謂我擊鼓而汝須猛進。汝捐軀而我奪政柄。

七、情書往來者。即情場中之騙子。世界上青年夫婦白頭到老者頗鮮。當初情書來往。誰非信誓旦旦。


上述七項騙術。吾人中之。大則演到國破。中則演到家亡。小則演到血肉橫飛。

。並且七項、均不能以法律保護。此爲顯然者也。其他尙指不勝屈。但今人何必詭詐如此。蓋爲欲望生計威逼。非得已也。嗚呼。互助謀生之世界。一變而爲此欺詐之戰場。人生二十世紀。其求生也難矣。

六、飢民倡亂政府失固

近年之執政人員。無不戰戰兢兢。防範敵國、猶在其次。防範暴民。列爲當務之急。三十年來。世界上暴民顛覆之政府多矣。最近馬德里君憲政府。巴拿馬民憲政府。又遭不幸。三十年來。世界上被暴民戕殺之執政者多矣。最近奧總揆陶爾非斯。南王亞歷山大。又遭不幸。逼成六十幾國之執政者。無不風聲鶴唳。聞說人不上萬之摩拿哥君主政府。地僅百里之安道爾民憲政府。亦生危機。一般暴民攻擊政府之措辭。誠爲正大。對專制國則云索取民權。對君憲國則云推翻帝制。對狄克推多則云打倒獨裁。對委員制則云打倒多頭專制。質言之。對任何政體政府政治執政人。均有正大攻擊之詞。其所以然者。緣自工業革命以還。世界上演成業少人衆。失業者迫於飢寒。當然向社會上奪取財貨。但不遇英雄利用。僅是淪爲盜賊。若遇

英雄利用一變而為破壞政府之暴民。英雄不過暴民。不過常人而已。若遇暴民。一躍而為劫奪政柄之大盜。是以二十世紀之國家內亂。視其表、似乎政府不仁。人民革命。爭民權。爭政見。大義凜然。究其裏。無非野心者利用暴民而奪取政柄。失業者付和英雄而奪取衣食。至於學說也。主義也。不過臨時措詞而已。其互相利用、上下其手之作用如下式。



根據右式。則今日世界上任何國家。均有失業人。足見任何國家、均無鞏固之餘地。試思人民因互助而共組政府。政府之本身。已失鞏固。有何能力以謀人民之幸福。嗚呼。十六億人在此顛危政府執法之下。其求生也難矣。

七、赤禍彌漫慘無人道

赤禍有廣狹二義。廣義者。凡流血而死之禍屬之。狹義者。因共產而釀成之流

血屬之。但此間所論者。狹義也。

上節所述 政府失固、人民喪失幸福。人民固不幸矣。但任何野心者執政。無論真偽。似乎仍以生生爲前提。此赤色爲禍之烈、誠彰明之殘殺人類也。蓋同爲人也。生產有勤惰、消費有儉奢、必有貧富階級。機械生產之社會。製械須資本、指揮機械須工人、失業者亦有人、必有資本勞工失業三階級。人類集團而生。有作衆人之事者。有作個人之事者。必有官民階級。貧人希望暴富。失業者希望餉食。人民希望爲官。青年希望盡性。本屬必然心理。於是神奸列甯。迎合人意。高唱共產。而引誘貧人。高唱亂交。而引誘青年。高唱無產者專政、而引誘勞工。高唱各取所需。而引誘亂人。飢寒交迫者憤。性欲濃厚者勇。彼此揭竿而起。於是赤色成爲恐怖。吾人投入共黨也。必被邀爲先鋒。絕對難入生道。不入共黨也。又爲共黨之敵。仍然進入死途。嗚呼。天涯何濶、人偏末路。人生二十世紀、其謀生也難矣。

八、挑動鄰邦、慘殺國民

人民爲政府之人民。因政府建築於人民之上。政府爲人民之政府、因人民求幸

福而組成之。連帶關係中。何以有政府殘殺人民之奇語。緣暴民攻擊之的。固為政府。而共黨對世界大破壞之豪語。仍暗指政府。一般政府。感受雙方夾攻。萬難坐而待斃。又看清赤禍之操刀者、屬於暴民。民何以暴。又由於失業。於是國內失業有人。不待其為匪投共。即先發制人而殺之。因此凡失業人舊集之國家。政府對外則無端挑釁。對內則高唱愛國。意在激起雙方。造成國際戰爭也。如二十年前之歐戰。本為千萬失業人所逼成。而戰士之陣亡。亦祇千萬。今日五大強國之失業人。已達二千萬之多。而五強政府又在醞釀二次大戰。敢斷言二次大戰之烈。倍於歐戰也。嗚呼。提倡機械而造成人失生業。既已失業、又必置之於死。二十世紀之人民。何其命乖運蹇。二十世紀之政府。何其倒行逆施。至於武器一項。殺萬人託之石器。殺十萬人託之金器。殺百萬人託之火器。殺千萬人託之飛機炸彈。殺二千萬人、當然託之毒瓦斯。屆時政府鼓勵學子。自有智者發明。預料今日之失業者。難逃預言家一九三六年之毒瓦斯也。

上述之八項不良現象。儼然爲戕殺吾人之八把利刀。一把利刀。已足致吾人於死。何況八把齊來。吾人求生之難、未有勝於今日。但人雖貪生。終歸必死。生而何得。死而何失。生死二字。原無問題。不過人生於世。天賦均有相當之壽歲。人在相當年齡中、老死病死。自無怨言。若不到應死之年。而環境威逼吾人速死。任何人到達臨死、亦萬難甘心。再讓一步。吾人早死、遲死。當死不當死。同歸於死。所謂彭祖八百、甘羅十二、無得失也。但能於未死之前。不奪人心中之快愉。所謂歡歡樂樂生。糊糊塗塗死。如家畜之被屠殺。野獸之互相肉食。日本人之震災。臨海人之海嘯。松巴瓦之火山爆發。五百年前之黑死病。中國之黃災。荷蘭之海災。等等、姑無論如何災殺吾人。未奪人生前之愉快也。豈料此八把利刀之殘殺吾人。既已促成吾人之速死。復於未死前、不時擬向吾人。使吾人自有知識起。至災死之日止。無論貧富貴賤。無日不憂憂愁愁。結果各死於憂愁之路。既已死之。復奪其生前之愉快。誠災之尤者也。人生今日。誠爲不幸。

第七章 急趨直下之第三態飢飽中利現象

一、總論

所謂第三態現象者。即打破競爭之互助現象也。人之貪生。屬於自然心理。人之殺人。屬於偶然行爲。其所以心理與行爲矛盾者。因互相妨碍謀生故也。察今日五大洲地面之寬。約一億六千萬方里以上。人口之少。僅十八億而不足。歐洲雖有人滿之患。非與又有人少之虞。平均之。每方里容十人而稍強。以十人居一方里。應互助之不暇。其所以演成互相妨害謀生之故。因國際壁壘限之。散布失去中和耳。如美國地廣人稀。而美政府尙制止外僑之侵入。歐洲人滿爲患。而列強尙鼓勵人民之多育。其於外國人惟恐其多。本國人惟恐其少之痴想。足博識者一笑。但外國人能否順希望而減少。本國人能否順希望而增多。皆不能也。姑讓一步。即使今日不拘何國何族統一世界。然合久必分。久之仍分裂爲若干小國。面色聽諸氣候。久之仍歸五色。明知分而不合。強求合而不分。庸人自擾。未有勝於若輩者也。竊謂吾人貪生之志。如地心之有引力。是力存在一日。任彼塔之固。井之深。飛機之輕。火車之速。終有傾倒、壅塞、下降、停止、之日。人類貪生之志存在一日。任彼

國界之嚴。團體之固。仇怨之深。殺聲之濃。終有打破、解散、取銷、寂靜、之日。非意氣也。乃出於生死關頭。此第三態現象之所以產生也。但人之所以相仇殺而堅築壁壘。相友助而進入大同。一念之轉。固出於生死關頭。但衝破壁壘。又屬於九死一生之災民爲之。今日世界十六億人。在此教區租殺之下。感受六項經濟失調。演成前述之八項不良現象。可謂九死一生矣。既云九死一生。當然死中求生。此第三態現象之所以急趨直下也。

二、論產興業

百年來吾人謀生漸趨於難矣。一般仁人。如馬克思巴枯林等。總想調和世界經濟、而促進大同。但既云濟世。應追問禍世者爲誰、而鋤其根源。僉謂萬有罪惡。同瀕於產。據產淫惡者。又有資本家。雖集產共產均產之主張不一。但對資本家之攻擊則一。詎意人生之幸福。家庭之快樂。社會之安定。世界之治亂。在業而不在產也。諸子誤認敵人如此錯誤、能不好心惡果乎。

甲、論產之成立及定義與享受

天生萬物以養人。人之視萬物。物者。生物之公有也。於自然狀態中。人憑工程而改善之。工程到處。自然物變爲人造物。人造物者。產也。名之曰生產。可。名之曰財產亦無不可。財產者。施行工程者之私有物也。如地爲自然物。墾出之田。墾者之私產也。水爲自然物。井中之水。掘井者之私產也。地水之爲產也如此。其他萬物之爲產也亦然。此外有物體而不能保存工程者。無所謂產。如汪洋大海。瀰漫空氣。誰能私之。有工程而不能改善外物者。亦無所謂產。如武士之操演、兒童之搦弄。無所產也。工程保留於物體。該物於人生無利。更無所謂產。如萬里長城。金字高塔。誰樂私之。質言之。工程保留於物體。該物於人生有用一日。而產之性質、亦存在一日。此產之成立也。

產之成立、已如上述。茲根據成立而下產之定義於下。產者。工程保存於有用物之謂也。非產其物。乃產其物上保存之工程也。但同呼之曰產也。又有生產財產之別。茲分別如下。



產之定義。已如上述。但有產必有人享受。試觀古今習慣。改善物體者爲工人。有用物之享受爲產主。初視之似欠公允。其實非也。緣人生所需不止一項。人之技能各專一門。不能各有應有。於技能交換中。築者分耕者以居。耕者分築者以食。各顯其長。各得其需。此物物交換時產之享受也。自貨幣交易以來。人憑技能而廣儲貨幣。再憑貨幣而使他人爲之生產。演成技能之交換。託之金錢。人生需物日多。技能之交換亦愈繁。善築者因短於他技、而不得住畫棟。善耕者、因短於他技、而不得食膏粱。亦必然之趨勢耳。有屋者不能飢死於棟樑之下。有田者不能露宿於隴畝之間。因此而發生不動產之買賣。買賣產者。非買賣其有用物之物質。乃僅受其施行工程時之生活費也。私產者。文明進化之原動力也。蓋宇宙中應施工程之

物體無窮。人之所需與筋力有限。若工程不爲己之生活補助。敢斷定人必息而弗爲。因此吾人自茹毛飲血以來。人數日衆。生活日難。知識日進。所需日繁。初而兩人交換技能、中和於情感。繼而多人交換技能。中和於金錢。終而世界人交換技能。中和於証券。各私其利。各自經營。於是乃有今日之物質文明。青年體壯善造。老年體衰寡能。計及畢生。人必趨於曩產。消費有儉奢。生產有勤惰。自然發生貧富。此古今世界不約而同之進化也。自機械發達以來。人之技能、施展、聽命於機械。於是產之積蠱。有自剩餘價值者。貧富逃出勤惰著儉。固不公矣。但曩於剩餘價值之產不公。曩於勤儉之產、豈不公乎。歐洲機械發達。來自剩餘價值之產、固多。中印機械未發達。來自勤儉之產未嘗不少。主張一律打倒。未免良莠不分。甚至祇見產之物質。未計產之工程。而高唱共之。果爾未墾之田。未伐之樹。未冶之礦。舉目皆是。何共此而不共彼也。尤有淺者。謂不耕而食。不築而居爲非公。是則耕者以稻爲居。築者以瓦爲食。公矣。否則人生萬需而未必萬能也。古人云。惟於理有未窮。故其知有不盡也。悲夫。

乙、產之分類

產之成立與定義及享受。已如前述。但今日世界上富翁享受之產。豈全壘積於勤儉乎。未盡然也。豈全壘積於剩餘價值乎。亦未盡然也。是則同是產也、因其來源之不同。應分爲下列三項。

一、勤儉產 吾人生產有勤惰。消費有儉奢。勤者奢。惰者儉。僅享受上分別豐約。無所謂產。若勤者儉。自然將剩餘壘而爲產。大半屬於田宅。百年前之產、及今日僻鄉之產屬之。

二、經營產 即馬克思所謂剩餘價值所壘成者也。(詳馬氏剩餘價值)亦即今日世界上大資本家之產是也。大半屬於礦山、機械、建築。

三、浮產 即因商業發達、商場上提高地價之產是也。完全屬於地皮。

上述三產。各產之來源不同。於產主之享受則同。但第一項名正言順。既無攻擊之必要。復無攻破之可能。爲社會上之自然進化產。二三兩項。爲商業競爭時代之濫觴。其生命寄託於商業競爭。一旦停止競爭。皮之不存。毛將焉付。即不攻自

破也。

丙、業之定義

業者、何。生業也。法律許可吾人謀生之行爲也。法律許可、吾人不能謀生之行爲。不得名之曰業。（如義務是）可以謀生、未經法律許可之行爲。亦不得名之曰業。（如娼盜是）法律許可、吾人暫時可以謀生。將來要求吾人捨生之行爲。更不得名之曰業。（如兵役是）除此以外。上白元首。下至車夫走卒。凡經法律許可足以謀生之行爲。不拘貴賤。概可名之曰業。

丁、業之分類

人數日多。生活日難。知識日進。所需日繁。於是人之生業、亦日趨於多。直至今日。物質文明時代。貧者每日需物數十項。富者每日需物數千種。於是有千百項人應社會之需、而操業。茲因概念之不同。將今日世界人之生業。分爲四項敘述於後。

一、職業 職業者。即有職責職權、而生活之行爲是也 丸在國家社會團體機

關有權責名分。國家社會團體機關，予資生活之人屬之。

二、產業 產業者。即有財產之積累。靠息租生活之生業是也。如地主、房主、廠主、存戶、股東。每月坐享利潤、而生活之人屬之。

三、生產業 生產業者。即製造人生需用品。與他人交換而生之行爲是也。如憑勞力技藝而生之農工屬之。

四、雜業 在法律以內。上述三業之外。其他一切謀生之生業是也。如十六項商業行爲。以及神鬼業、宗教業、教育業、和命業、其他一切法律默許。不勝枚舉之生業屬之。

上述四業。求生於職業者。強半爲貴人。求生於產業者。強半爲富翁。求生於其他二業者。概爲貧民。但雜業中求生於教育業者、強半爲智士。此世界人不約而同之觀念也。其產業之關係列圖如下。



戊、產業合論

人生於世。首重謀生。次乃謀富。生者、本也。富者、末也。失生而富。雖富無益。得生而貧。雖貧不久。此世界人不約而同之心理也。富乎、貧乎。即產之有無。生平死乎。乃業之得失。以無產者比之失業者。即貧人比餓殍也。人無恒產。未必剖腹藏珠。人失生業。必挺而走險。此產業對於個人之關係也。一人挺而走險。可以使一家受禍。萬人挺而走險。可以使全國不安。某國人挺而走險。可以使世界紛亂。此生業對於家庭國家世界之關係也。近年歐洲之社會學者。於社會學中。提出生產分配兩大問題。關於生產。則託之機械。關於分配。則了無辦法。予獨以

爲生產有難易。非訴之生業、不能引人對難事之忠誠。需物有優劣。非訴之生業、不能弭受劣物者之煩言。此生業對於社會之關係。實今日世界大亂之素因。亦即今日歐洲社會學之缺點也。近日唯物派之社會學者。只見人皆慕富。未見人俱貪生。只見人不可少者是物。而未見分配財貨者、又有生業。只見人不可少者爲產。未見產爲業者之一門。人生不少者厥惟業。衆目同注於產。於是有集均共之主張。察今日機械兼人生產。世界上業寡人衆。失業者走險作亂。本爲事實。果如若輩所言。則質問集產均產之主張者。人浮於業。將何以處置現在之失業人。質問共產之主張者。將何以使人勤於生產、儉於消費。均不能具體答覆。捨其本而究其末。宜乎曇花一現。而禍世殃民也。

三、今日世界失業人數之估計

今日失業恐怖。轟動世界。然全世界失業人、究有若干。而世人未知也。如倫敦之登記。華盛頓之統計。爲數雖數百數千萬。究竟登記統計、果能全登盡集英美兩國之失業人呼。未必也。英美政治上軌道之國家。尙不能確知國內之失業人數。

其他如茫無頭緒之中國，更進一步之世界。可想見也。近年新聞記載。謂全歐失業人約若干萬。全美失業人又約若干萬。懷疑者，不問其統計之數目。獨問其統計之方法。彼又將何以答之。足見此項哲學式之數目。其是非原聽命於方法也。


古時何以無失業人。今日何以有之。厥惟古時無機械代人生產。今日有也。欲知現在機械生產中失業之人數幾何。須考查假使今日仍無機械、世人就業之情況若何。察今日世界十六億人。無機械之奪業。無國界之限制。以現有之智慧與經驗生產。每日每人工作四小時。皆可以得相當之需物。惟是人生有幼年壯年衰年之別。幼衰兩時不能生產。於是壯年每日生產八小時。自奉之餘。國之爲產。方能補助幼年衰年之不足。成爲幼年坐食祖宗之遺留。衰年坐食壯年之國儲。此世界人無論野蠻文明、不約而同之生活情形也。特條列如下。

- 一、以個人論。人生平均享年六十。十五歲以前之幼小。四十五歲以後之衰老。共三十年、不能生產。則生活於產業。十六歲以後。至四十五歲以前之壯年。共三十年。每日工作八時。以四小時之工作代價。國之爲產。除衰老自奉半數

外。餘半留撫子孫。合爲償還祖宗之遺產。

一以世界論。全世界之老幼與壯年應合參半。生活於產業與每日工作八小時者。亦合參半。

根據上述。今日若無機械生產。吾人統計畢生。合生活於產業者三十歲。每日工作八小時者、三十歲。統計世界。合八億幼小衰老坐享其成。生活於產業。八億壯者、每日工作八小時。生活於職業、生產、雜業。此世界人享業之統計法也。但職業生產雜業三項。乍然視之。固是千頭萬緒。不可揣測。若概念訴之勞力與思想之進出。似可推測也。察吾人每日行爲。除享受產業者、屬於遊戲外。其餘有致外物之性質者。無論帝王總統之治國方略。車夫走卒之肩挑背負。皆事也。又察事之原素有二。一曰思想。二曰勞動。思想爲主、勞動爲副、之事有之。總統官吏文學士之事是也。勞動爲主、思想爲副之事亦有之。肩挑背負力挽足行之事是也。質言之。事不能離思想。更不能離勞動。茲將社會人工作之事。因思想勞力之多寡。劃爲十分。分爲十項。列表於下。



根據右表。全世界八億壯夫謀生作業。一分思想九分勞動之車夫走卒。合有十分之一。約八千萬人。一分勞動九分思想之文人學士。合有十分之一。約八千萬人。其他二與八、三與七、四與六、五與五、之農工商雜各業。合有十分之八。約六億四千萬人。外加享受產業八億人。此世界十六億人、機械未產生以前之十六億個

業位也。自汽電機產生以來。機械能代人使力。而不能代人思想。於是思想方面之業。則日漸增加。勞動方面之業。則日漸減少。因減超於增、而造成失業恐怖。其增減之估計如下。

一、喪失

今日全世界鐵道約有百四十萬華里。馬路約有七百萬華里。搬運之事。全被資本家包辦。是則上述鐵路馬路。僅須工人二千萬。果爾一分思想九分勞動之車夫走卒。應喪失業位六千萬。

農業約占作業人十分之四。合三億二千萬。其作業狀況。為思想勞動參半。將思想勞動作同性之歸併。生活於勞動者、合有半數。約一億六千萬人。現在農作機、普見於世。僅須人工二千萬。華印兩區、尚保留手工農業六千萬。是則全世界佃農傭農喪失業位約八千萬。

工業約占作業人十分之三。合二億四千萬。以衣業論、舊日紡為一人一錠。織為一人一梭。縫為一分鐘二十針。今日機械發達。紡為一人十錠。織為一人六梭。

縫爲一種鐘十針。最少應失業位六千萬。其他造器業權算喪失業位二千萬。共喪失業位八千萬。

上列三項合計。關於勞動方面。因機械代力。應減少業位約二億二千萬。

二、新增

借慈善而生活之慈善業。借民權而生活之議員業。借黨而生活之黨員業。借教育而生活之教育業。借工會商會公會而生活之會員業。借傳消息而生活之郵政電報業。借傳新聞著小說而生活之新聞小說業。借富貴人奢華、衛生、遊戲、勞動、裝飾。而生活之奢華、衛生、遊戲、勞動、裝飾、業。借土匪而生活之警察業。借人糾紛而生活之法律業。借金融變化而生活之銀行錢莊交易業。借商情變化而生活之企業。借交易而生活之居間介紹信託業。以及其他古時所無、今日所有。關於思想方面之業。均較前增加。合計權算增加業位一萬萬。

三、比較

因機械代力。減少勞動方面業位二億二千萬。新增思想業位一萬萬。對消之。

合喪失業位一億二千萬。

以上所述。即作者對於今日世界失業人數之估計也。實言之。世界十六億人。應有十六億業位。方能生活。今日十六億人。關於產業八億方面。雖白色之集。赤色之共。究屬楚弓楚得。無得失之足言。關於勞業方面。機械一出。喪失業位至一億二千萬之多。世界不亂、其可得乎。

根據上述。全世界十六億人。喪失業位至一億二千萬之巨。然此一億二千萬之業位。僅容納一億二千萬失業人乎。非止此也。其所以不止之因。緣同為失業人也。又有全半緩急四項之別。茲分述於下。

甲、全失業

所謂全失業者。在法律內之生業。完全喪失之失業人是也。約占失業位六千萬。每位容納一人。合有六千萬人領受之。

乙、半失業

所謂半失業者。法律內之生業喪失半數、之失業人是也。約占失業位六千萬。

每位容納二人。合有一億二千萬人領受之。

丙、急性失業

所謂急性者。不論全半失業。失業後全無積蓄之失業人是也。其人數約占失業人之半

丁、緩性失業

所謂緩性者。不論全半失業。失業後有相當之積蓄。一年內尚無凍餒之憂之失業人是也。其人數亦約占失業人之半。一年以外。即進入急性。

戊、合論

上述全半緩急四項失業人之數目如下

急性全失業。業位、人數、均約三千萬。

急性半失業。人數、約六千萬。業位約三千萬。

緩性全失業。人數、業位、均約三千萬。

緩性半失業。人數、約六千萬。業位、約三千萬。

上述四項失業人。情況最爲險惡者。首推此三千萬急性全失業。大約中國約占千萬。其他地區共占二千萬。即今日歐美經濟學家道不離口之失業人是也。亦即美國之索薪團、飢餓團。歐洲之遊行團、示威團。未來大戰之犧牲者也。情況最爲和緩者。首推此六千萬緩性半失業。神經稍鈍者。至今尙未知己爲失業人。但今日奪業機械與日俱進。今日一部機械。可以奪百人之業。明日一部機械。即可奪百二十人之業。今日一部機械。尙須十人揮揮。明日一部機械。僅須八人指揮。據此推測。今日之半失業、緩性失業。即明日之全失業、急性失業。亦必然之演進也。

四、三千萬急性全失業人之五條歸路

凡人必貪生。人生必須業。理也。此三千萬急性全失業者。具貪生之心。無謀生之業。豈甘於坐而待斃乎。未必也。當然因教育年齡性別之不同。分頭趨向於下述之五條絕路。

甲、充當兵役死於戰場

民服兵役。由來皆有。但自部落進入國家以來。人受德育之薰染。誰不知我殺

人、即是引人殺我。德智俱失。故至今有好兒不當兵、好鐵不打釘、之流諺。但設有野蠻人羣。妄意屠戮。生死關頭。曷嘗不能引起人之危懼。但偶然也。自世界交通以來。中歐印三大人羣。受教於孔耶佛三至人。咸有道德觀念。美非奧三區、雖稍欠文明。然耶教傳佈於美非。佛孔伸張於東瀛南洋。自茲以往。絕無玉石俱焚之戰爭矣。又今日戰車戰艦飛機爲武器。殺人之易。百倍往昔。道德如是之伸張。武器如是之犀利。人應談虎而色變。何以往日之歐戰。威廉登高一呼。德法舉國皆兵。二次世界大戰。醞釀已久。因戎首之推讓。時間因而遷延。各政府對失業人之消滅。迫如星火。全世界於縮兵聲浪中。現役兵已由八百萬增進至千二百萬。民不上萬之摩納哥賭國。亦養兵三百。法國於安南馬達加斯加實行抽丁。觀其表。國際戰、階級戰、黨派戰、軍閥戰、似乎各有理由。窺其髓。不過造成失業人之速死耳。但失業人何以自投羅網。豈平等自由、鐵十字章、英雄烈士之虛譽。果有效乎。非也。緣不能坐而待斃。只好於險中求生。亦云慘矣。武人之末路有三。一爲被騙於政府。死於國際戰。二爲被騙於政客。死於政治戰。三爲被騙于黨魁。死於黨閥戰。

。敢斷言今日實彈荷槍之武人。誰能逃出此三大赤劫。嗚呼。舊日業何多。今日業何寡。人之心理則趨夷避險。軍人之前途則踏火赴湯。想砲聲隆隆血肉橫飛之際。必有猛然之覺悟也。

乙、流爲盜匪死於法律

盜匪禍世。由來皆有。但舊日爲天災戰禍所逼成。一俟災期過去。即可歸還正業。今日之盜匪。天災造成者固有。機械奪業而造成者則爲絕大之因。成爲物質益文明。盜匪益多。而且益歸正無方。近日見幾許道德之士。迫於飢寒、行此險道。作者估計。今日之盜匪。實已多於軍警。一般徒知責人者。不云盜匪別無生計。而云盜匪缺乏道德。未免過矣。盜匪之末路有三。一爲當場擊斃。二爲生擒正法。三爲被騙政客、死於政變。敢斷言。今日打家劫寨之盜匪。誰能逃出此三大赤劫。嗚呼。舊日匪能歸正。今日何以不能。凡人皆貪生。匪豈獨甘死。想逃竄無路之時。必有猛然之覺悟也。

丙、流爲娼妓死於梅毒

社會之有娼妓。歷史頗爲悠久。但在手工業時代。僅蕩淫惰三項女子充之。其他貧無立樵者。亦可生活於女紅。自機械生產以來。女子家庭手工業喪失殆盡。而夫父加以失業。於是賣笑生涯。兼有世家之女、有夫之妻。而且社會上觸目皆是。人皆有廉恥。娼妓豈獨無。夫婦聯歡生生之道。移作全家謀生之途。其情殊爲可憫。淺者輒鄙之禁之。未見過矣。娼之末路。有二。一爲死於梅毒。二爲死於乞丐。敢斷言今日倚門賣笑之輩。誰逃出此兩大白劫。嗚呼。舊日可以作女紅。今日何以不能。人皆有夫婦之幸福。妓女何獨無之。想色衰見棄之日。自有猛然之覺悟也。

丁、流爲乞丐死於溝壑

乞丐、由來皆有。但在手工生產時代。僅像寡孤獨廢、五項窮民充之。乞十家可以得一日之飽。中印兩區。盲者可以卜算。跛者可以依佛。老者可以執門。稚者可以牧牛。乞者尤爲罕見。自機械生產以來。不惟此五項人謀生無路。即五官四肢健全之壯者、亦謀生乏術。社會上乞丐之多。可稱空前。善者應接不暇。累此五項窮民、倚門終日、而不獲一飽。乞於今日、誠不幸也。淺者見青年行乞。或嘗之以

賤、或責之以情。未免過矣。乞者末路、飢則甘食。樹葉草根、足當美味。但寒風砭骨之候。即乞者畢命之日。嗚呼。舊日則有手有業。今日則有手無業。舊日行乞則處處如意。今日行乞則動輒被斥。想飢寒交迫之際、必有猛然之覺悟也。

戊、廉恥衝動死於自殺

人之自殺。由來皆有。如首陽兩志士。田橫五人。亦屬之也。但諸人出於義憤。死之必名垂千古。今日之自殺之人。出於義憤者、固非絕無。義憤其名生計其實者。則比比皆是。最近有人估計。自歐戰以還。世界人每年自殺之數、與年俱進。在最近一九三三年中。爲數達十萬之巨。因生計而自殺者。竟占十分之八。今日得過且過、將來以自殺自許之緩性失業人。則舉目皆是。淺人見壯者輕生。非責之以無能。即詈之以果報。未免過矣。嗚呼。天生一條蟲。地生一根草。何人類之不若昆蟲也。人生兩隻手。必能謀衣食。何令人之不若古人也。已自殺者已矣。欲自殺者尚多。想性命交關之際。必有猛然之覺悟也。

己、合論

上述五則。即三千萬急性全失業人之生前行爲。及早死門徑也。試思天生吾人。予之以兩手一腦。命吾人十六歲起。製造衣食住器以爲業。因業以謀生。再予吾人以種植之地。俾吾人勤者生。儉者富。今無端被誤世之庸人。造出奪業機械。將生產大權。獻給資本者。致吾人憑兩臂不能謀生。而生產出之物品。又分配無方。再製造殺人武器。授與吾儕。命吾儕自相殘殺。復製造殺人學說。命吾儕同趨戰場。惟恐吾儕失於勇敢。又高唱犧牲奮鬥競爭烈士之口號。務以流血爲要求。須知任用利口巧辨。絕不能生死倒置。失業者、生死關頭。必然覺悟。一旦覺悟。即第三態現象造成之日。予敢斷言者也。

第八章 三千萬急性全失業人之臨死求生

三千萬急性全業者之必歸慘死。已如前述。但螻蟻俱貪生。人豈獨甘死。敢必其雖遭必死之禍。仍具貪生之心。以貪生之人、而遭必死之禍。至數千萬之多。而又手執利器。此斷定世界必發生變化。此第三態中和現象之所以產生也。

人之行爲。謀生也。但謀生有遠近。目光亦有巨細。佛氏之慈悲。謀生也。

但生於西方。未免太遠。盜匪之掠奪。謀生也。但生於目前。未免太近。以前者爲是、必造成目前之飢寒。以後者爲是、必造成來日之危機。皆非正當之生路也。但百年來、由非正當生路謀生。死於飢寒流血之失業者多矣。諺云。前車已覆。後車當止。是則今日之失業者。不欲謀生則已。果欲謀生。世界上似是而非之生路頗多。誰真誰僞。吾人應當認識。

一、僞生路之認識

今之世界。殺機四伏。如宗教家口不離慈悲汎愛。弭消戰爭。固是心與口符。而馬克斯高唱共產。弭消戰爭。竟造成人血肉橫飛。足見生路真僞之混淆也久矣。但任其利口詭辯。反禍爲福。其奈今日之失業者。經驗宏富。智識超前。萬不致步先失業者之後塵、而臨死不悟也。然今日利用失業者而謀取權位。或好大喜功之不肯者多矣。吾失業者。欲其不爲欺騙。須具下列之決心。

甲、須具不仇怨政府之決心

天晴農夫怨。天雨行人惱。天猶不能盡如人意。何況於人。政府執國家之法律

。於民自有恩怨。一國元首。任人賤之爲公僕。然仍不失爲狡者爭奪之的。怨者狡者。甲唱乙和。似乎凡政府皆罪大惡極。失業者求生不慎。則甲人中狡計而危害政府。乙人被徵致而討伐反叛。未來現在兩元首毫毛無傷。而失業者已流血成渠。此百年來國家內亂可爲殷鑒者也。足見攻擊政府。絕非失業者求生之正途。爲避免欺騙計。應具不仇怨政府之決心。

乙、須具不批評政治之決心

政治者、因時制宜調和國家經濟之方法也。原非一成不變之大經。復非有片必易之電劇。並且政治之良否。系乎能否調和國內經濟。國內經濟是否調和。又系乎國內有無失業工人。質言之。除調和經濟外。無政治之立場也。至於政體一項。是非原聽命於經濟。經濟調和之國家。任何政體、祇顯其長。否則反之。此政體之任務也。現在一般覬覦政權者。置經濟與民生於不問。捨本求末、而高談政治。現在國家施行何項政治。必吹毛求疵、而謂現行者不良。於個人爭權有詞可措。對政體總想旋乾轉坤。於是主張改革者。煽動失業者而宣檄造反。主張保守者。亦招集失

業而明令討伐。觀其表。固是甲乙二人政見相左。窺其髓。則該二政客故爲矛盾、而戕殺失業之人。此百年來世界各國政變之真面目也。淺言之。若謂君主不良。何以英日國固民安。若謂君主良。何以拿破威如斯暴戾。若謂民主良。何以美法政治清明。若謂民主良。何以中墨如斯混亂。若謂一黨專政不良。何以蘇俄太平景象。若謂一黨專政良。何以中國殺聲四起。若謂憲法可靠。何以曹錕憲法等於廢紙。若謂憲法爲廢紙。何以美利堅憲法、舉國遵行。此相對之理論。二十世紀難惑人矣。失業者爲避免欺騙計。應具不問政治之決心。

丙、須具不戕害人類之決心

我殺人。必引起人殺我。對消之、等自殺也。即使我有鎗殺人。人無鎗殺我。仍失業者之煮豆燃箕也。今日一般窮兵黷武者。只覺己之欲望難遏。未計人之禍福生死。製造鐵血、犧牲、之名詞。勸人捨生。詎意高唱鐵血之華斯麥。富貴華榮於宰相府內。高唱犧牲之列寧。犧牲平民而攫獲主席。足見忠勇烈士之名詞。勳章勳位之嘉獎。乃失業者之摧命符也。百年來、戰場上流血潺潺。枯骨壘壘。先輩之覆

車可鑒。失業者爲避免自相殘殺計。應具不殺人之決心。

丁、合論

上述三項決心。非吾輩之提高道德。緣不如此不足以言生也。非吾輩之特殊智慧。乃先輩之前車示我也。但今日民權大張。言論自由。一般人以能非政府政治主義爲知識份子。否則爲迂腐蠢愚。甚至初識之無。動論國政是非。乳氣未退。竟摹拿翁威廉。設若輩以政府政治主義之是非相詢。吾失業者、應答之如下。

未來之政府非。現執政之政府是。未實行之政體非。現實行之政體是。能殺人之主義非。不殺人之主義是。

能答以上列三條。不惟使問者意冷心灰。即今日紛紛聚訟之主義。亦自慚形穢而閉口不言矣。嗚呼。百年來死於主義之人多矣。冤哉。

二、評今日之文明

文明之定義。已如第四章所述。茲不冗叙。但人於文明。共分三項。一爲精神文明。即道德之豐富是也。宗教家每崇尙之。斯文明粹於印度。二爲物質文明。即

財貨之豐美是也。科學家每崇尚之。斯文明粹於歐洲。三爲人生文明。合二者而有之。即造成人之同歸壽域也。儒者多崇尚之。斯文明粹於中國。前二項原爲片面文明。蓋第一項輕經濟重道德。必白災隨之。第二項適反。必赤禍隨之。即使登峯造極。亦不能導人於壽域也。職是二者均中和於中國之人生文明。

今日爲物質文明時代。天空有飛機。海內有潛艇。消息有電傳。代力有馬達。以唯物之觀感評之。則昨無者、今有。誠文明也。以人生而論。昨日憑筋力可以謀生。今日憑筋力不能操業。昨日之工人。則一家和樂。今日之工人。則囚於工廠。昨日之富翁。則無憂無慮。今日之富翁。則恐怖頻來。昨日之政員。則歌聲載道。今日之政員。飲彈的鎗。又負文明也。進言之。武器發達。於他人則心悅神怡。於失業者則胆戰心驚。交通發達。於他人則逍遙世界。於失業者則輪下遭殃。科學發達。於他人則無所不知。於失業者則謀生無計。更進言之。電燈雖有。我日入而息者、不需。自來水雖有。我寄勞於汲者、不需。電報雖有。我無敵情刺探、商情報告者、不需。足見生生之謂道。人生方爲文明。願醉心文明者。勿重外物而輕生命。

也

三、失業者意中之人生文明

造物厚人。天不降飯。地不長衣。僅予吾人以兩手一腦一地。俾吾人各憑手腦。向地謀生。其生活狀況如下。

勤者享受豐。

惰者享受約。

儉者歸於富。

奢者歸於貧。

上述生活。縱狡者亦不能發生怨言。縱愚者亦不致謀生無路。此古今世界人之自然生活也。自歐洲電汽代力以來。一人指揮機械。能代百人之勞。於是人之生活狀況。變化如下。

享受豐者未必勤。

享受約者未必惰

富非出於儉。

貧非出於奢。

上述生活。激起人之驕妬。當然不能服人矣。但人又有智愚兩項。因此吾人生活、在機械生產之下。又逼成下列二項。

智者憑機械而兼人生產。 愚者憑兩臂不能謀生。

既有上述之正負現象。於是智者窮奢極欲。愚者挺而走險。於生存競爭之聲浪中。而世界亂矣。欲使世界安定。人類停止競爭。須使今日世界十萬億人。各得謀生之業。欲使世界人各有生業。須使人類不論智愚。達到以下之生活要求。

各憑體力。各求溫飽。 各憑勤惰。各享豐約。 各憑奢儉。各歸貧富。
人之生活、能達上述要求。不惟人皆可以謀生。即豐約貧富稍有出入。狡者亦未必發生怨言。社會方能安定。人生方為文明。但果欲達到上述要求。今日不須罪責何人。祇須取消下述之一件非生物。即可達圓滿目的。

取消奪人生計、兼人生產、勞工因之生活悲慘、資本案因之恐怖類來、失業者因之挺而走險、國際因之競爭、階級因之奮鬥、擾亂世界之萬惡機械。而歸還手工舊業。

果能取消上述之物。則對於今日之不良現象。誠萬病之針也。但機械不生於上古中古。而獨生於生存競爭之今日。足見亦非突如其來者。若吾人不問其造成之因

。捨本逐末而攻擊之。則今日甲機械攻破。明日乙機械產生。不惟勞而無功。反而弄巧成拙。然則威逼歐人之發明機械者爲何。又屬於今日生存競爭之國際也。國之何以有際。又由於民於國之有籍。果爾吾人欲想攻破機械。必須實行以下二條。

一、保存世界各國之現在政府、政體、區域、及風土人情習慣。

二、打破政府用以牽繫人民。人民用以鼓動政府。威逼政府侵略。威逼人民愛國之國籍。

果能實行上述二條。則舊機械打倒。新機械絕源。吾失業者、不血刃而得生業。人類由競爭而變爲互助。世界則進入有國家之大同。此人生文明也。亦即孔學之結晶也。

四、失業者業上求生

社會由多數人集合而成。故隨時均有變化。但無論大小變化。隨時均有一批人司變化之機。此一批人非常人也。茲以百年來之世界變化。証明於後。

甲、科學與德國之威力

起於十九世紀。而終於普法戰畢。爲科學家左右世界時期。是期科學威力極大。科學發達之國家。則無敵於世界。世界國家之強弱。悉聽命於科學之成績。德意志是期爲科學家之樞府。宜其西敗法而雄霸歐洲。世界科學家之心理。無不以德人爲偶像。科學上之重要發明。尤以德人爲多。

乙、黃金與美國之威力

起於普法戰畢。終於歐戰止。爲資本家左右世界時期。是期黃金威力極大。何國黃金豐富。則用黃金買動學子、而開發科學。成爲科學之成績。聽命於黃金。國家之強弱。以黃金之多寡爲轉移。美利堅富有黃金。於是期無敵於世界。世界上之重要國家。莫不爲美利堅之債務國。十大商場之金融狀況。莫不聽命於紐約。以全歐人之武力。不能取勝於暴德。華盛頓參戰。勝負立分。足証黃金之威力大矣。

丙、勞工與蘇俄之威力

起於歐戰畢。終於未來之世界大戰。爲勞工左右世界時期。是期勞工威力極大。蓋有科學家發明機械。必有資本家利用機械。又必有勞工指揮機械。是期科學較

前發達。深通科學之士。竟有淪爲勞工者。而勞工生活因增高極爲悲慘。成爲怒不可遏。何國主張尊重勞工。則何國爲勞動者擁戴、而無敵於世界。國家之安危。聽命於勞工之喜怒。蘇俄高唱共產。默然指揮世界勞工。而威脅世界政府。世界之工人。默以蘇俄爲偶像。而爲其後援。質言之。勞工崇拜蘇俄。蘇俄利用勞工。上下其手。而世界轟動矣。

丁、失業者與中國之威力

自未來世界戰起。至未來世界大同止。爲失業者左右世界時期。是期失業者之威力極大。緣既有勞工之兼人生產。必有失業者之無業。失業者一旦復業。則勞工已非神聖。勞工既非神聖。則黃金未必萬能。黃金既不萬能。則科學不過學理耳。是期科學極爲發達。精通科學之士。竟有淪爲失業者者。有業則生。失業則死。危者勇。安者怯。於是失業者之智勇。爲資勞雙方所不及。何國爲其謀取幸福。則何國爲世界失業者所擁戴、而無敵於世界。但今日距未來之世界戰。尙有日時。此爲失業者擁戴之國家。尙未擁戴。事前預測之。該國須具下述之六條資格。

一、全國人數須占全世界人數四分之一。國人振臂一呼。能振動世界者。

二、國家無國際間之關稅壁壘。有國際間不平等之條約束縛。失業人數超過三千萬者。

三、國內無官不貪。無地無匪。共禍蔓延。政府債台高築。人民求生無路。政府統治無方者。

四、人民受禍之程度。已愈二十年者。

五、人民索取手工業。能使最強霸之國家。而受禍最烈者。

六、全國之武裝失業人。能超出五百萬者。

能具上述六條資格之國家。爲濟人自濟計。當然可以作救濟失業人之號召。而必得世界失業人之尊仰。然遍觀世界國家。具一條資格者。比比皆是。而六條同具者。僅中華一國而已。足見中華大失業國。有無敵於世界之資格矣。壯哉。

五、失業者之動作時期

上述四項威力。能於四期中左右世界。復有四個國家借威力而無敵於一時。前

三期屬於引證。業已過去。後一期屬於希望。尙爲未來。但中國何時方知號召世界失業者。世界失業者何時方知尊仰中國。時間上又成問題。緣人類有一種苟安天性。所謂刀不加頸不知懼。禍不臨頭息於爲。不知懼息於爲之時。言者任是諄諄。聽者終歸藐藐。一旦刀加頸禍臨頭之日。貪生之心理同。其行爲必不約而同也。足見不到世界大戰開幕之日。無論失業者、失業國、絕無覺悟之希望。一旦大戰開始。則失業國非號召失業者不能立國。失業者非擁護失業國、別無生道。同舟共濟。不謀而合。其動作時間追詢如下。

甲、未來大戰中戰士之一條生路

歐洲大戰。戰機爲戕殺千萬失業者。以飛機大砲爲武器。四年之時間。即全數消滅。此爲過去。未來世界大戰。戰機爲戕殺三千急性全失業者。以毒瓦斯炸彈爲武器。預算不上二年。亦全數消滅。現在大戰尙未開幕。被戕殺之失業者。尙未招入行武。一般現在軍人。受政府生存競爭、損人利己之教訓。升官發財之誘惑。又見武器庫武器之犀利。方寸中以爲我輩一出。於國則雄霸世界。於己則發財升官。

甚至以爲我輩除流血外。別無生機。及至砲聲隆隆、血肉橫飛、毒氣彌空、死亡枕籍之際。方知我械難利。敵械尤然。於生路斷決之觀念中。失業國振臂一呼。斷無不響應者也。

乙、大戰中中華之唯一應付方法

中國海空兩軍。尙未成隊。陸軍靖內尙稱不足。於世界戰、不能言參與也。中立則全無希望。依付何方、則左右爲難。最悲觀者。下關五國砲艦。砲口照準國府。洋子江外艦橫行。可以裂中國爲兩半。足見中華應付世界大戰之不易也。但否極生泰。上述之短、均不足爲中華之病。然則足以病中國爲何。即異口同音之順潮流三字是也。所謂順潮流者。即言語上人云我云。行爲上人爲我爲。方寸中非學理之衝動也。緣人事變化。屬於周轉循環。拔纖先進。固足以導引衆人。立定不移。將來又可獨占人先。足見動定得失。原屬相對。惟有順潮流一語。惟人是隨。絕對落後。中華四萬萬人。守先人之訓條。惟歐人之潮流是順。獨矯矯者一人則否。試觀其於生存競爭之環境中。高高唱新生活而提倡九倫八德。此顯然之造潮流也。敢必

其有新生活之提倡。即有恢復孔祀之政令。有恢復孔祀之政令。即有救濟世界失業人之決心。初而造宗孔潮流、國人順之而統一中國。再而造救濟失業人潮流。世人順之而促進大同。此拭目可待也。

六、大戰中失業者求生之手段與手續

中華失業者、振臂一呼。即能得世界人之擁護乎。未盡然也。必受世界人之反抗乎。亦未盡然也。其迎拒之機、厥在下述二條。

- 一、中國之主張。能俯順世界人之風俗習慣。則世人順之。反之必拒。
- 二、中國之主張。能不傷各國之政府政體。則世界政府迎之。反之必拒。

根據上述二條。敢斷言受孔教薰陶之中國人。絕不致主張過甚而損人利己也。但中國人於世界戰難解難分之情況下。高唱弭戰而救濟世界失業者。各戰士於砲聲隆隆中。聞中國之呼聲應作若何舉動。愚見既不必前進攻敵。復不必倒戈向後。應停止於陣地。各向政府作下列之要求。

中和經濟論

中和經濟論

中篇 中國經濟論

第一章 通說

一、對中國之認識

甲、對中國資格之認識

中國、同語言、文字、風俗、習慣、之人口。約四億七千萬以上。占世界人口四分之一而稍強。閉門論政。雖云兄弟鬩牆。開門應敵。又是和衷共濟。方之五子國要求自主。愛爾蘭要求獨立。人口五億。人種五色。號稱世界唯一巨國之英吉利。優劣遠矣。

中國位於溫帶之領域。約五千萬方里以上。占世界陸地十分之一而稍強。土腴物博。人生需用品應有盡有。不似西北利亞過於荒寒。人民謀生困難。不似五印度氣候炎暑。人民消極出世。人地之比。每方里容十人而不足。不比非奧地廣人稀。

虎狼爲禍。不似歐陸地狹人衆。競爭不已。

中國有五千年可考之歷史。有世界上應有盡有之文明。經史子集之書籍。二酉四庫。九流百家之思想。萬戶千門。正心誠意之說。含有印度之唯心。即物窮理之論。含有歐洲之唯物。修齊治平之生生之道。歐印文明。咸當避席。

中國民性。遵墨子功利之訓。勤於治事。遵孔子仁恕之教。推己及人。不似歐人重經濟、輕道德。競爭成爲習慣。不似印人重道德、輕經濟。退讓成爲本能。

上述四則。爲中國在世界國家中之抽出資格。任何國家。具備一則。不可侮也。今已四則同具。其資格之偉也可想。吾人應當認識。

乙、對中國能力之認識

世界之治亂。系乎作亂平亂人羣之大小。中國四億七千萬人之羣大矣。不幸而擾亂世界。世界萬難安定。幸而造福世界。世界必歸太平。故中國大人羣。有治亂世界之能力。

今日世界十六億人。除消極之印人三億外。問世者約人十三億餘。十三億中。

以四億七千萬人爲一國。八億三千萬人爲六十餘國。其大小之比。儼然獨象羣犬。若中國以大對小。在世界懲治何國。何國萬難幸免。厚愛何國。何國福自天申。故中國大人羣。有禍福世界任何國家之能力。

國家之治亂。系乎經濟。經濟之調和與否。系乎生產與消費之是否平衡。列強以機械代理人力。生產率大而消費力小。生產剩餘。投消中華。已有年矣。此時中國憐而受之。列強可偷安苟延。怒而拒之。列強必國內鼎沸。故中國大人羣。有造成列強政府安危之能力。

言論之是非。九九相對。其所以九九內發生絕對者。肯定人衆是也。中國四億七千萬人之羣大矣。任何理論。中國人非之。萬難得是。是之。萬難屬非。故中國大人羣。有是非任何理論之能力。

上述四則。爲中國大人羣在世界持有之能力。任何人羣。具備一則。不可侮也。今四則同具。其能力之偉也可想。吾人應當認識。

丙、對中外五千年來形勢之認識

中國在世界資格能力之偉。已如上述。但中國人足以自豪者在是。足以招累者亦在是。得失原相對也。蓋中國在閉關時代。附近之蕞爾小邦。非年年入貢而稱臣。即步步進取而租侵。鮮有平等相見之日。一旦進侵得勢。執中國之政柄。時間遷延。必趨於同化。其所以然者。人多勢大故也。職是自黃帝開基以來。五千年中。被同化之民族。被兼併之部落。夥矣。自世界交通之後。道遠輪速。美洲不啻當日之扶桑。歐洲不啻當日之西域。情況變而形勢仍也。但自世界交通以來。世界上大國惟有印度。印人消寂。敵對形勢原不成立。小國百餘。於五洲星列棋布。一般小國。不欲問津世界則已。問之。對於偕大中國。非合縱式而共尊之。即連橫式而共敵之。絕無平等相見之餘地。中國自身。非執世界之牛耳。即墊世界之馬蹄。絕無分庭抗禮之可能。足見大小懸殊、形勢之險惡也。或謂今日日本土耳其能強。暹羅阿根廷未弱。偌大中國。何不才乃爾。是僅見中日上遇同爲國。而未見中爲四億七千萬人之巨國。其他爲幾千幾百萬人之小國。亦粗心也。更進而言。家鄰戰場者必受災。立當孔道者必招禍。中華爲世界公敵之形勢既成。當然接近中國之國家部落

。必遭池魚之殃。試觀地接遼東之高麗。政權奪於日本。地接滇桂之緬越。政權奪於英法。其他與二十三省不相連接之暹羅、泥泊爾、不丹、無恙。其幸與否。非孰弱孰強。乃當路與不當路耳。此中外五千年來之形勢也。吾人應當認識。

丁、對中外六十年來形勢之認識

中外六十年來之形勢若何。大國見扼於羣小之形勢也。歐洲一般小國。因人衆食寡而衝出世界。發現世界上有四億七千萬人之巨國。戒於黃禍之烈。同有懼心、而羣力搏之。以科學爲工具。乘其不備而當頭猛擊。中國仁恕存心。禮讓其貌。遭暗擊而顛仆於地者。已六十年矣。此六十年中。世界上羣龍無首。諸小國、強凌弱。狡欺愚。法紀蕩然。竟演生存競爭。

戊、對中外今日形勢之認識

今日中外之形勢若何。侵略者反挫受傷之日也。列強以不平等之關稅協約。三十億債台。二百萬陸軍。五百萬噸海軍。五萬架飛機。首都以兵艦監視政府。十八省以歐洲宗教學說同化人民。用心不爲不深矣。妙在又將剩餘生產傾消國內。儼然

將經濟命脈、交握華人之手。是則四億七千萬人發怒拒消之日。即列強生產剩餘、金融混亂、經濟失調、失業人作亂之日。亦即中國國人復業、經濟調和、國固民寧之日。其否泰剝復之形勢。吾人應當認識。

二、列強顛仆中國之經過

華歐交通。遠在漢唐。但明朱以前。僅志在佈教而已。自嘉靖三十五年。明庭以澳門棲葡人起。外人始在中國據有立足地。但斯時、歐人來往歐華。志在友誼通商。無侵略之觀念也。清康熙十九年。爲歐曆一六八零年。倫敦東印度公司。始派員來華要求通商。跡其居心。亦不過用歐洲工藝品。印度農產品。換取中國金銀耳。此後歐洲各國人民接踵而來。舊新兩教之教徒。亦源源而至。但於中國無損也。降至道光初年。歐洲之汽機出世、而代人力生產。漸感原料不給生產剩餘之苦。原料徵之非澳。商品賣之中國。乃萌侵略之意。道光十九年。林則徐與倫敦鴉片之戰。歐洲諸政府、仍未敢輕視中國也。是役英用火砲。林用干戈。武器相懸。自是英勝林負。復以火輪之速。擾亂中國沿海。結果割贈香港。訂約五口通商。此爲歐人

第二步在中國擁有立足地也。此後鑒於黃禍之烈。放棄小國日本。以全力共搏絕大中國。其顛仆中國之戰略如下。

甲、提携洪楊衝破關稅壁壘

國家生產與消費不能平衡。必至國人失業。國人失業者衆。必至國內大亂。國內大亂。不能禦外也。列強欲顛仆中國。非造成其內亂不爲功。欲其內亂。非造成其國人失業不爲功。斯時適值歐洲工業革命。而生產趨於剩餘。以歐洲之剩餘生產。造成中國之人民失業。乃有關稅之希望協約。但無端而要求中國關稅協約。事非可能。乃有提新政府推翻舊政府之野心。此洪楊亂事之所以萌芽也。嘉慶十二年。美人富爾敦汽船造成。二十七年。中國南洋航綫已發現汽船運貨。從此歐貨南來。如錢塘之潮。首當其衝之兩廣。失業人漸趨於衆。乃以耶教介紹。堅其作亂之心。甚且密爲資助。野火遇風。勢成燎原。於道光末年。乃有廣西洪楊之亂。咸豐元年。乃有洪秀全稱天王於武昌。咸豐三年。洪據金陵。乃破除其五千年之風俗習慣。宣布其釋奴妾。馳貞操。信上帝。三大政策。嗚呼。耶以濟世爲名。禍華爲實。耶

徒撫心自問。未免愧對上帝矣。此後滿望洪楊成功。淪中國爲英法子國。詎意洪楊失睦內訌。天國已呈敗象。李秀成。棄耶宗孔。儼然得魚忘筌。乃因風轉舵。乘洪清兩軍酣戰之際。於咸豐九年。進軍大沽。脅清庭簽關稅十年一改協定條約。猶未制其死命也。次年進軍北京。火焚圓明園。脅清庭簽教士在各省置屋佈教條約。倫敦巴黎。以改造中國政府存心。以威脅清庭簽約爲果。竟如願以償。

乙、提携東京造成甲午之敗

歐洲諸侵略政府。希望日本富強。補助鉗制中國。希望中國貧弱。俾世界永無恐慌。攻下中國。而不欲親冒矢石。亦屬狡者恒情。光緒中葉。清庭勵精圖治。海軍噸數。已逾十萬。(鎮海等四主力艦。各八千噸)陸軍之強。巴黎小試於諒山。(中法諒山之役、陸軍中勝法員、劉永福以三千黑旗兵、在安南如入無人之境、兵圍宣關四十日、圍未解而奉詔班師、斯役殲法大將姑拔於諒山之陽)斯時倫敦巴黎、對中國確爲貌勇神怯。聽之、行兇漸強離制。戰之、又恐以卵擊石。乃有激起鴉片漁人自居之計劃。朝鮮爲中國監政。已有年矣。東京隔海。向不垂涎。況當時東

京陸海兩軍、均遜於華。尤未敢觸怒清庭。詎意巴黎主政河內、倫敦主政仰光、之後。密示東京。願以漢城爲贈。又恐東京畏威清庭。允以盡力密助。東京入彀。對清庭無端指謫。乃激成漢城之變。斯役海戰爲主、陸戰爲陪。戰之前後。發生以下之奇事。(一)東京海軍、平時不足八萬噸。戰時竟超出十萬噸。橫須賀每見西文軍艦、改爲日文軍艦。(二)丁汝昌坐艦之行踪。東京瞭若指掌。(三)中國陸海兩軍尙未敗績。而英法使館事前宣傳、已敗。(四)戰畢在東京受上賞之西人。約近五十。據此推測。中國寡助。當然敗績。惟恐東京得志。復阻撓其東三省之受領。又以干涉爲功。向中國脅求威海衛廣州灣之報酬。從此沿海要港。盡淪爲歐美列強之起貨場。失業人民。與日俱增。中國至此乃宣告顛仆。但日本非天國可比。嘉仁非洪楊之流。從此亞洲與列強抗衡者。在彼而不在此也。數十年來。大施其間離伎倆。竟使日人視華人如草芥。華人視日人如寇仇。質言之。望爾黃人。永不合作。而遂其各個擊破之野心。

丙、挑唆人民政府造成上下心離心

中國自甲午敗績。元氣大傷。沿海凡可以作為海鎮之港。無不租約所投。其於中國之警戒。可謂岌矣。無如中國民衆國大。若上下同心。一致對外。前途未樂觀也。於是乃主張對中國人民政府實行挑撥。務使其上下離心。永不合作。其挑撥之方法如下。

中國四億七千萬人。純漢族也。實無幾多。自黃帝開基戰勝九黎以來。隨時均有外族加入。如劉姓者、半為劉淵之後。石姓者、半為石勒之后。元朝入關百萬蒙兵。西還不上十萬。此異族加入之鐵證也。滿人人關主政。未嘗刻待漢族。十帝之齊整。足稱空前之朝。詎意滿漢異族。竟為西人偵知。在巴黎倫敦。譏華人為滿人之奴。諸留西學子。老羞成怒。乃高唱排滿興漢。此後政府鞏固國基。當然捕殺亂黨。八民逼而走險。當然實行暴動。杯弓蛇影。全國鼎沸。演成政府不暴之暴。人民不力之力。結果卒倒樹大根深之清庭。此挑唆中國人民政府之第一度也。

袁世凱、軍事政治家也。治華三年。確有起色。亦無違約改制之奇想。詎意倫敦東京、授意二國公使。不時以帝制諷袁。謂若能改變君主立憲。中英中日可聯為

一氣、而互相提携。北京之順天時報。天津之華文泰晤士報。尤爲賣力鼓吹。英公使朱爾典、授意楊度。僞造申新兩報。以堅袁氏之信。稅務司英人安格聯。竟謂果能改變帝制。中國稅權、可望收回。袁氏中計實行。而又警告突來。甚至助蔡威而承認袁蔡爲交戰團體。演成袁氏失信於國人。而鑄成違反民意盜竊神器之罪案。蔡氏檄文中。謂袁氏爲千古唯一之神奸。吾獨以爲袁氏中西洋千古唯一之毒計。此挑唆中國人民政府之又一度也。

袁氏倒後。中國羣龍無首。於是歐美各報。爲中國之謠言製造所。滬津港報。服西洋之謠言輸送務。如張勳之復辟。南北之分家。甲系乙系之成立。甲偉人乙偉人之猜忌。甲軍乙軍之火併。何非西報捕風捉影而造謠於前。華報聞聲即吠而傳達於後。全國人疑樓海市而驚訝不已。當局者恐落人算而以假爲真。演成西人一度造謠。國人心如謠以行之。質言之。列強對中國一言一語。於當局者無不處處設阱。於野心者無不句句誇譽。於軍政員無不界線縱橫。於勢均力敵者。無不冷語挑唆。務使人民政府互不相信。甲派乙派互不合作。甲偉人乙偉人互相防範。甲軍乙軍互

相火併。而達彼萬劫不復之要求。一般神經過敏者。聞西人謠言。不云空穴未必來風。無風安得有浪。即云我且茫然。西人已先知之。西記者豈神人乎。此隨時挑唆中國人民之事實也。

三、私買槍械造成國內火併

武器、殺人物也。人民購買。須政府予以護照。國際購買。須政府照會。此平戰時國際公私法。歷來國際之非戰會議。皆在在表決。其所以然者。消弭各國內亂、而謀人類之幸福也。緣物質文明。人慾橫流。有武器則揭竿思逞。無武器則守分遵法。法良而意美也。詎意列強對世界之任何國家。均守此法。於中國則否。凡中國有相當實力、及反抗政府之居心者。均能私向各國購買。甚至反對政府之色采益濃。而械價益低。最奇者。中央參戰大借款購來之械。而賣者竟送與反對中央最力之東三省。（段總理被奉天三次劫械。）而造成張興段倒。此顯然者也。質言之。列強政府之於華人。唆以言。授以刀。望爾自相殘殺。其勿緩也。

四、中華無亡國之憂

中華亡國之憂。起自中日之敗。瓜分之虞。起自八國聯軍。共管之說。每次中外發生齟齬。列強內幕密議。無不提議有人。然自辛亥以還。二十三年中。政府則東顧西仆。人民則水深火熱。初則南北分治。繼則甲乙分系。再而新舊分派。終而左右分黨。年年內訌。省省流血。朝則弁髦政令。野則遍地萑符。列強亡中國之機會。未有如是之良且多也。然竟不能如越南緬甸而宰制之。非洲波蘭而瓜分之。但澤阜母而共管之。誠意外也。論者僉謂中國國大人衆。人心未死。列強同利相爭。意見分歧。乃貽中國以苟全國命。予獨以爲非也。緣列強高唱鐵血主義。信仰生存競爭。武器犀利。國庫充實。試問國大人衆。安敵彼飛機蔽天。人心未死。安敵彼炮火猛烈。並且猛虎在山。衆人擊之。社肉在案。衆人分之。今日列強。號稱科學萬能。獨不能如獵戶之擊猛虎。陳平之宰社肉。未免難其所易也。足見中國苟全性命之因、非此也。

滅國亡國之事。古今皆有。諺云。世無不死之人。亦無不亡之國。彭祖八百、死耳。姬周八百。亡耳。足見亡國平常事也。但古之滅人國者。誅其君。弔其民。

司其政治。籍其版圖。於執政者固有得失。於人民無所損也。今日之滅人國者。反是。除上述四語之外。又加吸人民之脂膏。以實國庫。驅人民於戰場。以逞武力。同爲亡國也。人民之禍福相去遠矣。但無論古今。滅入之國，操人之政。必負其人民生計、社會安寧之大責。所謂利其挽、必投以食。用其體、必培其元也。足見滅人之國匪難。治人之國實難。蓋執人之政。不能聽其社會趨於紛亂。而政令不行。人民謀生乏術。而走險作亂。謂之爲執政人員之愛民亦可。謂之爲執政人員之趨夷。亦無不可。試觀今日英之於緬甸。法之於安南。美之於呂宋。日之於朝鮮。異族人執政而能使社會安定者。非政令森嚴。人民欲作亂而不能。乃人民各有生計。而不勇於作亂也。

中國現在之人口。約四億七千萬以上。因關稅脅約、失業人已達數千萬之衆。列強私授武器。國內散佈殺人槍枝至五百萬之多。不亡則已。一旦亡國。此數千萬失業人。手持此五百萬利器。以現在歐人之科學方法治之。不拘亡於獨滅共管瓜分。絕難逃以下之結果。

一、以機械工業而位置失業人也。則此數千萬人進爲工人。不惟原料不濟。即生產更有大批剩餘。

二、以手工業而位置失業人也。中國臻於郵治。歐洲剩餘生產、又投消無處。仍爲禍人禍己。

三、以交通而治中國也。即使全國鐵路馬路達到鄉村。而失業者、尤爲增加。
四、以教育而治中國也。即使全國人皆進爲博士。此數千萬失業博士。迫於生活、仍挺而走險。

五、以宗教而治中國也。全國人皆爲耶穌信徒。上帝未必予以生業。

六、將此數千萬失業人置之死地也。即使全無反抗。減少此大批洋貨消費機。本國之損失尤大。

七、聽其自生自滅也。此數千萬失業人。手執武器。不惟可以破壞爾共管瓜分之政府。甚至可以擾亂爾莊嚴堂皇之世界。

上述七則。即西人以科學治理中國之最大伎倆也。均不能使中國臻於郵治。甚

至而終歸禍已。足見滅中國匪難。治中國誠難。換言之。既有關稅之存約。絕無政權之喪失。諺云。既已擲而碎之。絕不愛而玩之。此中國無亡國之虞也。明知受累於將來。曷若慎之於當初。智慧之歐人。萬不致出此下策。進一步言。設使列強慕虛榮對中國而孟浪滅之。則我數千萬失業人。飢寒交迫。可算哭訴有門。絕不致如對待中國人執政之忍痛不言也。近年一般迷信西人萬能之士。僉謂中國亡國。列強自有科學方法治之。試問生產則日增月進。分配則終無辦法。失業人如雨後春筍。事實俱在。曷可諱言。科學方法、理也。非符非咒。應當明以教我。又何必如巫師之於病者。卜士之於愚人。道其然而秘其所以然乎。此中國無亡國之虞也。十年來東京對華之咄咄見逼者。蓋欲改變中國政府人民之仇日心理。而為親日心理。於中取利耳。緣東四省者。日本之私消場也。十八省者。世界之公消場也。至於直接統制華人。狡智如彼。未必愚阻包天。民於今日之中國。而憂國亡。如癡瘋女憂失節。是一例之愚也。

五、合論

上述四節。中華民國之資格能力如此。中外敵對之形勢如此。列強顛仆中國之經過如此。中國不亡之理由如此。四者合論。中國四億七千萬英民。不奮發而問津世界則已。果奮發而問津焉。如水流平地。左右逢源。車行凹道。有進皆夷。其所以然者。否極無往而不泰也。

第二章 論中國今日之經濟

吾人須物質、勞動、意志、三需之接濟。方能生活。三者合之。是為三元經濟。無論個人、家庭、社會、國家。三元調和。人必快樂。否則不惟方寸失去快感。甚至可以演成赤色恐怖。已如上篇所述。但中國人今日之三元經濟狀況若何。茲分述如後

玄學、哲學、科學、數學、孔學、佛學、耶學、文學、書法、詩歌、弈術、小說、美術、戲劇、魔術、賭博、等十六項。為中國人意志寄託之的也。任何一項。入其門、均覺其深無底。任何人竭畢生之筋力。亦不能造極一項。凡為人也。任其性情如何乖僻。亦必近於一項。足見中國四萬萬人飽暖之餘。不憂寂寞也。

少林派、武當派、器械操、柔體操、打彈、蹴球、打獵、跳舞、八項。爲中國人勞動之法也。任何人竭畢生之筋力。亦不能造極一項。足見中國人飽暖之餘。不憚勞動無興趣也。

上述竟志之十六項寄託。勞動之八項寄託。爲二十世紀之文明也。分而言之。各有其寬濶無邊之境界。與引人人勝之能力。不入門、不知其中之深淺。入其門、方顯其中之奧妙。若嗜武者、謂嗜文者太弱。嗜文者、謂嗜武者太粗。嗜科學者、謂嗜玄學者太空。嗜哲學者、謂嗜科學者太局。以及其他甲之非乙。均屬誤假爲真。而且是主觀過強之門外漢。合而言之。不拘意志十六項、勞動八項。均聽支配於物濟。所謂餉暖之餘。皆其味無窮。飢寒之下。皆味同嚼蜡也。但如袁子才鬻文。鄭板橋鬻字。博士教科學。和尚講經。牧師傳教。范西屏賭碁。甘鳳池教武。諸人一方面寄託勞動意志。一方面財貨隨勞動意志而來。三元經濟、自趨於調。若全國人均將勞動意志、寄託於上述各項。一旦腹飢身寒。還須另行生產。足見上述各項。絕非勞動意志天經地義之寄託。然則天經地義之寄託爲何。惟下列二語足以當

之。

意志。一寸心思一寸錦。勞動。一粒汗珠一粒紋。

上述二語之所以呼之爲天經地義者。緣非補助人生之思想行爲。不足以當文明也。由是推論。人生經濟。雖云三元。其意志勞動二元。出於本身。最易調和。是則關係國家社會之治亂者。厥在身外之物需耳。

關於物濟一項。中國人所應享受之財貨多矣。在關稅商約之下。不惟富國輸入。強國輸入。即歐洲之細菌國。南美之新興國。亦無不輸入。若四億七千萬人平均消費之。十八省可稱極樂世界。詎意列強將無美不備之財貨輸入。又不能楊枝遍洒。普濟羣生。依然須國人用相當代價交換。結果富者則洪福齊天。貧者則涎垂三尺。赤貧者死於失業矣。

今日中國之物質經濟失調。成爲絕大恐慌。上乘人憂國。中乘人憂家。下乘人憂身。可謂有眉皆蹙。挽救之方。全國人盡其智能。而不能藥到病除之故。緣未審實病狀故也。作者一再考究。造成中國之如斯惡果。有因四焉。茲分論於後。

一、國人失業

國人失業。婦孺皆知。業之得失關係國計民生。不再重叙。然中國經濟失調。僅此一因。應當失業人方感到痛苦。非者否之。何以中國呻吟不已之人。非僅失業者也。足見失業固爲主因。此外尙有副焉。

二、生活增高

所謂生活增高者。即生活品增多是也。緣吾人生於閉關時代。一人有衣食住三物之接濟。即爲生活。今日同樣有之。不能生活也。其所以如此之故。關係有二。一爲造方面之關係。二爲需方面之關係。茲分述之。

所謂造之關係者。緣機械生產以來。一人指揮機械。可以奪九十九人之業。而此九十九人不能造凡人皆需之生活品。生活所逼。惟有於生活品外。造奇技淫巧。引人入勝之品物。而寄託生業。其製造之品。則衛生、裝飾、消遣、奢華、四者是也。

所謂需之關係者。緣物質文明。人類必囿於一隅。人衆集團。當然疾病橫生。

於疾病橫生之社會中。當然今日之衛生品。爲來日之生活品。今日之奢華品。又爲來日衛生品。於是五十年來之生活增高。成以下之漸進公式。

中國五十年來生活增高漸進圖

需物	程	生	度	時	代	生活品	衛生品	裝飾品	消遣品	奢華品
						三	一	一	一	一
						手工業時代	二十	十	五	今
						前	年	年	年	年
						前	前	前	前	前
						日	日	日	日	日

根據右表。在手工業時代爲三需生活。今日加四進爲七需生活。除乞丐外。減省一項。必遭人鄙棄厭惡而失業。此生活增高之所以成爲普遍性也。

三、工貴力賤

在手工業時代。吾人有兩臂即可以作工。作工暗含出力。工力無鴻溝也。自瓦特發明汽機、法蘭第發明電磁以來。人之肌肉力量。什九成廢。成了拔山舉鼎之項羽。見起重機而生慚。因是而力賤矣。又吾人生活品之生產。首需者爲力。次需者爲工。(需人指揮機械)。機械工業、不比手工業。既不易學成工人。復不易退出工廠。一般工人。手握生產大權。動輒罷工。藉以要挾械主。甚至自命神聖。目械主爲罪大惡極。械主尤狡詐百出。將工作分爲若干科。俾工人不能整造一物。械主之後援爲政府。工人之後援爲工會。結果工人不能離工廠。工廠亦不能離工人。資勞調和之下。貨與工同時貴矣。中國人有者是肌肉力。而力之價值最賤。失業現象下難謀者是工。而工之價值最貴。以賤力而勉謀衣食。此生活之所以爲難也。

四、食貴金賤

吾人須財貨以爲生。而金銀又爲財貨交易之第三位。有金銀可算有任何物品。但金銀之價格。又聽命於生活。即如吾人一日飽食暖體。不拘生產出若干銅、或若

千銀、若干金。此一日之生活代價。即若干銅銀金之代價。而銅有銀若干倍。銀有金若干倍。即三物之比價。非操縱者有抑揚之可能。金銀銅之價如此。萬有財貨之價、無不如此。故荒年耕者寡、冶者多。必金賤食貴。豐年則反之。美洲金銀之礦苗甚多。採礦需力多而需工少。又值該國機械發達而力賤。社會人以賤力採礦。當然金銀流行於市面者最多。金銀之耗消率小。食物之消耗率大。久之當然演成金賤食貴。故今日美利堅貴人一餐。幾成白銀與麵包兌換。其他之歐洲各國。金銀礦雖不逮美國之多。然因工力之貴賤。以定金食之貴賤。其定理如下。

食工之貴賤。與金力之貴賤、成正比。

食金之貴賤。與工力之貴賤、成反比。

據上列二條推論。則食貴金賤之國家。必工貴力賤。反之必力貴工賤。果爾中國今日尚以牛力代耕。較之歐美、尚屬力貴工賤。既云力貴工賤。當然金貴食賤。歐美則反之。一般忽於因果者。只知黃金可以代表一切有用物。而未知金價聽命於食價。不問美國食物之貴。而羨美國黃金之多。不問中國食物之賤。而鄙中國黃金

過少。未免呆矣。須知衣食住、生活品也。金銀、媒介品也。人可離媒介品而生活。不能離生活品而生活也。茲以食物爲主。比較今日中外一兩紋銀之價值如下。

中國窮鄉一兩紋銀。常人可以坐吃十餐。

中國各縣城一兩紋銀。常人可以坐吃八餐。

中國各省會一兩紋銀。常人可以坐吃四餐。

上海一兩紋銀。常人可以坐吃三餐。

英倫法巴二兩紋銀。常人可以坐吃一餐。

美紐三兩紋銀。常人可以坐吃一餐。

根據上列比較。則中國窮鄉一兩紋銀。已等於美紐三十兩之作用矣。人羨美國黃金之多。而美人又羨中國金銀效率之大。足見社會之生產狀況不同。而金銀之效率亦不同也。前次上海中日之戰。一般數學家計算中國損失。謂爲十五億。此十五億數目之由來。姑且不問。試問列爲數目之錢。究屬何項效率。若美紐效率也。則煤油大王可以担任兩度。上海省會效率也。亦屬不平。若僻鄉效率也。因損失而不

能生活之人。最少亦有三千萬。緣飾人民之財產。平均不過五十元耳。足見同是某銀數也。因時因地。又分輕重。但中國金貴食賤。歐美反之。中外若未通商。彼此自是漠不相關。詎意貴賤不同。中外又復交通。演成彼此牽掣而影響國計民生。但於牽扯中。中國人憑兩臂可以到外國覓錢。外國人憑金錢可以來中國買飯。仍無得失。豈料外國人憑金錢可以來中國買飯。中國人憑兩臂不能在外國覓錢。相形之下。成爲外國人富不可遇。中國人貧不堪言。此之謂金賤食貴也。

五、入不敷出

既有上述四因。於是又造成中國人入不敷出之結果。所謂入不敷出者。即應當支出、超過法定收入是也。茲別爲政府官吏人民三項。分述於後。

甲、政府之入不敷出

一、國之政府。無論其國家之大小。政體之甲乙。必有一定之收入也。若收入不足。必然不支。政府不支。必然禍及人民。若收入過量。人民亦必不支。人民不支。必然危害政府。此定理也。其收入之多寡。非以第三位之金銀爲準。乃以人民

之生活爲準。否則今日之大經大法。即來日膠柱之音。亦必然之勢也。

政府之收入。無論經濟狀況如何變化。須將國人折衷爲常人。每年征收其一月之生活代價爲適宜。即如前清常人生活在五錢紋銀時。戶部之收入、在一億三千萬兩左右。而各級官非贓款之暗俸。約共一億兩左右。二者合計。約在二億三千萬兩左右。以四億七千萬人攤之。每人攤納五錢。常人剛可生活一月。自五口通商後。生活增高。又特加一項厘金。此手工業國之政府收入也。又如今日之美利堅。常人生活。每月約五十元。政府之收入。合田賦、關稅、印花、鹽稅、交通、之盈餘。銀行公司之紅利、約五十億元左右。以一億人攤之。每人合攤五十元。常人剛可生活一月。此機械工業國之收入也。果照上例。中國今日之常人生活。因受歐美生活增高之影響。每月已高達十元。根據生活。中國政府按四億七千萬人之數。每年應收入四十七億元。方能爲政。詎意現在政府之法定收入。以民國二十二年論。中央收入不足七億。國債息已逾三億。各省平均收入、不足五千萬。兩共不上十五億。以四億七千萬人攤之。每人合攤常人十日之生活費。較前數增而效減矣。年收三分

之一。政府當然不支。但人民於政府不支之現象下。尙無力担負此十日生活費之國課。緣中國人數雖云四億七千萬。而失業者確有五千萬人之多。此少數國課。在得業者視之。自是便宜。在失業者視之。已如泰山壓頂。於是政府人民。各具主觀。互不諒解。自然發生以下之煩言。

一、政府不問人民之生計如何。動輒以英美爲比例。謂人民爲無愛國心。故不踴躍樂輸。

二、人民不問社會之生活程度。動輒以前清爲比例。謂政府爲施政不仁。故而橫徵暴斂。

上述兩條煩言。聞之均覺各有理由。其實世界無不愛人民之政府。亦無不愛政府之人民。其所以互不諒解者。呆視金銀耳。政府按人民多寡。旣有一定之收入。當然按人民之多寡。亦有一定之支出。支出者。公務人員之俸餉是也。但公務員不足相當之數。必至曠事。超出相當之數。必至殃民。亦定理也。此相當之數。大約官占人民萬分之一。佐占人民千分之一。兵役占人民五百分之一。如中國四億七千

萬人之國家。在前清官不上四萬七千。佐不上四十七萬。兵役不上六十萬。（請參看緒紳）。美利堅一億人之國家。平時除菲律賓濱夏威夷外。在公家領薪水者。亦不上四十萬人。中國今日政府之收入。既然減半。若領薪公員、亦隨之減半。仍不失為中和也。詎意領薪水而生活之人。竟占百分之一。約五百萬以上。（獨軍人約二百萬以上。）以五百萬領薪公員。瓜分此不上十五億之庫款。每人僅分得十五元之數。其效率尚遜於前清之兵餉矣。其不敷狀況如下。

收入

人民常人一月生活費


百萬人之公員開支

支出

現在之收入常人十日生活費

現在之支出五百萬人之公員開支

中國政府應當收支比例圖



根據右比、中國政府現在之入不敷出。自不能以道里計。但此百分一之公員。果能枵腹從公乎。不龍也。不能中而飢寒交迫。必自行設法調和。因此國內之三級政府。不能不在法外而調和之。其調和之法。當然無孔不入。足見此五百萬公員。任是羅掘費力。仍向四億七千萬人領到相當之生活費。人民任是鳩形鵠面。仍然輸出常人一月以上之生活費。不過徵納秩序稍亂。潰成以下之狀況。

現在之非法收入

應當收入

法定收入

現在之愈額支出

應當支出

根據右圖與前述。政府收入過量。人民必然不支。人民不支、必然危害政府。政府收入不足。亦必不支。政府不支、必然禍及人民。今兩皆不支。當然逼成下列之三態現象。


- 一、政府則清風兩袖、而東倒西歪。
 - 二、人民則焦頭爛額、而急謀作亂。
 - 三、軍隊則各自謀生、而指揮不靈。
- 以上所述。即政府之入不敷出也。

乙、公員之入不敷出

服公務自然賴公以爲生活。而政府之科征人民。亦意在供給公員之生活。不能以盡義務重公德之狡詞、而貽誤國政也。但同爲公務人員。其中又有官佐役之分。同爲官也。其中又有等級之分。國家愈大。需官愈多。因之等級亦愈多。日本小國。共分三等九級。中華大國。前清正從九品、共有一十八級。各級官員。任其儉樸。甲級與乙級之生活狀況、絕不相同。政府欲公員公忠體國。須担負其全家之生活。

費。俾公員身家國成爲休戚相關。今以最低級之兵役而論。如前清常人生活在五錢紋銀時。綠營之餉。爲二兩九錢。合官米爲三兩二錢。清末常人生活在七錢紋銀時。新軍之餉。爲四兩五錢。香港常人伙食在十五元時。英軍之餉。爲九十餘元。兼以公屋居兵家屬。美國常人生活在三十元時。美兵之餉。爲二百元。亦以公屋居兵家屬。換言之。無論任何國家。任何時代。或食貴金賤。或金貴食賤。而最低級之兵餉。不下六人之生活費。兵役除自奉外。兼供給一雙父母。一雙兒女。一口妻子。兵餉如此。而各級官俸尤然。此公員之生活也。如下圖。

六人生活費



公員應得餉糈。既如上圖。但今日公員之生活。不比平民。受歐美物質文明之

影響。已增大四倍。而金銀受歐美金賤食貴之影響。又減效一半。以金價計之。已算增人八倍。即如清末七錢紋銀之軍人生活。今日已增高至八元。政府欲使軍人盡忠國家。須增其餉銀至四十八元之數。方能顧及一家。最低級之兵餉如此。而各級官官俸亦然。詎意今日中國法定收入。未按生活程度而增高。而法定支出亦然。如兵餉一項。軍人生活已高達八元。而法定之數。仍不出十二元。兵餉如此。其他各級官俸亦然。職是中國公員。自元首起。至兵役止。法律內僅博得自身免去餓凍而已。其經濟狀況。如左之比較。




根據右比。中國公員之人不敷出。自不能以道里計。於是公員政府。各因主觀之不同。自然發生以下之怨言。

一、政府不問金食費賤。生活高低。以前清爲比例。謂前清不過如此。今日已

經如此。人心何不足乃爾。

二、公員不問政府收入幾多。公員又有幾多。以外國爲比例。謂同級之官。外國薪餉某數。中國薪餉某數。政府何不仁若是。

既有上述煩言。但政府之法定收入。果能按月給付。公員本身不致凍餒。其父母妻兒能自行謀生。仍可以公忠體國也。詎意政府之於公員。非欠薪幾月。即減俸幾成。或則勸捐幾多。在在期於枵腹從公。而奢望家庭。除坐食外。一切光前裕後之企圖。在在須點石成金。進出分道而馳。此公員之人不敷出也。但世有真虛之國庫。世無枵腹之公員。因此一般公員。不能依法調和全家經濟。勢必非法調之。其調和之法如下。



中和經濟

身

根據右比、公員於萬難之中。仍向人民領到全家之相當生活費。不過授受非法。乃逼成下列之三態現象。

一、大員不能善天下。每思獨善其身。

二、官吏不能養廉。只有貪贓。

三、兵士不堪凍餒。只有枉法。

以上所述。即公員之入不敷出也。

丙、人民之入不敷出

人之生也。仰賴衣食住。而衣食住之致也。仰賴人工。吾人生於法律精密之候。原野皆飯。非吾所有者、不能取而投諸口中。原野皆衣。非吾所有者、不能取而彰之身上。然四望土也。耕者可以得食。舉目樹也。織者可以得衣。人類為數有限。萬物生長無竭。足見人之生也。直接仰賴衣食住器。間接仰賴致衣食住器之方法。中國四億七千萬人。在閉關時代。致食之方為耕。致衣之方為織。致住之方為築。致器之方為造。衣食住器為需。耕織築造為致。其經濟狀況如下圖。

自西方工業革命以還。演成工貴力賤。於是國人衣食住器之四需仍舊。耕織築造四項致物之方。竟喪失織造兩項。其失調狀況如下列之比較。



根據右比。國人四項謀生之業。僅耕築兩項保存。若四億七千萬人均安插於二業之內。不惟地面不足。而且必然生產餘剩。於是中國人於洋貨堆集之現象下。必

有半數人失業。借百億堆集。吾人致之無方。若生活未增高。損負未加重。吾人尙可以憑體力備生。認真社會上發生以下之言論。造成吾人担負自然增高。

一、不需衛生品者。爲不衛生。不衛生者。必然失業。是則衛生又須金錢。

二、衣冠不時髦者爲腐化。腐化分子。必然失業。是則免去腐化頭銜。又須金錢。

三、不知科學者爲廢物。人呼廢物。必然失業。是則要求不爲廢物。又須金錢。

四、有子女不予以自由常識者、爲專制野蠻。專制野蠻。子女必然反抗。是則不爲子女反抗。又須金錢。

上述四則。即今日社會上之時論也。在在使人耗費金錢。但怒潮之來。吾人尙可以用頑固二字抗之。而苟全性命。所謂笑罵由他笑罵。頑固我自承之。詎意此外又有以下之幾條担負。

一、國家公員。只應有四百分之一。中國公員。已達百分之一。比額外公員之


薪式增高生活費。須國人担負。

二、此百分一公員之光前裕後費。（如老太爺做壽、大少爺遊洋等費）。須國人担負。

三、每年匯英匯美匯日匯滙之款。須國人湊出。

四、每年國家之建設費。須國人担負。

上述四條。乃吾人求生乏術中之又一担負也。但政府公員入不敷出。均能調和於非法。未必人民臨死猶拘守法律。當然各憑本能。仍以非法手段而調和之。其調和之法如下。




根據右圖。國人於呻吟不已中。依然經濟調和。但調和出於非法。當然逼出下列之兩態現象。

- 一、貧人不能生活。流為兵團匪共。
 - 二、富人不能處世。流為劣紳土豪。
- 以上所述。即人民之入不敷出也。


六、結論

根據上述。中國因人民失業。生活增高。工資力賤。食貴金賤。種種關係。而演成入不敷出之結果。是為經濟失調。在舊日政府公員人民三方之出入。均能相比。所謂人民納賦稅奉與政府。政府發俸餉予與公員。公員購國貨歸還人民。經濟之流通。乃循環式而周轉。(如甲圖)。

甲圖



乙圖



自世界交通以來。國人高唱開道、改良、衛生、摩登。於是一般自命先覺之公員。將由政府領獲之薪俸。不歸還人民。雙手奉與外國公廠。人民輸出之金錢。成爲有往無來。(如乙圖)有往無來。久而必竭。於是乎人民失業也。生活增高也。工費力賤也。食貴金賤也。諸不良現象同時產生。結果中國人民之生計。官吏之薪俸。政府之收入。均爲歐洲機械奪去一半。此後人民政府官吏。又以非法手段而調利之。自然流爲貪官、污吏、土豪、劣紳、暴兵、盜匪、赤黨、漢奸、而交相營殺。中華文明之邦。竟淪爲古今世界唯一之亂國。此中華之內幕也。但中華人民之輸款。固是有往無來。而西洋工廠之收款。又爲有來無往。有來無往久而必溢。溢必設法投資。於是外國工廠。夥同外國政府。將此大批盈餘。作爲國債、借投中國。(如丙圖)但投而不加以限制。中國政府能將是款散給貧民。國內經濟。仍趨於和。詎意列強對投資之中華政府。復脅之以下要求。



一、息率 由三厘至一分。視其需要之緩急、而定多寡。

二、抵押 地骨、地皮。財政機關。交通機關。視其所有而定甲乙。

三、用途 或利交通、造成西洋貨通行無阻。或練軍隊。造成國人內室操戈。

或普及西式教育。造成後生輩尊歐鄙華。視其借款人之視線。而定要求。

四、付款 以現有剩餘生產。折以高價。

五、利誘 每借款必有倒扣。俾經手人踴躍樂爲。

由上述五款暫求看來。中華人民有一分損失。政府即有一分債台。國格即有一分低下。亂機即有一分潛伏。結果中華強盛文明之邦。竟淪爲世界絕大弱國。此中國之經濟也。

第三章 論中國之金融

吾人生活所需。不止一門。而一人之智識能力有限。又不能兼作數事。於是同一事也。在甲爲長、在乙爲短。同一物也。在甲爲需、在乙爲餘。此自然之現象也。

。但需餘關係二人。本可以直接交換。詎意人數日多。所需日繁。因此需餘之交錯。關係每不止二人。演成物物交易、不能達中利之要求。補此缺憾。乃有第三位之產生。古人以皮爲幣。水火潮蝕均發生無謂之危險。繼以海貝爲幣。牆倒墮落、又產生無謂之消耗。均能使惰者得意。而勤者悵心。補此缺憾。乃以能分能合。不懼水火潮蝕破碎。勤者求之無悵心。惰者求之無幸運。亂時可以窖之土中。治時可以彰之身上之金銀爲幣。此人類之感覺同。而社會之進化、亦不約而同也。人生需品益多。金銀之功用益顯。直至今日。總統可以用金錢選之。敵國可以用金錢破之。法律可以用金錢撥之。仇人可以用金錢殺之。是謂之金錢萬能。利害關頭。阿堵物一變而爲神聖矣。

一、金融之定義

使需者不因第三位之牽制而不得。使餘者不因第三位之牽制而難送。使持金銀者買物便利。使勤於生產者有金可儲。需餘與金銀融而和之。是之謂金融。

國家之治亂。遠系乎人民之三元經濟。近系乎人民之物需接濟。再近又系乎社

會之金融狀況。蓋社會上萬物堆集。分配無方。人殺人與荒年同也。馬克思調和社會經濟。謂生產則各盡所能。分配則各取所需。予以爲人果純良如此。則剖斗折衡而民可望不爭矣。列寧尤甚。謂廣印盧布。府庫既充。人民需餘又得融和。似一舉而兩得焉。孰知金銀冶礦之難。紙票印制之易。自然一枚雞子、價爲盧布十萬。須知經濟學者。重實際之學問也。處處出於自然。絲毫不容強爲。但非平心靜氣、不知自然之底蘊。非識透人情、不知強爲之無益。望學者三思之。年來一般學者。只見拜金主義之不良。而未見交易之不易脫離金銀。彰其過而隱其非。謂金銀當廢。未免因噎廢食。

二、舊日之金融

中因在民元以前。金銀與生活品爲自然之融和。雖各省銀錠之外狀不同。但政府未司銀幣之專造。銀錠可改變外狀而流通於全國。今日爲甲地之甲狀銀。明日可爲乙地之乙狀銀。金銀聚於某地。某地之銀必賤。金銀虛於某地。某地之銀必貴。國人惟利是圖。金銀每不脛而走。分佈全國、頗覺平均。社會上有若干人。可望有

若干銀兩、周轉於市。餘者變爲庫儲銀飾。成爲貨物。非有權帝王、百萬富翁、有操縱之可能。故手工業時代。未聞有金融恐慌與操縱金融之奇語也。

三、今日之金融

今日中國之金融狀況。顯然失和。凡有商務之區。銀根奇緊乎。奸商操縱乎。幾成道不絕口。淺者每歸咎於經濟侵略之列強。運走金銀。是則未免呆視金銀矣。蓋以事實論。美國大條銀運滙。無月無之。除民二十三年有大批銀元由滙輪出外。鮮有銀元出口之事實。足見列強今日侵略中國。志在推銷剩餘生產。非爲謀取金銀也。換言之。美國大銀條、亦剩餘生產也。但中外通商。列強運來中國價值約百元之熱貨。僅運走價值約五十元之生貨。此五十元之紅利。既未運金銀回國。又何以處置乎。作者考查。原安置於下列之六條路上。

一、作爲國債。息借北政府者。約二十億元以上。

二、八十年來。外國人之僑居中國。以舊日之寡。今日之多。平均之。每年約計六萬。以日人之險。英人之奢。平均之。每月每人合消費百元。自五口

通商起。至今日止。共八十年約消費六十億元以上。

三、建築於中國之鐵路、房舍、輪船、（合香港澳門）約值三十億元以上。

四、八十年來新舊兩教之佈教經費。如教育、醫藥、書籍、等。約耗洋十億元以上。

五、五十年來華僑匯回之款。約對消二十億元以上。

六、匯豐、花旗、正經、匯理、四大銀行。為擾亂中國金融計。並預備華政府借債之用。吸收中國硬幣。儲於行內者。約十億元以上。（獨匯理吸收漢半元、粵二角、儲於東京者。不下二億元）。

上列六項合計。為數約一百五十億元。寬限之。權算一百六十億元。列強自五口通商以來。最初之年。入超約百萬兩。去年。（民二十三）入超約近四億元。平均之。每年合入超二億元。八十年。剛合一百六十億元之數。而此巨數中。國債尚列樞案。不動產尚陳列中國。生活費、傳教費。已用還中國。華僑匯款、業已抵消。儲於行內者。尚在庫中。此次棉麥借款、小有挪動。此列強侵略中華之總賬也。

不惟無運走金銀之事實。直無運走金銀之企圖。足証中國金銀之未必漏出外國也。但中國金銀、固不漏出外國。而美墨金銀、反而不斷進入中國。（大銀條）。是則今日中國金銀。已多於閉關時代。金融應較閉關時融和。然爲理也。何以金融恐慌之言語震動全國。豈奇事乎。是作者一再考查。致之有以下三因。

一、生活增高 社會金融。因生活之高低，而調和之銀數亦有多寡。如前清常人每月生活在五錢紋銀時。全國之金融。只須三億兩紋銀。即可以得到融和。如今日之美利堅。每月常人生活爲五十元時。全國須五十億銀元之金銀。方克得到融和。換言之。全國須有全人數一月之生活代價。方望金銀與生活品融而和之。多者亦變爲銀飾。少者必發生澀滯。此古今金融之金銀數也。據此推論。中國常人生活在五錢紋銀時。全國有紋銀三億兩，即可融和。今日生活增高至十元。當然須五十億銀元之金銀。方克融和。查中國今日國內流通之金銀。斷無五十億元之數。此金融恐慌之因一也。

二、金銀減少 中國前清。合首飾銀錠計之。平均每人可得二兩紋銀。約在十

億兩左右。自輪船交通以來。美國運送大銀條。每年平均萬條。每條平均千兩。八十年約在八億兩左右。國內採礦數十年。權算得到二億兩左右。三共權算二十億兩左右。此中國國內今日應有最多數之金銀也。然此二十億中。數十年翻江落海水災之損失。權算一億兩左右。四大銀行之收儲。權算七億兩左右。二十年來國人避兵避匪。及土匪以土爲庫。而窖之土中者。權爲五億兩左右。三共約在十三億兩左右。是則今日流行於市之金銀。合首飾計之。反少於前清之數矣。此金融恐慌之因二也。

三、地界限制 國家之金融狀況。須全國人聯爲一氣。方能一國調和。若各地自爲壁壘。一旦爲奸商操縱。自然趨於恐慌。中國自上海商業發達以來。漸次省與省交易漸少。再加土匪梗阻。幣上鑄有地名。幣質水低。各省限制現金出口。種種關係。演成省與省間不能融通。操縱有人。隣省如隔河觀火。此金融恐慌之因三也。

中國今日之金融。既有上述三因。已經難免融和矣。加之銀行家以一元資本。

出三元鈔票。以一元鈔票、出三元支單。再如晉豫鄂蜀湘皖之外縣商店。以一串錢之底本。出兩串錢之錢票。於是硬幣則深藏庫中。軟幣則充斥市面。人之於紙幣。成爲風聲鶴唳。因此而恐慌矣。查王中平東京進攻上海。中央有向人民籌借愛國捐四億之議。即使國人盡皆卜式。試問全國之金銀。能否有四億之數。各省用銀券繳納。中央是否有用。全國人將家產捐贈中央。中央能否派員接受。滇省用大錫茶碟鴉片繳款。中央能否適用。足見金融失調之國家。不惟政府不能治國。即人民亦不能愛國也。

四、世界對於中國之金融

近二十年來。列強政府眼急手快。用科學方法、將中國全國之金融命脈。直接間接握之手中。甚且朝使中國金融混亂。中國金融、夕即發生恐慌。至於羣餘生活之中央政府。列強朝扼其經濟源頭。夕即枵腹停炊。尤其是寄居上海租界之中國偉人。領事朝下緝捕之令。夕即身遭縲絏。試思中國之金融。列強司其調亂權。中央公員之薪俸。列強司其發放權。中國之要人。列強司其緝捕權。四萬萬人與十八省

政府。猶云抵抗。未免掩耳盜鈴矣。但列強何以能間接直接操縱全國之金融乎。緣中國關內十八省。平均之。每省最少有一官一商兩銀行。各行平均之。每行最少發行五千萬以上之銀券。凡云銀行。誰非具一分資本。做三分買賣。凡做洋買賣者。誰能脫離上海之關係。凡做上海生意者。任其買款、賣款、匯款、頂款。終極仍歸熟貨進、生貨出。但同是交換也。辦熟貨固是華人赴滬向洋商求賣。而辦生貨也。仍是華人運滬向洋商求買。自列強宰割非洲後。歐洲工廠之原料、本來不缺。於不缺中而能收買中國原料者。本是故予華人以一線生機。若列強對中國一旦反面絕情。朝宣布停購中國原料。中國原料、夕即成爲廢物。不惟生產原料之工人失業作亂。甚至商家魚鏢式之資本。必宣告破產。平均一家銀行、連累百家商號。一家商號、連累百家存戶。一家存戶、平均五口生命。足見上海五國洋商。除操縱全國之金融外。復操縱國內頗多人之生死權。與國家之治亂權。其層層相因之狀況如下圖。

原
书
缺
页

原
书
缺
页



五、中國對於世界之金融

天下事、利害本來相對。不過利居於前者。則害伏於後。害居於前者。則反之。短視者見其前而忽其後。誤為絕對耳。查列強對中國之金融操縱。固是特有把握。常人度之。以為中國全無反抗之可能。而刀俎魚肉之勢成矣。孰知未盡然也。蓋列強停購中國之生貨。固足以使中國經濟失調。但中國停購列強之熟貨。尤足以制其死命。緣今日雄霸世界之政府。厥惟紐約倫敦東京巴黎羅馬五白色主義。而五政府之所以敢橫行世界者。本自恃其陸海空軍。其陸海空軍之所以聽命於政府者。因

領得政府之薪餉。政府之所以有若干餉資者。全恃其鈔票有效。其所以鈔票有效者。因其工廠發達。剩餘生產推銷有路。其剩餘生產唯一之消路。即忠忱消費之中華民國。果爾國人發怒拒銷之日。即五強國內、工廠倒閉、銀行躋兌、失業人充斥、軍隊叛變、全國鼎沸之日。亦即中國民業恢復、上下相安、慶賀昇平之日。其層層相因之狀況如下。



六、合論

中國債日之金融狀況如彼。今日之金融接况如此。列強操中國之金融權、為收

買生貨。中國操縱列強之金融權、爲代消熟貨。已如上述。但五政府之近鄰。無中國之兵艦游弋。五政府方寸無怨。可以對中國作有統系之開明侵略。南京現有五國砲艦監視。華政府方寸有恐。未敢作開明之反抗。二十年來。中外經濟戰爭之所以中負者。職是故耳。由此觀之。操列強經濟之大權者。非中華之政府。而爲中華之人民矣。但中華自民元以來。列強對人民咄咄見逼。國人對列強怒不可遏。於怒不可遏中。而能盡忠消費於見逼者。豈奇事乎。作者考量。其造成之因有二。

一、爲誤解文明。緣人之文明有三。一爲精神文明。粹於印度。二爲物質文明。粹於歐洲。三爲人生文明。粹於中國。（詳於上篇）列強欲使國人忠忱爲其傾消。乃用精神征服。使國人放棄固有之文明。而迷信其文明。此國人忠忱傾消之因一也。

二、爲蠢視國人。中國地大物博。向來獨立爲國。需物無缺憾也。自五口通商、西洋工業征服中國手工業以來。演成洋貨充斥。土貨減退。非國人之不能生產。乃生產無利而不樂於生產也。須知洋貨退出之日。即生產土貨有利之日。亦即是貪

利者低頭生產之日。閉關時代。未聞飢寒。未必西貨退出。即陷人於飢寒也。一般人拘於今日之習慣。忘却固有之能力。不以洋貨戕殺中國手工業爲可罪。而以洋貨濟需國人爲有功。似乎國人既蠢且愚。無泊來品之接濟。不能生存矣。一人唱之。衆人和之。斯論竟爲鐵案。此國人傾消外貨之因二也。

既有上述二因。一般智識分子。不談排斥外貨則已。苟其談之。不云外貨不入而土貨自新。而云未能生產土貨、如何拒止外貨。不云四萬萬人爲有意識之生產機械。而云歐洲購來者。方爲生產機械。其舍近圖遠之行爲。火上澆油之思想。受歐人唯物文明之麻醉深矣。然最不可侮者真理。最易戳破者紙窗。敢斷言國人災難重之日。方是猛然覺悟之時。非空口勸化所能有效者也。

第四章 中國今日失業人數之估計

附再論業之定義 業者何。生業也。法律許可人類謀生之行爲也。人羣中法律雖然許可、吾人不能謀生之行爲。(如義務)非業。足以謀生、未經法律許可之行爲。(如娼盜)亦非業。法律許可、吾人暫時可以謀生。將來期吾人捨死之行爲。(如

待戰之兵）更不得名之曰業。此外上自國家元首。下至車夫走卒。法律許可能安全謀生之行爲。無不爲人之生業。

附論業位 人海茫茫。業務紛紛。中國之失業人數不易知也。更進一步。一人由朝至暮。所作不止一事。一事由始至終。所作不止一人。同一事也。今日甲人棄之。明日乙人求之。同一人也。今日得某業。明日又失某業。不惟不易調查。即業於人之眉目亦未清也。然則失業人爲是書之骨幹。豈可畏難而不問乎。是作者一再思索。得一估計之方。其法無論產業、生產業、職業、雜業。凡可以生活一人之最。小單位。是爲一個業位。譬如一份財產。或一件事業。不問其享受者何人。操之者何人。祇問斯產斯事能生活若干人。是爲若干業位。準此追問中國現在之總業位究有若干。然後由總人數中減去之。餘者即失業人數也。

有業方能生。人生必須業。業者、生路也。已如前篇世界論所述。今日西方工業革命。機械兼人生產。成爲無生命之死機械。奪有生命活人之業。狡智之歐洲政府。互將剩餘生產移禍鄰邦。成爲甲國之死機械、奪乙國活人之業。中國國大人衆

。消費者廣。衆強環而投之。成爲世界之死機械。奪中國活人之業。中國自關稅權喪失以來。如人繫上足鐐手銬。甲午敗績。如人顛踣於地。此後倫敦之三哀思政策。柏林之三比政策。聖比德（帝俄）莫斯科之東方政策。東京之大陸政策。紐約之三哀政策。巴黎之遠東政策。皆以上海爲終點。其他在六政府後、助威吶喊之小政府。在六政策後、拾取殘餘之小政策。不知凡幾。成爲擊猛虎和衷共濟。分虎肉行賞論功。自蘇彝士巴拿馬兩運河開通以來。世界上凡生產剩餘之國家。無不將剩餘生產傾銷國內。今日世界上之國際現象。視其表、固是列強互相虎視。齟齬屢起。窺其髓、儼然列強神友貌仇、故爲矛盾以調弄中國。自歐戰以還。列強感分贖之宜平。公組分贖機關於日內瓦。美其名曰國際聯盟。對弱國侵略方式相同之政府。無不加入。甚至將被侵略之中華。亦捧入參加。該機關認爲天經地義之國際現象。即現在歐人雄霸世界之國際現象。亦即中國披枷戴鎖之危殆現象。是則中國脫鎖卸枷。即是違反國聯章程。尊重國聯章程。即是自甘戴鎖披枷。此國聯之真面目也。

一、中國人在閉關時代之生業

中國人數爲四億七千萬。本出於清末調查。當時國人惑於人頭抽稅之謠。實數恐未止此。但無論多寡、權以此爲根據。但此四億七千萬人。在閉關時代。智者享受職業。(做官爲吏)。老幼享受產業。健者壯者享受生產業。廢者享受雜業。男可耕樵。女可紡織。貧可卜相。疲可算命。老有養老院孤院。幼有育嬰堂孤兒院。嫻有敬節堂。病有養疾院。簡言之、除惰者外、無有不能生活者。其生活狀況大別如下。

甲、產業

中國既有四億七千萬之人數。人壽平均花甲。每歲人數相等。是則十五歲以下之幼小。四十五歲以上之衰老。合有人數之半。社會上雖有健壯坐而享受。老幼日入方息。但幼年坐享祖宗之遺產。衰年坐享壯年之國儲產。本爲世界不約而同之習慣。富者阡陌連雲、產也。貧者家徒四壁、亦產也。是則根據習慣。中國應有半數人生活於產業。約業位二億三千五百萬。

乙、職業

國家當政治清明時，官合占人民萬分之一。吏合占人民千分之一。役合占人民五百分之一。中國四億七千萬人之國家。合有官吏役約百萬。此百萬人由庫款生活。是為百萬職業位。

丙、生產業

四億七千萬人中。十六歲起、至四十五歲止。泰半生活於生產業。其業位約在二億左右。但同為生產業也。又可分為農工二項。中華以農立國。論理農業位應占泰半。又因耕者每日工作八小時。可於一百八十日內完畢農事。其餘時間。須覓農以外之工作。方能達到生活。是則此二億人主業上雖云農多於工。合副業計之。仍屬農工參半。合有一億人生活於農業。餘半生活於工業。

丁、雜業

除上述三業之外。尚有業位三千四百萬。則為商賈、運輸、遊戲、文字、醫、卜、星、租、僧、道、屠、巫、等之雜業。


戊、合論

上述中國四億七千萬人。合有四億七千萬位生業。所謂一位生業者。每日三餐飯、一領衣、一席地、之來路也。但人之於業。雖未固定何人應享何項。緣爲官亦可置產操藝。農工商亦可求官。然絕不能一人兼享二人之業。緣富翁雖富。每日所需有限。此外仍歸他人享受。智者萬能。心思所專唯一。此外仍委之他人辦理。足見世界上有一人必有一業。斷無人衆業寡之理。諺云。天生一條虫、地生一根草。斯言誠不謬也。

二、世界交通後中國人之生業

中國自民元以來。兵禍綿延。枉死者不下千萬。此外自然生與自然死。權算對消。是則今日人數應減於二十年前矣。作者考量。今日中國人數權算減少千萬。其各執一業而生。應有下列之人、就下列之業。方算經濟調和。（如下表）

今日國人享受業位表



中國人果能如甲表就業。則十八省方望國泰民安。詎意中國科學落後。生產衰落。列強握我稅權。而脅投餘貨。於是自然造成中國業寡人衆。但國人失業。有目共睹。究竟失業之程度若何。至今無人注意。作者兩度步遊十八省。實地考查。所得之結果如下。

甲、產業位之喪失

今日國人產業之喪失。其說不一。有謂今日朱毛尙未成功、無失產之可言。有

謂政府隨時賤價收買民產。失產者比比皆是。予觀之。兩說皆皮毛之見也。蓋前說則華人失之、華人得之。後說則人民失之、政府得之。均爲楚弓楚得也。然則豈真無損失乎。又非也。查中國今日境內、現有鐵路馬路二十餘萬里。飛機場七十餘方。二共約占民田數萬頃。約毀民房數萬幢。以中國人來自勤儉賴以謀生之產業。化爲汽車煤油鋼鐵三大王之消貨場。歐美剩餘生產之輸入路。華人則傾家破產。洋人則錦上添花。其中外之得失、相去遠矣。大約平均每傾造成失業地主三人、房主二人。合計約喪失業位百萬。

乙、職業位之猛增

今日中國人之職業位。增於前清多矣。如河防漕運府道、雖已裁撤。但新增之省縣、足以抵消。餘皆易名保留。此外凡世界國家所有者、中國無不有之。最顯然者。如有一行政機關。即有一黨政機關。其他如議會、工會、商會、同業公會、紅十字會、等。則遍布國中。各機關之人員。任其義務爲詞。然必有相當之人、盡職而生。故中國今日之職業位。合高出前清一倍以上。約二百萬左右。

丙、生產業位之喪失

生產業、內含農工兩項。關於農業一項。視其表。今日農作機尙未入國。似無業位之喪失。髓窺之。絕對不然。緣先有食物、然後產生食食物之生物。（如先有米、然後有蛙。先有水、然後有魚。）斷無有人而無食物之理。中國閉關時代、未聞食物不足之語。而且尙以餘糧釀酒飼畜。粵省農業稍次。但魚業發達。亦可以餘魚交換湘桂贛之餘米。粵省尙無糧荒之虞。他省更可知矣。三十年來。中國尙以畜力代耕。每年產米麥一度。（湘桂贛有二度者）、因此糧食之成本稍大。暹羅、安南、印度、氣候炎暑。每年出米三度。兼以機力代耕。當然成本較低。而且有剩餘之憂。又值中國關稅失權。當然低成本之外糧。戰勝高成本之內糧。而內糧退爲剩餘。如廣東一省。安米進而桂米退。黃河兩岸。美麵入而華麵難消。泥今者、竟有中國食糧不足之杞憂。粵人竟謂安米停進。粵人僅得半飽。國人見解若此。誠足憂也。但美麵安米之浸入程度若何。以民國廿一年計算。外糧入口。足敷國人五日之飽。二十二年之棉麥借款。（麥約占半）大約可敷國人十日之需。惟是外糧入口。中

國糧荒弭消。何損失之足言。緣外糧入口。必威逼內糧剩餘。剩餘則賤。賤則農民自奉以外之餘糧。不能易其他必需品而生活也。農民業農不能生活。當然賣牛買刀。作者估計、大約外糧入口足敷國人一日之食。能造成失業農民三十萬。外棉（外紗、外布、外衣、亦棉之變象也。）入口、足敷國人千萬人之衣。能造成失業農民二十萬。今日合自由浸入棉麥借款計之。大約每年麥可供國人十日之飽。棉可供國中億人之衣。準此推算。今日中國之農業位喪失。應有五百萬之數矣。

關於工業一項。約占生產業之半數。爲九千八百萬。此數中、衣業約占泰半數。爲五千萬。其他工業共占四千八百萬。衣業中紡工一人供十五人之紗。約占三千萬。織工一人供四十人之布。約占千二百萬。縫工一人供六十人之衣。約占八百萬。今日三項之業位損失數目如下。

紡工業位應有三千萬。

鄂、豫、湘、魯、秦、晉、蜀、之手紗機。每錠一人、約保存手錠子二百萬。
合有業位二百萬。

京、平、滬、漢、津、粵、港、鄭、之中外紡紗工廠。現有機械錠子五百萬。每萬錠容工人千名。合有業位五十萬。蘇浙川湘贛之縲絲工人頗多。歸併其事。約占業位一百五十萬。

蘇、浙、川、湘、贛、桂、之製麻工人頗多。歸併其任務。約占業位百萬。

統計紡業共保存業位五百萬。共失去業位二千五百萬。

織工業位應有一千二百萬。

十八省、各省平均現有手織布機（手織襪機在內）約十五萬梭。共有業位二百七十萬。

京、平、滬、漢、粵、港、現有中外電織梭。約百萬。每萬梭約需工人三千。

共有業位三十萬。

統計織業共保存業位三百萬。共失去業位九百萬。

縫工業位應有八百萬。

現國人約有十分之七者着華服。每六十人可容一縫紉工人。約合業位五百六十

萬。(家庭婦女縫紉亦在內)

國人現有十分之三者着西服。縫紉用機械。約需縫工二十萬。裁工二十萬。共有業位四十萬。

統計縫業共保存業位六百萬。共失去業位二百萬。

上列關於衣方面。合紡、織、縫、三業。共約喪失業位三千六百萬。其他雜生業三千六百萬。大約鹽業位約占七百萬。漁牧業共占七百萬。房舍建築業、約占四百萬。樵木林煤業。共占四百萬。均能保全。此外金屬業約占七百萬。雜生產業共占七百萬。其得失分述於後。

金屬業位約七百萬

礦工冶工業位約三百五十萬、保全。(大庾嶺鎢礦發現。大冶箇舊以機械運礦。得失相抵)

造器業位約三百五十萬。內中金銀工約占百萬、保全。銅錫工約占百萬。失去半數。鐵工約百五十萬。大約喪失八成。外加江南漢陽廣東成都德州、以及各

省之機械廠兵工廠。工人約七十萬。大約失去業位百萬。
統計金屬業共失去業位百萬。

其他之雜生產業位。約七百萬。

此百萬中。如華紙見扼於高麗紙。華藥見扼於西藥。毛筆見扼於鋼鉛導。江西盜見扼於安南日本盜。以及其他華人製造物、見扼外國製造物。合計之。權算喪失業位二百萬。

以上生產業合農工計之。應有一億九千六百萬業位。今僅存一億五千二百萬。合喪失業位四千四百萬。

丁、雜業位之得失相抵

雜業位約占三千三百萬。如運輸業減少。買賣業增加。塾師減少。教員增加。城隍廟減少。福音堂增加。中醫減少。西醫增加。郵政局發達。驛站取消。統言之、中四文化推盪。新舊業此消彼長。姑無論忘本翻外。迷信陳腐。統爲國人謀生之業。得失原相抵也。

戊、業位喪失之總數

以上所述。產業位喪失約百萬。職業位增加約百萬。恰可抵消。雜業不生得失。然則中國人之業位喪失。僅生產業位四千四百萬而已。明末陝西大飢。四十萬飢民挺而走險。殺聲遍十八省。流血逾四十年。演成空前浩劫。今日飢民百倍往日。其亂象可想。

三、根據喪失業位、而推論中國之失業人數

中國人之業位喪失、至四千四百萬之多。但此已喪失之業位。每位僅容一人。全國僅有四千四百萬失業人乎。未必也。是則中國今日之失業人。應有以下之程度及數目。

甲、全失業

所謂全失業者。即完全喪失生業之失業人是也。占失業位之大多數。大約占業位二千四百萬。每位容納一人。約二千四百萬人領受之。

乙、半失業

所謂半失業者、即未完全喪失生業之人是也。是項人若謂其失業也。而又日在營業。若謂其保業也。所操之業、又不能得到生存。如機械勢力下勉為營生之手工業。大資本勢力下勉為續命之小買賣業。在政治軍事機關、月領乾薪之政治業。師多徒少之教育業。留學歐美、家資耗盡、有才難展之留學生。以及其他似失業非失業之人屬之。占喪失業位之少數、約失業位二千萬。每位容納二人。約四千萬人領受之。準此中國喪失業位固是四千四百萬。而領受之人已達六千四百萬矣。

丙、急性失業

所謂急性失業者。無論全半失業。失業時間過長。家無餘資之失業人是也。約占失業位之半。為數約二千一百個失業位。

丁、緩性失業

所謂緩性失業者。無論全半失業。失業時間未久。一年以內、尚無凍餒之虞之失業人是也。約占失業位之半。為數約二千二百個失業位。

四項失業位與人數如下。

失業程度

喪失業位

失業人數

急性全失

一千二百萬

一千二百萬

急性半失

一千萬

二千萬

緩性全失

一千二百萬

一千二百萬

緩性半失

一千萬

二千萬

根據上述。中國目前有凍餒之憂之急性全失業人。已達千二百業之數。但現在物質文明、突飛猛進。今日一人指揮機械。可奪十人之業。明日一人指揮機械。可奪二十人之業。現在之生活程度。如出土春筍。今日之奢華品。即來日之生活品。今日之奇病。即來日之常病。由此推論。今日之半失業與緩性失業。即來日之全失業、急性失業。亦自然之進化也。

四、一千二百萬急性全失業人之五條歸路

中國一千二百萬急性全失業人。飢寒交迫。仰屋興嗟。已如上述。但此頃失業人。於不能謀生之情況中。何所歸乎。作者考查。歸落在下列之五條路上。

- 一、挺而走險、手執武器、名爲軍隊者、約三百萬。
 - 二、挺而走險、手執武器、名爲團防者、約五十萬。
 - 三、挺而走險、手執真刀或假槍。半偷、半騙、半搶、之匪。約二百五十萬。
 - 四、挺而走險、手執武器、打家劫寨之匪約五十萬。
 - 五、挺而走險、投入共黨而生活者、約五十萬。
 - 六、懦弱無能、落爲乞丐者、約二百萬。
 - 七、明娼約百萬。
 - 八、暗娼約二百萬。
 - 九、廉恥衝動、投入軍匪共而無門徑、平均每日自殺者、約五十人。
- 上述九項。即千二百萬急性全失業人之九條歸路也。亦即中國今日失業人數之估計也。

第六章 四億七千萬人死中求生之窮理

中國四億七千萬人。感受人衆業少、生活增高、金賤食貴、力賤工貴、之痛苦

。逼成貪官、污吏、土豪、劣紳、暴兵、盜匪、赤黨、漢奸、八項人。八項人各執一詞、互彰其罪。交相殺害。已達二十年之久。死於戰場、法場、匪禍、兵燹、飢寒、自殺、之枉死者。已達千萬之多。此千萬人之枉死也。玄學家則歸之於因果定業。科學家則歸之於憂勝劣敗。以前說爲是。死者屬於惡人。以後說爲是。死者屬於拙夫。甚至日本人鄙華人爲善於私門。歐洲人鄙華人爲劣等民族。既遭人殺、復遭人罵。人之不幸、未有勝於中國者也。然死者已矣。活人尙多。往日已過。來日方長。未死之四億六千萬人。此後能根本避開此九條死路。亦不幸中之大幸也。詎意今日民於中國。無論男婦老幼、誰敢必將來得到善終。共產黨尤虎狼成性。謂已死者爲先烈。未死者爲後烈。其對於人死之鼓勵。可謂極矣。讓步言之。果然死樂生苦。則蹈海投繯皆可以死。又何必訴之槍砲。生前受痛、痛極方死。古人云。天地之大德曰生。又曰生生之謂道。望邊兵自危者。三復斯言。

生物必貪生。人決不樂死。有五千年文化之中國人尤然。理者、人之生路也。欲知今後中國人心理行爲之趨向。須考查其九死一生之生路何在。欲知國人對我

救國言論之從違，須自問言論對於救國與生生之能力若何。果爲必生之路也。人趨之若水之就下。果爲救國之法也。政府視之。若磁石引針。非強生爲死，強是爲非、所能有效者也。今日之救國言論多矣。利於救國者，則背於生生。利於生生者，則近於誤國。其所以顧此失彼之故。緣理有未窮、知有未盡、因此而言不由中。不中之言、宜平其禍世殃民也。作者反覆考之。今日中國人之千災百難。發源於四種關係。一爲白色侵略。二爲赤色侵略。三爲政府失固。四爲武人違法。而四者同發源於業寡人衆。若探其病根而緘之。則藥到病除。若捨本問末。當然顧此失彼。茲分論於後。

一、如何制止白色侵略

所謂白色侵略者。即以政府爲中樞、以本國人民之幸福爲前提、向他國施行經濟、文化、政治、武力、之征服。剝奪他國人民之幸福、以增進本國人民之幸福、之行爲是也。近年世界上顯然向中國侵略之政府甚多。茲舉其尤者如下。

倫敦。華盛頓。東京。巴黎。羅馬。

上述五政府。即今日世界上專事侵略之政府也。今日中華人民之災難重重。世界人類之幸福渺渺。均以五政府之侵略行爲爲原動力。若中國人能制止其侵略行爲。則禍去福來。否則難言生存也。但五政府對於他事。利害無常。因之友仇亦無一定。惟有對於中國。利害絕對相同。當然和衷共濟。若華人參透此理。對五政府不分友仇。一律對付。五政府之狡計難逞。可望同時斂迹。若中國想聯甲攻乙。聯乙攻丙。則五政府甲作巫師乙作鬼。終歸欺人自欺。故分攻合攻。又是中國人之成敗問題。今日五政府之於世界。足稱霸矣。然五政府未必萬長。中國未必萬短。以長攻短。勝之基也。以短攻長。敗之由也。但以長攻短。人皆知之。其所以不能操算之故。因人我長短。尙未審實耳。故審查人我長短。又爲中國人之生死問題。竊觀古今戰事。無論大小。其戰略不外武器、經濟、道德、三項。茲分究三項人我之長短於下。

甲、武器戰

所謂武器戰者。即以殺人利器而威服敵對者是也。舊日兩軍作戰。武器爲槍刀

戟劍。今日物質文明，武器爲槍車艦機。五政府爲文明先進。自是武器犀利。中華科學落後。當然遜之。中外一旦作戰。陸軍權算中國優勝。但以海軍而論。列強合有海艦八百萬引以上。（引字代噸，頗覺生硬。因作者是中國人。不便放棄祖國之度量衡。祈閱者諒之。）以上。中國合新購之寧海艦計之。不足八萬引。欲求兵力相等。尙不足七百九十二萬引之多。軍艦之價值。每萬引合華幣千萬元。約需洋七十餘億元。又以空軍而論。五政府現有飛機四萬餘架。中國合中央與十八省計之。不上千架。欲求兵力相等。尙不足三萬九千架之多。戰鬥機每架平均權算華幣二十萬元。又需洋七十餘億元。再加作戰費權爲六十餘億元。三共合華幣二百億元之巨。以四億六千萬人攤之。每人已攤合四十餘元矣。試問中國合黃童白叟。能否有四十元之財力。中國二十年期限能否艦機增加至上擬之數。二十年中、達到此數。能否制止列強之武力增長。中國傾國力而破釜沈舟。能否期其必勝。皆不能也。足見武器戰、恰是迎合五政府之長。中國與列強、不惟無武器戰勝之希望。直然無武器作戰之姻緣。但五侵略政府、高唱生存競爭。頗呈武力自持之驕態。我短適爲彼長

。我避彼必加之。中國又計將安出。須知武器之爲戰具。既足以殺人。復足以戕己。其殺人自殺之關鍵。原聽命於經濟。若列強以武器進攻中國。中國人能於經濟上扼之。五政府之武力倒戈自殺矣。（如中國經濟失調。三百武人禍國二十年。是其例也。）足見武力於國之利害。原相對也。

乙、經濟戰

所謂經濟戰者。即用種種方法。造成敵國之經濟失調是也。緣武力固足以制敵。但力量之成立。又聽命於經濟。譬如兩人對敵。以武力言、是力大者勝。以經濟言。是腹飢者負。兩軍對敵。以武力言。是兵多者勝。以經濟言。是糧寡者負。是以韓信制項羽。垓下先餒其腹。則拔山之勇無能爲矣。曹操破袁紹。烏巢先焚其糧。則四十萬人無能爲矣。列強破暴德。先斷其外糧之來源。則科學無能爲矣。若與項羽較力大。袁紹較兵多。德國較科學。是自尋失敗也。但先破經濟、後破武力。本爲古今唯一戰略。而作戰者未曾出兵、先固經濟之大本。職是古今戰事之所以難決也。

今日五侵略政府。以國內之剩餘生產。傾銷中國。而全國之陸海空軍、攻人攻己。又聽命於薪餉。薪餉多屬銀券。銀券之效率。又聽命於銀行。銀行之生命、又聽命於工廠。工廠之生命、又聽命於生產之傾銷。生產之消路若何。又聽命於華人之迎拒。窮追因果。五侵略政府之經濟命脈。已爲華人所握矣。利害關頭。列強應將此掌握經濟大權之中國。尊爲神聖。乃利害茫然。反而侮之辱之。初生之犢不畏虎。庶乎近焉。此後五政府不以武力加諸中國則已。一旦加之。中國以手工生產停止代消之戰略對之。則五政府之國基動矣。足見武力者、經濟之子也。但五政府何等機警。安不知己之所恃者、爲相對之武力。人之所操者。爲絕對之經濟。不過國人惟西洋之潮流是順。忘確己之所長。若輩暫時高枕無憂耳。

丙、道德戰

所謂道德戰者。即以言行而屈服對方是也。蓋人、生物也。原有貪生懼死之念。若有人造成其生、或阻止其死。必銘心刻骨而感激之。凡存感激之念者。其心理行爲言語、必傾向被感激之人。此非種族國際之界說、所能淆亂其情感者也。又人

有一種天性。爲絕對倔强。所謂倔强者、口服心不服是也。即如甲人用武力或經濟征服乙人。乙人雖暫時屈服。然終久必叛。如今日亡國人民之不時暴動。柏林政府之側目於巴黎。職是故也。惟有被征服於道德。精神上心口如一。時間上始終如一。如孔子之於中國。耶穌之於歐洲。瞿曇之於印度。諸葛之於南蠻。之征服是也。百年來列強深知征服之方。對於世界、一則曰武力。二則曰傾銷。三則曰布教。對於中國、一則曰鴉片戰。二則曰關稅協約。三則曰教士在各省置屋布教約。其步驟原有序也。中國現有之四萬萬人、不爲少也。亦不爲多。若對世界損人利己。實行武力征服。則中國今日產生一漢武帝殺出世界。五政府明日產生一元世祖、殺進中國。似此無限次之殺進殺出。此人數剛足以敷馬革裹屍之用。是則未免少矣。若對五政府實道德征服。祇須着準世界人災難之所在。少數人同聲一呼。不惟五政府俯伏在地。敢必其世界亦應聲進入大同。是則未免太多。其所以一念之差、正負如此相懸之故。蓋因中國過大。其他國家過小。中國人不提倡道德。其他國家戒於宋襄之敗。不敢依賴道德也。

丁、合論

根據上述，則中國對於五侵略政府之三種戰鬥效力如下。

武器戰、適顯以長。必自招失敗。

經濟戰、洽中要害。但終久必叛。

道德戰、最易征服。可期一勞永逸。

根據上列推論。中國欲屈服五政府。制止其白色侵略。須有以下之計劃。

一、最初實行道德征服。

二、道德之不濟、繼之以經濟。

三、經濟之不濟、繼之以武力。

能實行上述三條計劃。敢斷言五政府對於中國。心理上不能不服。事實上不可

不服。利害上不敢不服。是則積弱不振之中國。反而無敵於世界矣。但西洋征服世

界。是口唱汎愛。手持新舊兩約。中國征服四夷。是口唱仁慈。手持學庸兩書。印

度征服中國。是口唱慈悲。手持剛嚴兩經。已將被征服者、征服到五體投地。今日

中國征服五侵略政府。若仍高唱汎愛、慈悲、仁恕。手持耶約、儒書、佛經。即希望有效。則二十世紀無災難之產生。而宗教道化之本身、不受挫折於唯物派矣。果爾將何以作道德之標準乎。蓋人心中之道德。應分兩項。一爲固定道德。即古人經訓吾人之德言是也。上述慈悲汎愛仁恕。及五倫八德之言語屬之。二爲應時道德。即吾人根據固定道德。因時、因地、因人類之災難不同。隨機應變、臨時救濟人類之言語是也。如回氏之活用道德屬之。緣社會如人。社會亂如人病。道化如藥方。古人因時因地而闡發道德。在當時洽合病症。足稱良方。以後時變境遷。祇可稱之爲經方。所謂良方者。又歸領受痛苦之後人製造。但任是如何製造。亦不出經方之加減。若後人墨守成規、而規正社會。如憑經方而醫劇病。必無效而謂古人誤我。職是則中國人救濟世界。雖不可脫離仁恕汎愛慈悲三大道德。然大足小履之三大道德。不可廢也。

今日人類之痛苦、數倍往日。世界十六億人中。謀生無計者竟達二億之多。此非空唱仁恕、慈悲、汎愛、而能得到生業者。亦非其他小國、及經濟調劑之非英國

、有救濟之可能。吳爾中國不欲救濟世界則已。苟其欲之。應以生生爲前提。共業爲方法。近而解除國人之痛苦。進而制止五政府之侵略。再進而促進世界之大同。於孔氏之人生學、光大之。於耶佛之唯心學、擁護之。於回氏之道德學、吻合之。庶乎百世以俟聖人而不惑。可以傳世界人之五體投地矣。其三段攻擊計劃如下。

第一步道德攻擊。由中華失業災民。要求白色侵略之五政府。實行下列三條。

一、赦免二十萬人之死罪。停止未來之國際戰。取消國籍。俾世界之國家有固定之地區、而無固定之國民。

二、將形近囹圄之工廠封閉。赦免被囚之機械工人。

三、停止威逼失業人民之自殺。將生產大權、交還衆人以手工生產。

中國失業災民、實行三條要求後。設使五政府執迷不誤。以退化開倒車爲詞。不顧人民生業。仍然擁護機械。方施行第二步攻擊。

第二步經濟攻擊。中華失業災民。實行經濟革命。奪回人工。將列強佔消之剩

餘生產拒回。造成各國內亂。若列強仍窮兵黷武。諸執政者已犯不赦之條。則中國失業人民。乃實行第三步攻擊。

第三步武力攻擊。中國失業人民。喚醒世界之失業武人。實行倒戈、及經濟革命。此時恐各侵略政府。將有傾覆之虞矣。然我中華失業國。網開三面。諸基政者。未必不棄惡從善也。

根據上述。中華失業國以一年實行道德攻擊。以一年實行經濟攻擊。最後一年實行武力攻擊。不出三年。世無白色之怖矣。

二、如何制止赤色侵略

所謂赤色侵略者。即鼓動無產者向有產者攻擊。雙方俱皆流血、而造成第三者之富貴權位是也。聞其言則大公無私。究其實則我生人死。殺人措詞之巧。獵權方法之妙。足稱亘古第一。

共產之主張。本根據馬克思資本論。列寧加減之。人稱列寧學說。但不拘馬列。其思想對於社會之終極。為各盡所能、各取所需。試思本人之勤惰、不關本身之

溫飽。不拘何人、誰肯必盡所能。前提之如斯悖謬。其他枝葉。無足論矣。蘇俄小試。得一息農息工結果。飢殺人民至千萬之多。以千萬人之生命。換得一人之富貴。列氏大遂其慾。於心應足。猶思禍延人類。成立第三國際。希圖全世界有產無產互相殘殺。未免忍矣。察古今世界國家之政治。無不以人民爲主。政治俯就人民。斷無政治爲主。人民俯就政治之理。如醫病然。祇聞以方就病。未聞以病就方。如造履然。祇聞因足造履。未聞削足適履。詎意列密史丹林脫落斯基一派。迷信唯物政治。視主義爲天經地義。視人民爲主義之試驗品。如列寧試驗共產、飢殺人民千萬。不云主義不良。而云人民程度太低。其賓主顛倒之甚。真堪識者一笑。然列氏之顏赤厚矣。

查共產學說之整個身軀。原寄生於機械生產之現象下。設無瓦特之汽機發明。不惟剩餘價值無清算之餘地。即被攻擊之資本者。亦無所胎胚。故赤色侵略者。白色侵略下之寄生物也。若奪人生業之機械存在。有一人爲資本家。即有一人爲失業。者。正負當然對衡。否則、既無資本家爲標的。復無失業者爲劊手。無皮焉得有毛。

。故善弭赤者 與弭白同一手續。釜底抽薪。赤白兩怖同去。不善弭赤者。弭之於白色侵略之下。揚湯止沸。赤白互造良機。即如朱毛彭徐之黨。在此失業恐怖下剿之。必愈殺而赤愈堅。再緊逼之。是造成其以一當百也。進而言之。一旦繳械投誠。此數十萬失業人。又將何以生之乎。誰無家屬。誰無生命。設有生機。誰樂以戰場爲歸止。國人參透此理。不問其他。專務經濟革命。索回手工舊業。予彼以脫黨後生活之道。則五政府屈服之日。即朱毛黨徒散盡、孤身向政府自首之日。非意氣也。乃生死關頭。否之。彼輩當然以馬氏學說爲聖經。死中求活爲得計。一朱毛滅之誠易。無量數朱毛、滅之誠難也。

三、如何鞏固政府

國家之有政府。如人之有首級。人民惡政府不良。如對鑑憎面目不美然。誰無愛好之心。但好亦須依法裝飾。非砍去嫫母首、裝上西施首。血脈能望貫通者。人民嫌政府不良。應與政府開誠討論。若非傷弓損絃。而求治之政府。斷無不接受之理。若乍聞新穎政策。乍受不意之災。憑一怒而推翻政府。未有不鑄成大錯者也。

緣人民之幸福。本依託於法律。法律之效率原聽命於政府。政府失圍。當然法律失效。法律失效。當然強者凌弱。而全國鼎沸。至於元首之來源。由分定、政府有交代手續之減少。由票選、人民有買票金錢之担負。首位歸一人有福。人民僅填一坵慾壑。首位歸幾人有分。人民須填多坵慾壑。人民於元首之觀念。姑無論由分定、由票選、一人有福、幾人有分。呼之爲帝王總統主席。呼之爲公僕工頭犬馬。吾不關得失之平民。只知居首席者、才堪命世。福可齊天。至於幾人在議場作政治買賣。美其名曰人民得權。破壞執法之政府。美其名曰弔民伐罪。逐去執政之元首。美其名曰爲國鋤奸。急求富貴、博得殺身之禍。美其名曰爲民犧牲。以及其他一切掩耳盜鈴之騙語。對今日飽受兵災富有經驗之人民。難言效矣。換言之。任何幸福。均產生於政府鞏固。任何災難。均產生於政府動搖。蓋殷紂炮烙設刑。不過幾人受害。周武鹿台散財。業已流血成渠。暴嚙兩君交替。人民得失之相懸也如此。其他新舊政府交替。人民之損失可知。中華現在之執政人員。任人吹毛求疵。未必如紂王之暴。未來元首、任爾彰是掩非。未必如周武之仁。希望吾民放棄幸福、而喜新

厭舊、不可能也。但人民爲保全幸福。固希望政府鞏固。政府爲息事寧人。尤希望國泰民安。而慾望衝動之大偉人。定必破壞國府、而驅逐元首。二偉人。定必破壞省府、而逐省長。三偉人。定必破壞縣府、而驅逐縣長。人民無權無勇。又其奈之何。蓋國家之破壞。原爲英雄與失業者互相利用。但英雄常有。失業者不常有。英雄不遇失業者。不過匹夫。匹夫遇見失業者。即爲英雄。英雄六欲難遏。治世由正軌求之、即爲國柱。亂世由僥倖求之。卽爲叛逆。人民得業、勸其不爲英雄之黨羽、可能。人民失業。勸其不爲英雄之黨羽、不可能。根據上述諸語推論。中國任是亂黨潛伏。中央任是敵黨環伺。但放棄亂黨、而專務造成人民之生業。則英雄無羽翼爲助。自然變爲國柱矣。至於奉天承運也。弔民伐罪也。爭民權也。爭自由也。護國也。護法也。種種新舊式之名詞口號。不過叛國英雄之臨時措詞耳。

四、如何使武人守法

武人之於社會。原屬於不可少之份子。反而言之。又屬於極危險之份子。其所以不可少者。因他種他族他國橫以武力相加時。不能不賴武人以禦之。其所以危險

者。試觀古今中外之創國元首。非出身行伍者。究有幾人。其功過之相對也如此。武人非一定守法。亦非一定破法。其所以趨於正趨於負之關鍵。屬於天性者小。屬於經濟者大。敢斷言、武人有相當之經濟。可以畫地爲獄。否則必擾亂社會。非一紙軍律、所能有效者也。


中國今日呼之爲軍隊之武人。已達三百萬。中國之常人生活。已達十元。此項武人。欲其不爲禍國家。遺散固爲上法。但彼輩手握利器。非一紙空令所能有效。欲使其造福人民。政府須担負其相當之生活費。其相當之數。以十元生活之兵計算。每兵養一雙父母、一雙兒女、一口妻子、與本身。最少須給與生活費六十元。方能繩之以法。是則此三百萬人。權算皆兵。每年軍餉已超出廿億元矣。今日中央收入不上七億。當然不能支持。解散之不可。裕餉之不能。是則將之以關岳。亦不能望其恪守紀律。有軍隊而不能望其守法。豈國人之付骨疽乎。未盡然也。試思前清軍餉二兩九錢。軍人何以能養活全家。今日兵餉超過十元。軍人何以不能養活全家。前清兵額不上六十萬。何以招致艱難。今日軍數逾三百萬。何以不招自至。當然

前之關係、爲生活增高、食貴全賤。後之關係、爲工貴力賤。人民失業。四者概由西方機械奪人生業而造成。是則果欲使三百萬武人守法。非造成其餉資能贍養全家不爲功。欲其餉資能贍養全家。非弭消上述之四項不良現象不爲功。果欲弭之。非制止白色侵略不爲功。果欲制之。非實行經濟革命提倡手工業不爲功。窮問因果。仍歸功於手工業之經濟革命。近年一般軍事家。以一紙軍律、空口道德。少數餉資。而希望軍人臨陣忠勇。入營守法。予以爲所持者約。何所望者奢也。

五、合論

中國處此風雨飄搖、民不聊生、世界失業恐怖傳來之時。外面萬弩齊發。內而百病交攻。可謂危矣。但非經濟革命。造成國內人皆有業。不足以應付世界之競爭。怒潮。非以人工革命、號召世界之失業人。不足以通過一九三六年之難關。非以人生文明。不足以攻破歐人之唯物迷信。質言之、人工革命。既可以禦強敵。復可以孤朱毛。更可以固政府。尤可以安武人。甚至可以攻破國際競爭。而喚出大同。內足以救國。外足以壽世。誠萬病一針、拔針病愈之良方也。茲將物質文明人生文明

。於中國之利害比較如下。



根據右列二圖。中國人任是至愚。亦知信仰唯物文明。則死無葬身之地。信仰人生文明。可望同登壽域。貪生懼死。又爲人之共同性。國人之從違若何。概可知。

也。此中國圖存、國人求生之理也。然則何以造成國人之人工革命。此世界事也。應列入世界大同篇。

中和經濟論中卷終

中
和
經
濟
論
中
篇

中和經濟論

下篇 呼之即出之世界大同

第一章 論人之趨利避害

人之行爲。屬於趨生避死。已如世界論第一章所述。但何以造成吾人之生。利也。何以速成吾人之死。害也。因此人之行爲。由趨生避死、一變而爲趨利避害。事物於人。利之者、精神上自然發生一種引力。所謂愛是也。有此引力。方寸中不須籌劃。身體自然趨而近之。害者反是。故人冬日見爐而戀之。夏日遇風而迎之。入廁見糞而嘔之。遇仇於途而防之。此因利害而產生之引拒力。因引拒力而發生之趨避好惡也。然孩子因爭食而傾碗。匹夫因遷怒而損器。豈人之行爲。逃出利害之支配乎。非也。蓋人在幼年、或個人、或短時、行事。往往不計利害而參以黨氣。在中年、或多人、或長時、行事。有考慮之餘裕與可能。意氣不能勝利也。又懣者飲鴆而止渴。貪者吞餌而中鈎。豈人之行爲。又逃出利害之支配乎。亦非也。蓋

宇宙之事理無窮。一人之知識有限。非不知趨利避害。乃方寸中利害茫然也。準此。吾人欲知某事、某理、對於某青年、某個人。暫時之迎拒若何。固不可能。但經多數長者相當時間考慮後之迎拒若何。本可先知。萬一不中。只能自責利害之判斷未實。不能謂人之行爲、不受利害之支配。古人謂。失諸正鵠、反求諸其身是也。最易於先知者。莫若關係百千萬人之國家事。關係十六億人之世界事。因絕無絲毫意氣所能參入之故。由此推論。足見先知小事也難。先知大事也匪難。測個人之行爲也難。測衆人之行爲也匪難。至於幼愚瘋痴四項人之行爲。則不可思議矣。

人皆有利己之心。然後及於家庭、國家、世界。但由家利人者切而近。由國利人者泛而遠。由世界利人者更爲泛遠。因此吾人趨利避害之心。皆從自身出發。先我、次家庭、再次國家。又次世界。秩序全不亂也。故洞悉人情之孔子。主張守身爲大。身憫髮膚、受之父母、不敢毀傷。然後身修而後家齊。家齊而後國治。國治而後天下平。求善於順人情。故稱中道。尊爲政治之基。佛耶割臂飼鷹。捨身濟世。求善於毀人情。故稱宗教。僅爲政治之助。其定名有輕重。用之有主副也。假若

吾人遵孔子之中道主張。對世界人下如左之勸告。

利身兼利家。 利家兼利國。 利國兼利世。

右列三項勸告。輕重厚薄遠近得宜。任彼世界之大。人數之多。風俗習慣之不同。聞者無不尊爲綸音懿旨。若不問輕重厚薄遠近。憑個人之一時意氣。對人忘下如左之勸告。

害身利家。 害家利國。 害國利世。

右列三項勸告。不惟聞者發嘔。即親若父子。密若夫婦。亦必激起違言。此馬克思於人則流血。於家則打破。於國則取消。之所以不行也。畢斯麥於人則鐵血。於家則集產。於世則憂亂。之所以失敗也。若人利己禍人。忘作以下之行爲。

只知利身、不計是否害家。

只知利家、不計是否害國。

只知利國、不計是否害世。

右列三項行爲。利己害衆。己與衆利害衝突。當然逼成殺戮。一不勝衆。當然

是一人死、一家破、一國傾。此晋初八王之所以慘死。董卓和珅之所以傾家。拿翁威廉之所以傾國也。若有人謂愛家勝於愛身。愛國勝於愛家。愛世勝於愛國。此毀情之言。偽也。但人特有好名之心。若一旦名心衝動。遭逢下列之機會。

一身死。

能福利衆人。

一家破。

能名傳千載。

遭遇上述機會。不惟耶蘇樂死十字架。夷齊甘死首陽山。即常人處之。亦必樂於殺身成仁。捨生就義。此聖賢之所以爲聖賢。半由機會也。若吾人希聖希賢。身外顯出下列之環境。

一身死。

無功利於衆人。

一家破。

賢名隨即湮沒。

遭逢上述環境。想耶蘇夷齊處之。亦必以守身爲大。此常人之所以充斥於世也。若身危家貧。身外顯出下列之環境。

禍家、可以安身。

禍國、可以富家。

身外有此環境。除情操較濃者外。一定是禍家禍國。此逆子奸民之所以爲環境造成也。此客歲天津之所以有漢奸。歷史上之所以有降將也。

根據上述推論。吾人應知今日世界十六億人。對於世界上千差萬別之事理。利害無常。而迎拒亦無常也。更進一步。吾人應知人皆無病。而業醫者憂之。人皆永生。而業棺者愁之。日本震災。業建築者慶之。黃河潰堤。業慈善者樂之。非人之缺乏道德。乃道德之不能戰勝利害也。

今日世界之國家。約六十以上。家庭約三億有餘。人口約十六億而稍強。吾人發言。果能固六十餘國之政府。富三億戶之家庭。利十六億人之本身。即謂之爲中庸之言。但非窮究利害。不足以發中庸之言。非中庸之言。不足以呼出大同。大矣哉。利害也。難矣哉。中庸之言也。

第二章 窮迫造成大同之動力

一、機械譬喻

今日之競爭世界。可比一座機械工廠。六十餘個國家。可比六十餘部分機。六十餘國之政府。可比六十餘部分機之飛輪。政府施行競爭政治。如飛輪急轉如飛。人民聽政府之命而競爭。如機械聽飛輪之命而轉動。世界上厭惡國際競爭。如在機傍厭惡輪轉。空口制止、國際競爭之無益。如於輪緣制止輪轉之無效。但國際豈永遠競爭。機械豈永遠轉動乎。非也。蓋二者皆後方推動有力。後方推力告罄之日。即競爭輪轉停止之日。無猶豫也。今以機械而論。甲輪推動乙輪。乙輪推動丙輪。歸結萬有之輪、同被推動於鍋爐之水火未濟。若洞其鍋、熄其爐、使水火既濟。則全機停矣。國際競爭、不亦若是。一任甲關係牽連於乙關係。乙關係牽連於丙關係。歸結萬有關係同匯於業寡人衆之關係。若吾人棄機械、復民業。則競爭停矣。故智者止沸則抽薪。愚者止沸則搖扇。智者破德。則刺其發號施令之威廉。愚者破德。則戰其奉命而戰之壯士。足見凡事須歸納其關係。着手於結晶之點。方克有濟。否則徒喚奈何耳。

二、世界變化中原動力之步步追問。

甲、通說

人慾橫流。人與人每產生精神上之不平。因不平而社會方發生變化。社會之變化。隨時皆有。別之、可分爲大中小三項。影響及於世界者、大也。影響及於一國者、中也。影響及於一鄉一邑者、小也。此外則爲私人行為。但無論中大小。其變化中必有一批人司變化之機。此一批人。即社會上失去幸福之人也。蓋人生於世。智愚無根。勇怯無常。須先有一分環境威逼。然後方產生一分智慧。先有一分智慧。然後方產生一分毅力。所謂司變化之機者。具有毅力之人也。譬如孔耶佛受環境之真威逼。當然有孔耶佛之真智慧真毅力、應需而首創三教。再如哥倫布、瓦特、受環境之真威逼。當然有哥瓦之真智慧真毅力、應需而發見美洲。發明汽力。其他環境放縱之常人。爲之不能。何言成之、故真智慧產生於惡環境。真毅力產生真智慧。所謂真毅力者。終底於成之謂也。諺云、不憂否極不泰。只憂否而不極。此予所深信者也。由此推論。今日司世界變化之機者。必專有人焉。而此一批人。一非執掌政治大權之英皇美統。二非富有資本之財貨大王。三非動輒罷工之工人工會。

四非善於發明之馬可尼、愛迪生、換言之。非食膏粱、衣錦繡、住華屋、打彈子、遊世界、稱博士、看小說、坐汽車、等項人。蓋若輩衣食有餘。環境放縱。無所謂智慧毅力。不足以司世界變化之機。然則司變化之機者爲誰。根據上述。不能不追問世界十六億人之環境也。

乙、失業人司世界變化之機

今日爲科學發達時代。物質足稱文明。但欲問攻破國際唯物競爭之司機者爲誰。須考查因唯物文明而不能生活者爲誰。果爾今日武器發達。須問首當射擊之目的者爲誰。市場上車如電馳。須問輪下被碾者爲誰。世界上交通便利。須問囊乏川資有足無路者爲誰。市場上萬貨如山、無美不備。須問飢寒交迫、致之無方者爲誰。世界上汽笛嗚嗚、馬蹄騾嘯。須問有筋力而不能謀生者爲誰。質言之、物質文明。而造成貧者愈貧。富者愈富之幸福不均。富者樂之。貧者苦之。樂者驕。苦者憤。欲問攻破今日國際競爭者爲誰。須問全領六項無幸福者爲誰。六者匯集其身。惟有今日感受赤白兩災之失業人。足見司今日世界變化之機者。即現在遭人鄙棄厭惡之

失業人是也。

丙、中國失業人爲世界失業人之發動機。

丁、中國五百萬武人爲全國失業人之發動機。

戊、中國無餉武人爲有餉武人之發動機。

己、一等受災武人爲二三等受災武人之發動機。

庚、合論。

第三章 中國一等受災武人之智慧

一、中國一等受災武人之避死貪生法

甲、消弭政府之不容

乙、弭消他軍之見逼

丙、弭消人民之不容

二、中國一等受災武人之物需覓取法

三、中國一等受災武人之救國法

四、中國一等受災武人之大同製造法

五、合論

第四章 中國一等受災武人之毅力

一、宣佈與宣傳

甲、中國一等受災武人對列強哀懇詞之大意

乙、中華人工革命對世界之露布大意

丙、中國人工革命對本國之露佈大意

二、人工革命宣佈實行後對世界音響之推測

甲、音波推測

乙、影響推測

1. 測人

2. 測己

3. 人已合測

三、中國人工革命中之中外兵戰問題

甲、評列強之海軍

乙、評列強之空軍

丙、評列強之陸軍

以上各節、俟第三次出版發表。

第五章 中國人工革命後之世界推測

有因必有果。有果必有因。此萬有變化之軌道也。知果必先問因。知因即可測果。此玄哲科三學之準繩也。中國一等受災武人之人工革命、因也。呼出之世界大同、果也。但因果之間、有過程焉。吾人推測結果也匪難。欲測過程狀態爲如何也實難。譬如吾人欲知某水向下而注海也匪難。欲知注海經過某綫也實難。再如吾人欲知某人必死也匪難。欲知死之時地病也實難。因此中國一等受災武人發動後。於世界之大同。固是應呼而出。但此一段轉瞬即變之過程。吾人祇能推測其一等受災武人去禍得福。二三等受災武人繼之。無餉軍去禍得福。有餉軍法之。中國五百萬

武人去禍得福。世界千二百萬失業武人師之。於是機械破產。國籍取消。人皆有業。而世界大同。致於轉瞬即變之過程。無測之可能與必要也。

所謂結果者。大同之究竟也。水之就下也。終趨於平靜。平靜者、萬水之結果也。電之交流也。終歸於中和。中和者。電之結果也。故平靜中和即爲萬有物象之結果。世界之大同、不亦如是。甲人因貪生而仇乙。乙人因貪生而仇甲。歸結於甲乙相反而共生。相友共生者、人與人之結果也。其他國與國、黨與黨、種與種、族與族、宗教與宗教、無不皆然。故吾人對於世界結果之推測。乍然視之。似乎不可思議。蓋世界人有十六億之衆。政府有數十國之多。地分五帶。人分五色。風俗習慣語言文字之不同。而望其歸於大同。難矣。孰知大同者、中和也。吾人測得萬有人事之中和。即將來大同之結果。子思云。致中和。天地位焉。萬物育焉。但吾人不欲追問人事之中和則已。果追問之。必須具下列二條心理。

一、打破主觀。向世界人設身處地。

二、打破偶像。向世界人設身爲敵。

果能將上述二條融合於腦中。庶乎可以言中和矣。茲根據兩條心理。測得人事之中和現象如下。

一、個人經濟之中和

個人經濟。欲求其中和。須達到下列之要求。

- 一、須使人疾病減少。
- 二、須使人不暇爲非。
- 三、須使人物濟無憂。

欲達上述三條要求。社會人必須實行下列三個條件。

- 一、使人每日有必需之勞動。而病自少。
 - 二、使人於勞動中。必得相當之物濟。而憂自消。
 - 三、使人於勞動中。得意志之寄託。方能不暇爲非。亦不陷入寂寞。
- 上述三條之和。得到下列之結果。

- 一、各憑能力。各求溫飽。

二、各憑勤惰。各享豐約。

三、各憑奢儉。各歸貧富。

上述三條結果。即大同後之文明也。否則若於人慾無節之下。用機械代人製造。使人不勞動而生產。廣設彈子場、球場。使人不生產而勞動。廣設學校。使人離開生產勞動而寄託意志。逼出疾病。又提倡衛生醫藥。人類爭端四起。又責人品行不良。老子云。天地不仁。以萬物爲芻狗。此之謂也。

二、夫婦經濟之中和

夫婦二人之經濟。欲希望其中和。須達到下述之要求。

一、使夫婦由婚至老、相依爲命。

二、使夫婦由婚至老、相助而生。

欲達上述兩條要求。須實行下列三個條件。

一、提倡貞操。使夫外無妻。妻外無夫。性交專教此倫。

二、節制青年性慾。移俾晚年性欲。使教倫期向晚年延長。

三、法律保護夫婦之久遠。除閹男石女外。務使其互不相累。互不相疑。上述三條之和。得到下述之結果。

- 一、相助爲生。相依爲命。
- 二、相合聽命。相離聽天。

上述二條結果。即大同後之文明也。否則如今日夫貴則嫌妻。夫賤則妻嫌。青年則淫慾過度。老年則有倫難敦。而要求夫婦恩愛到底。難矣。至於貞操一事。或專責男方。或專責女方。或男女同守。夫婦之如何結合。又聽各地之風俗習慣。不能謂誰宜誰不宜也。

三、父子經濟之中和

父子二人之經濟。欲求其中和。須具下列之三項要求。

- 一、使人十六歲以前。確得父母之憐愛。
- 二、使人中年能加倍生產。自俸外。能養父母、中能撫兒女。
- 三、使人五十歲以後。確得子女之孝養。

欲達上述三條要求。須實行下列三個條件。

- 一、法律制止忤逆。
- 二、政府保護手工業。
- 三、社會旌表孝順。

上述三條之和。得到下列之結果。

- 一、壯年憐愛幼年。青年孝養老年。
- 二、自己憐愛自己。自己孝養自己。

上述兩條結果。即大同後之文明也。否則如今日生存競爭之時代。政府則寶貴青年。鄙棄老年。社會上隨時均有若干老年不能生活。吾人超過某度年紀。亦不能生活。而云幸福。難矣。致於家庭制度。男長制則男方為親。女方為戚。女長制則反之。兄妹成婚制。則有親無戚。實行何項。又聽各地之風俗習慣。

四、社會經濟之中和

社會上相助而生之人衆。欲望其經濟中和。須達到下列之要求。

一、使社會上人與人、絕不互權賊害。

二、使社會上人皆可以謀生。

三、使社會上人皆可以謀欲。

上述三條要求。欲達到第一條。須窮詰古今世界人殺人之動機。余究之、有三焉。一爲意氣爭。二爲衣食爭。三爲慾望爭。三者皆產生於主客關係。換言之、主客爭也。果欲達到社會上人不樂於殺人。必須解散主客團體。打破主客界限。果欲破之。須實行下列三個條件。

一、使任何人在任何言語文字不同之區。可以照常生產。

二、使任何人持有餘生產。在任何言語文字不同之區、可以如意交易。

三、任何社會機關。對任何人、須一視同仁。對語言文字不同之人。可以指

導其生產交易。

果能實行上列三條。則主客界限打破。而人必不樂於殺人矣。但要求達到第一條。則社會上五官四體齊全之健者。固不待言。但孤老盲跛癱四項人之生計。不能

不責之富人。但富人無端負責。事屬不經。因此社會上須提倡以下之事業。

- 一、提倡宗教。俾孤老可以謀生。
- 二、提倡歌曲。俾盲者可以謀生。
- 三、提倡卜巫。俾跛者可以謀生。
- 四、提倡術數。俾癱者可以謀生。

果能實行上列四項。則富人可以消遣。貧人亦得迎合富人而謀生。庶乎一舉兩得也。近日之社會哲學家。主張在社會上廣設廢人院。而容納廢人。甚至廢人生計。異常美滿。須知不勞而食。人之通慾。果然廢人反不幸而為幸。則情者必自造殘廢矣。要求達到第三條。吾人應知凡人皆有慾。勸人知足。誠不可能。緣人有智愚。知識不平等。復有勤惰。生產不平等。社會上有管人被管。權責不平等。家有父子。名份不平等。方寸有好惡。心理不平等。果腹有糟糠美味。食物不平等。煖體有絲毛棉麻。衣服不平等。地帶有寒熱溫。氣候不平等。列身居元首。口食雞魚。身着絲毛。坐軟椅。行溫車。面高唱平等。如印人不知有寒。而主張廢衣。俄人

不知有暑。而高唱廢扇。是一例之愚也。但既不能達到人生無怨。又不能萬事平等。果爾勤者享受豐。惰者享受約。儉者富。奢者貧。生我者父母。我生者子女。出於自然。無須討論。但社會上何人應爲官。何人應爲民。何人應司權。何人應卸責。欲使真能服人。須實行下列六條。

一、有德者爲官。有才者爲佐。兩無者爲民。

二、爲官者貴。爲民者賤。

三、貴者司權。賤者失權。

四、有權者立功。無權者卸責。（乃濟世之功。非軍功戰功。）

五、有功者名不朽。無功者名失傳。

六、名不朽者壽。名失傳者夭。

果能達到上述六條。則社會人均有培德、爲官、司權、立功、之企圖。均有達到企圖之明徑。人之向上心益切。而社會益爲安定。果欲達到上述六條。又須實行以下二條。

一、實行科舉。（所謂科舉者，乃由政府或人民分期而舉賢才是也。非一定如前清之考試入股。）俾有德者得舉而貴。失德者失舉而賤。雖未必達到德者皆貴。亦可養成人之尙德。

二、整理重德崇功之是非史。俾人求名有路。立功得名。

若能實行上述二條。則人之向上心。即爲造成世界極樂之定力矣。上述之利。得到下述之結果。

一、任何人不樂於戕殺任何人。

二、任何人在任何社會均可謀生。

三、任何人在任何社會可以遂慾。

上述三條結果。即世界大同後之文明也。否則若於人慾橫流之社會中。望人制慾。於萬事不平等之社會上。強呼平等。未免緣木求魚矣。

五、國際經濟之中和

今日世界之國家多矣。欲求其經濟中和。須達到下述之六項要求。

一、國境內人地之比 須當適中。務使同樣地土。不得甲地人多。而乙地人少。

二、世襲元首。必趨於湯武。民選元首。必趨於舜禹。

三、使法律絕對有效。有效中不得形近奇蹟。

四、使官吏役僅占人民千分之一。

五、使官吏役必然清廉守法。

六、人民除担負公員之生活費外。不得再有其他担負。

欲達上述六條要求。須實行下述兩個條件。

一、保存現在國區 打破現在國籍。俾世界人得擇國爲民。

二、使政治區域固定。區域內之人民無定。

上述二條之和。得到下述之結果。

一、暴政之區民去。仁政之區民歸。

二、民去之國元首孤。民來之國元首榮。

三、人民尋樂土。元首趨善政。人民平均於世界矣。

上述三條結果。即世界大同後之文明也。日法意亦必鼓勵多育。蘇俄亦不必節制生育。至於法律政治政體。本爲助成人類經濟調和之工具。其是非以人民之去歸爲裁判。其他外交、軍事、交通、建設、諸事。乃競爭國際之私有物也。斯時皮之不存。毛將焉附。

六、宗教之中和

世界今日之宗教多矣。而宗教又爲人生不可少之信仰。論理今日世界十六億人。各人自由崇奉。甲不干乙。乙不干丙。似乎無須中和。各是其是。似無中和之可能。其實非也。蓋無論何教。必以道德爲前提。但徒唱空口道德。必然無效。於是不能不求援於鬼神。且以佛耶回三教而論。關於道德。佛家之慈悲、耶家之汎愛、回家之除暴安良。廣狹雖別。而於人之厚愛則一。關於善者之歸宿。佛家之西方。耶家之天堂。回家之天國。即不同也。關於道德之後援。佛家之阿彌陀。耶回兩家之上帝。尤爲不同。若專讀一教經典。則各有玄妙。各有至理。若三家經典同讀之

。或多神、或一神、或上帝萬能。或佛法無邊。無不甲襯出乙偽。乙襯出甲非。而三家信徒。欲彰己是。故尋人非。退步言之。佛家之佛。耶家之上帝。均算真有其神。而名分高低。豈非又成問題。不特此也。如本同末異之歐洲新舊兩教。印度之婆佛兩教。枝節之爭執。已經毫不讓步。足見宗教之於社會。利害原相對也。試思社會上不可少者即爲宗教。人生不可少者又爲信仰。言語中最足以引起人之憤怒者、即爲信仰被斥。據此推論。三教衝突之極。可以使佛徒反慈悲。耶徒反汎愛。此歐洲耶回七次十字軍之戰。五百年來歐洲新舊兩教之爭執。今日印度回耶教徒之衝突。可証明也。在今日唯物論學說勢盛。共產黨有滅教之聲。莫斯科有毀教之行。患難之中易爲友。教與教自有諒解之可能。若一旦國際競爭停止。唯物論學說勢衰。有甲即襯出乙偽。有乙即襯出甲非。敢必其水火不容也。由此推論。世界大同之日。即教與教大開殺戒之日。回憶佛耶回三至人。在當時各居一地。各生一時。應時應空、而各創一教。任是智慧。亦不料千百年後彼此道德依託之的、發生衝突。若吾後生者。能體諒三至人濟世之心。以道德爲主。神鬼爲賓。百尺竿頭、再進一

步。追問出人精神上之共同寄託。則佛耶回三至人。誠千古之教主矣。若吾輩後生小子。只知墨守成規。全不體諒三至人濟世之本旨。顛倒其賓主。因濟世而逼成流血。恐佛耶回三至人。有罪魁戎首之日。此宗教之不能不中和也。中和宗教。須達到下述之要求。

一、使宗教能濟世、而不禍世。

二、使教與教自然合作、而不衝突。

欲達上述兩條要求。須闡明下列三條理由。

一、佛家之慈悲。耶家之汎愛。回家之除暴安良。皆出發於道德。而道德之焦點。厥在人生。禍人為唯一之戒。

二、佛家之阿彌陀佛、耶回家之上帝。皆為精神結晶後之想相。分之則為多神。合之則為一神。

三、佛家之西方。耶家之天堂。回家之天國。皆為大腦發生之幻景。幻景不同。而理想出之鬼神、亦不同。創出之經典、尤為不同。

果有上述之三條闡明。則各家宗教信徒。必有下述三條觀念。

一、我教之信仰。與他教之信仰。雖分道而馳。然出發點與歸宿點則同也。

不必捨本求末、爭執於中途之是非。而自尋苦惱。

二、不必作我是人非之理論。而希望人之信仰與我相同。更不必作我暗爾明之言語。而捨己媚人。

三、凡有故為深遽。故為秘密。動言我是人非者。非有道德之宗教徒。乃食泥不化之迷信者。

上述三條之和。得到下述之兩條結果。

一、道德絕對。於世界絕對有益。

二、鬼神相對。於人之信仰絕不衝突。

上述兩條結果。即大同後之文明也。否則若各教信徒、隨時發人非我是之言語。隨時有我與人滅之觀念。而望世界安定、難矣。晚近中國新成立一合佛、耶、孔、回、道、而冶為一爐之救世新教。專教徒每譽之為不鹿不馬。吾獨以為因其非鹿

非馬。方足以當救世二字。大同在即。創之者其有意乎。

七、法律之中和

世界大同。人類得擇國爲民。是則世界各國之法律。亦應中和。否則各國之風俗不同。吾人遷地而民。動輒得咎矣。其比例如匈奴以子納父之亡妾爲孝。中國則反之。歐洲以多妻爲犯法。中國則反之。西藏以多夫爲譽。中國則反之。是其例也。中和法律。須達到下述之兩條要求。

一、使世界人在世界上、不得犯無心之法。

二、使世界人在世界上、能立有心之功。

欲達上述兩條要求。須將法律分爲下述三項。

一、世界之大法 此法爲世界人公衆遵守之法。以生人福世爲功。以殺人禍

世爲過。其律條纂之爲律經。適用於全世界。

二、各國之國法 此法上遵律經。下統納各鄉各邑之習慣法。折衷於全國之

風俗習慣。爲國家之私法。其律條纂之爲律書。適用於一國。

三、鄉習慣法 此法上本國法。大法。下合本地之風俗習慣。各鄉之私有鄉規是也。其律條、於社會勒石。適用於一鄉一邑。

世界果能有此三法。則世界人之知法次序如下。

一、人初有知識。即知之以世界之大法。

二、進入某國。閱其律書。即知其國之國法。

三、進入某鄉。視其石碑。即知其鄉之習慣法。

人能如此守法。法能如此不離風俗習慣。即世界大同後之文明也。否則同為風俗習慣所逼成之法。相對中而謂誰是誰非。此不通人情也。若謂自己之風習為是。他人之風習為非。則為主觀太甚。反之則為奴性生成。至於寄生他國。不服人之風俗習慣。而以領事裁判權加之。乃僅知有自身、不知有環境之禽獸行爲。不足評也。

八、數量與幣制之中和

世界大同。人得擇國而棲。擇政而民。果爾全世界之數量幣制。亦須相同也。

中和之。須達到以下要求。

- 一、須使全世界之數量相同。
- 二、須使全世界幣制相同。

欲達上述兩條要求。須實行下述兩個條件。

- 一、全世界之數目進位。須一律以手指之數十爲進位。(如單十百千萬億)俾易於以指記數。數目之記號。聽各國之文字語言。
- 二、全世界之幣制。須一律改用生銅爲第一位。生銀爲第二位。生金爲第三位。其比價以該物之盈虛。生產之難易。爲標準。

上述兩條之和。得到下述之結果。

- 一、任何人在任何地方交易。數量上不致受無謂損失。
- 二、任何人持任何地方之貨幣。可以在任何地方交易、行使。不致受無謂之損失。

上述兩條結果。即大同後之文明也。否則如今日吾人在甲地爲富翁。在乙地自

然流爲貧漢。而希望人不殺人。難矣。

九、語言之中和

世界交通。語言自有中和之必要。近年英人得勢。又因英美二國同文同語。一般趨炎附勢者。主張以英語爲世界語。試思同爲祖宗傳下通用習慣之文字言語。誰當沿用。誰當革除。又波蘭人柴明華。發明一世界語。尤爲不經。蓋借用世界上任何國家之語言。而爲世界語。均有一部份人得到便宜。柴氏之主張。則舉世茫然。不便於世界人。而望其通行。痴矣。語言之中和。須達到下列之要求。

- 一、須使任何國家之文字。任何地方之語言。均不廢棄。
 - 二、須使任何人到達任何地方。可以談簡單語言。
- 欲達上述兩條要求。須將人之言語。訂爲以下三項。

- 一、手語 以手作勢而通轉達意見之語是也。最多不過千句。乃意見如何。手如何作勢。非如歐洲之盲文。作勢表示字母也。現在世界尙無此語。屆時自有人發明之。

然流爲貧漢。而希望人不殺人。難矣。

九、語言之中和

世界交通。語言自有中和之必要。近年英人得勢。又因英美二國同文同語。一般趨炎附勢者。主張以英語爲世界語。試思同爲祖宗傳下通用習慣之文字言語。誰當沿用、誰當革除。又波蘭人柴明華。發明一世界語。尤爲不經。蓋借用世界上任何國家之語言。而爲世界語。均有一部份人得到便宜。柴氏之主張。則舉世茫然。不便於世界人。而望其通行。痴矣。語言之中和。須達到下列之要求。

- 一、須使任何國家之文字。任何地方之語言。均不廢棄。
- 二、須使任何人到達任何地方。可以談簡單語言。

欲達上述兩條要求。須將人之言語。訂爲以下三項。

- 一、手語。以手作勢而通轉達意見之語是也。最多不過千句。乃意見如何。手如何作勢。非如歐洲之盲文。作勢表示字母也。現在世界尙無此語。屆時自有人發明之。

二、口語 即以聲音代意。各鄉各地之土語是也。

三、文語 即文字代意。一國通用之文言是也。

上述三條之和。得到下述之結果。

一、凡人初有知識。即教以手語。口齒清白。即教以口語。能識之無。再教以文語。務使三語皆通。

二、凡人初入異鄉。即憑手語通意。次根據手語。而學口語。再據口語而學文語。庶乎無師而可以學異地之語言也。

上述兩條。即世界大同後之文明也。否則以現在任何一種語言文字爲世界語。均見拒於人之倔強性。吾人通意之言不能中和。而希望世界大同。難矣。

十、思想信仰之中和

吾人大腦發達。必有思想。思想發達。必有信仰。職是於政治上發生政治信仰。精神上發生宗教信仰。吾人所處之環境、若與信仰相違。方寸中必然不怡。方寸不怡。總想削足適履、改變環境而俯就信仰。因此在宗教必演成甲乙祖。在政治

必演成甲乙相殺。在國際競爭之現象下。死於環境與信仰不符之人衆矣。世界大同。萬事中和。豈思想信仰獨不能乎。其中和之法。非以環境就信仰。乃以信仰就環境也。其法如下。

- 一、信仰三民主義者。民於中華。
- 二、信仰共產主義者。民於蘇俄。
- 三、信仰君主政體者。民於英日。
- 四、信仰無政府主義者。民於格林蘭。
- 五、信仰民主政治者。民於美法。
- 六、信仰耶教者。民於歐洲。
- 七、信仰佛教者。民於印度。
- 八、信仰孔道者。民於華日。

上述八條結果。即大同後之文明也。否則世界人之思想信仰各不相同。天下事又不能盡如人意。於不如意中而望世界安定、人得快樂。難矣。

十一 結論

上述十節。萬有人事匯於中和。非作者主張如此。乃大成至聖先師孔子教以如此。亦非孔子主張如此。乃不如此不足服十六億人之心。不如此不足以乎出大同也。經云。不偏之謂中。不易之謂庸。又云。喜怒哀樂之未發。謂之中。發而皆中節。謂之和。中也者。天下之大本也。和也者。天下之達道也。致中和。天地位焉。萬物育焉。再云。大道之行也。天下爲公。選賢與能。講信修睦。故人不獨親其親。不獨子其子。使老有所終。壯有所用。幼有所長。矜寡孤獨廢疾。皆有所養。男有分。女有歸。貨、惡其棄於地也。不必藏於己。力、惡其不出於身也。不必爲己。是故謀閉而不興。盜竊亂賊而不作。外戶而不閉。是謂大同。此孔道之結晶也。窮理於事物始生之處。研幾於心意初動之時。此孔道之出發也。人之所好好之。人之所惡惡之。此孔道之善體人情也。己所不欲。無施於人。此孔道之戒律也。種種觀測。宜乎其與天地同朽。日月同光。乃近有淺見之士。未明孔道真義。斷章取義。妄云孔道固執君主。未探獲孔道之來源。中途相見。妄云孔道近於迂濶。三復上

述之言。能勿愧乎。

第六章 人口論

五百年來。歐洲感人衆食寡之苦。乃有歐人馬耳塞斯人口論之著作出世。斯論謂二十五年人口增加一倍。人口增加。必觀出食物減少。於是引起世界人之絕大恐慌。百年來機械代人生產。因而人類皆集都市。一般乘火車搭輪船之旅客。見車站馬頭城府之人口陡增。頗是馬論。謂今日確有人滿之憂。年來一般步遊之士。見車站馬頭城府之外。人口聊聊。方對馬氏之論懷疑。於是又有新馬耳塞斯派而轉環之。謂二十五年人數增加一倍之生殖率。固是不謬。但同時天災、人禍、所消耗者。亦屬不少。人滿之憂。雖不發生於今日。勢必發生於將來。作者對於此論。極端否認。以爲人口漸增。本爲事實。但任其如何增多。絕無人滿之患。拙作未出版之本體論稿中。有專論生物一章。茲將是章中動物進化之公例數條。錄列於後。借以佐証。

關於動物

一、動物最易生也、必最易死。如微生物一小時可以生若干。而一小時又可以死若干。象鯨則反之。

二、動物身軀之大小。與該項動物數目之多少爲反比。如微生物身軀最小。爲數最多。象鯨則反之。

三、最受摧殘之動物。最易繁殖。如動物中之蠅鼠魚。人中之貧夫婦。最受保護之動物。最易得病。如動物中之六畜。人中之帝王富翁。

四、動物產子或卵爲數少者。必有愛子之心。如人、禽、獸。反之必自食其子。如蛇、魚。

關於人

一、人之數目、與人之身軀爲反比。數目少、身軀必大。反之、必小。故古時人少。則身長九尺。今日人多。則僅長五尺。

二、人之壽歲。與人數之多寡爲反比。人壽長、人數必少。反之必多。故古時人少。動云百歲。今日人衆。平均僅及花甲。

三、人之在胎時間。與人壽歲之長短爲正比。在胎時間長。人壽必長。反之必短。故古時人壽長。而十月在胎。今日人壽短。爲九月在胎。

四、人之軀幹。與人居住陸地之大小爲正比。大陸之民。則身幹偉大。島民則反之。與水寬魚大、水窄魚小之比例同。故中俄印度人之身幹必大。日本安南呂宋人之身幹必小。日本自侵人大陸以來。如魚之由池入海。將來可一定增大。

五、人口增進之數目。與人之食量爲反比。人類身軀之大小。與人之食量爲正比。如古時人少。身軀必大。食量亦大。一方里可以生活某數人。今日反是。一方里不止生活某數人。

根據以上五條推論。今日以五億白人謀生於歐洲大陸。以五億黃人謀生於東亞大陸。自是觀出人滿之憂。若十六億人謀生於兩半球上。則人煙稀少矣。作者一再考究。以今日吾人之身軀食量人壽。在此兩半球上謀生。而兩半球最少能容五十億人。現在世界人數僅十六億。粗懸尙遠。何恐慌之足言。讓步言之。即使今日人數

已充滿五十億之數。則此後人數日增。在貽期日短。食量亦日少。增寬減長。仍無所謂恐慌也。足見天定勝人。極端智慧者、造化也。望人安居無燥。曾受渴災者、不忘水。曾受寒災者不忘裘。歐人曾受人多之災。宜乎一再爲人口增進而蹙眉。但馬氏既知計算人口之增進。應同時注意人身幹嚮歲食量之大小。則無事矣。乃量其長而不問其寬。見其面而不問其體。持片面理由。惑亂人心。使列寧有節制生育之主張。世界有墮胎避孕之風潮。馬氏之罪。豈不大哉。然非杞人之善憂。乃杞人之不智也。